

Mbεε Bhaadal tɔ Mɛkana ε Matye Matye Mɛkpa mε mɛkɛn

Mbεε Bhaadal ε Matye dyeebagwyák ε ekeletye e kyee dik mbyak eYuda. Nyε nadi egu εnyɔɔpe Ekwyala ee nadi tɔ ebhen ε na mwa ε. Matye lεε bot ε náá, Yezu nazyε é éteɓ ezesa náá, etεɓ ee nakwyalaa tɔ bεmekana menek ε neebela εsuk. Matye nakwyal é, é ghen ekeletye e bot ε mbyak eYuda nazesɔaa tɔ mendjaa mε mendjaala mε eYuda ε. Bε nadi é tɔ ezεεga bot ε nadi emyaal náá, bot ε membyak mesis sulal pε daa lɔɔ ε.

Yε bε Matye ɔ, nyey ke é náá, Yezu é **Lyoel** di lεε nε eghen djas sa Zεeb di ewaab nε bot ε di dum kon nε Zεeb ɔ. Lyoel tak epelyaal ezel na bes yii εmet metin mε di tɔ ebhen ε na mwa ε. Náá, Yezu é **Mesia** eYuda nadi ebwood ɔ. E sok nyε di elii dum nε eyon ε di tɔ gwoo ε, nyε dyeebake é náá: Zεeb é Mɛkoozi, eghen bε pe eezenyen kɔ bɔs.

Mbεε Bhaadal ε Matye baazodu é ezel ε wat nε bak besɔ belɛl.

Pε tɔ ezel ε tak, Matye nasεεg mɛkpa ε Yezu é, tɔ mwoob meten: etεɓ ee nyε nalii kana tɔ melanel mε eten kekum elanel eten nε ebá ε, mɛkpa menek baadjɔoaa é mɛkpa mε kɔ etsok. Ye kwyel εlyaal ε ko kyeeɔ bεɔjekel ε Yezu nagoka nε eke é tak ε. Ye nadyeebalyo é kɔ εsu ε εdum kon nε Zεeb, dáa bot di egoka nε εdi nε egwakel pak'ɔɔ ε, nε dáa bε di egoka nε egwakel bε nε Zεeb'ɔɔ ε. Yε kabε ekwyala

ee nakan é elanel kam o, yenek lii é dum ne edul e melo ne melyo étep bot aakegoola Mbée Bhaadal o. Ye kabe mekpa me di to elanel e kam ne elel o, yenek seeg é etep ee di elyo bot esa ee di esée esok di náá, Zeeb é mekoozi e. To elanel kam ne eten ne elel, yenek lyaal é dáa bot di ne ghwyil edi é di wat bekel ne bedhem to zeeega ekeletye e. Ye kabe ekwyala ee di kan to elanel mekam-membá ne ená kekum mekam-membá ne eten o, yenek lyaal é dáa bedjikel di egoka ne ebwood megham me esik e.

Esok ne be ne bela mekpa menek, ne bhii be mekpa menek, mekana me Mbée Bhaadal e Matye kaada é dáa Yezu nadi etsik bot e, ne dáa nye nadi edje medhuu me bot edee e. Ye baakaadaa é étep epus bot náá, be siiza ebupe, ne ebe e meso be ne belyoel yii eYuda.

Pe meken me Mbée Bhaadal e Matye, nye kaada é etep e byel e Yezu, edhoma be, mekoozi me eYuda (to elanel e wat ne elanel e ebá). Pe mesik me Mbée Bhaadal, Yezu, mekoozi me eYuda eedjeaa epée e esyee ne ebemaa é Melaaba (elanel mekam-membá ne eten ne ebá). Tin Zeeb naagomal nye to esyee. Yezu eezetel bedjikel be nyel. Nye eezelwom be, be kegoola Mbée Bhaadal pe daa bot e membyak djas ko bos (elanel mekam-membá ne eten ne elel).

Esok ne Yezu ne byel, nye nadjóaa é **Emanuel**: ye kwyel elee é «Zeeb é ne nena» (elanel e meken, ze mekam-membá ne elel). Mbée Bhaadal Matye sik e ne ekek e Yezu bak: «Me é ne nen sam wat melu djas kekum dwoo bos aakesi e» (elanel mekam-membá ne elel, ze mekam-membá). Yezu é Zeeb to bot.

Dhaad e Yezu

¹ Beeka dhaad ɛ Yezu Klisto, dha ɛ Abalaam, dha ɛ Dhavid ɛ:

² Ye ɛ Abalaam ɛ nabya Izak, Izak ɛ nabya Zakɔɔb, Zakɔɔb kabya ye ɛ Yuda nɛ bɔn nyɛɛg.

³ Tin, Yuda ɛ nabya PɛɛɛZ bɛ nɛ Zeedas. Din ɛ nyɛɛg'ɔɔ nabe ɛ Tamaad. PɛɛɛZ kabya ɛ Eslɔm, Eslɔm kabya ye ɛ Alam.

⁴ Mɔn Alam kadi ɛ Aminadaab, Aminadaab nakabya ye ɛ Naason. Naason kabya ɛ Salman.

⁵ Salman naazɛbya Bhoaaz bɛ nɛ myɛl Layaab. Bhoaaz bɛ nɛ ngbɛ myɛl Luth nakabya ɛ Obɛɛd. Obɛɛd nakabya ɛ Yese,

⁶ Yese ɛ nabya mɛkoozi Dhavid.

Mɛkoozi Dhavid naabya Salomɔn, nyɛ nabya Salomɔn ɛ bɛ nɛ mwaa Wyiili*.

⁷ Salomɔn nabe ɛ sɛɛg ɛ Loboam, Loboam nakabya ye ɛ Abiya, Abiya kazɛbya ye ɛ Asaf.

⁸ Asaf nazɛbya ɛ Yozafat, Yozafat kabya ye ɛ Yolam, mɔn Yolam nabe ɛ Ozias.

⁹ Ozias nadi ɛ sɛɛg ɛ Yotam, Yotam kabya ɛ Akaaz, Akaaz eezɛbya Ezekias.

¹⁰ Ezekias kabya ɛ Manase. Manase kabya ye ɛ Amɔn, Amɔn nakabya ye ɛ Yosias.

¹¹ Yosias kadi ɛ sɛɛg ɛ Yekonia nɛ bɔn nyɛɛg. Tin ɛ bɛ nazɛtɔ ɛ ekwom pɛ kyee dik Bhabhilɔn.

¹² Bhii bɔn Yisalaɛl natɔ ɛ ekwom pɛ kyee dik Bhabhilɔn ɛ, Yekonya nakabya ɛ Salatyɛl, bhii tak Salatyɛl eezɛbya Zolobabel,

¹³ Zolobabel kabya ye ɛ Abyuud, Abiyuud nabe ɛ sɛɛg ɛ Elyakim, Eliyakim kadi ɛ sɛɛg ɛ Azɔɔd;

* **1:6 Mwaa Wyiili** Eteɛ nɔ́á, nyɛ nadek nyɛ ɛ nɛ dhiiti mɔɔ sodja ye, din ɛ lɛ Huri.

¹⁴ Azɔɔd eezebya Sadɔk, Sadɔk kabya ɛ Akim, mɔn Akim kadi ɛ Eliyuud.

¹⁵ Eliyuud kadi ɛ sɛɛg ɛ Elezaad, Elezaad kabya ɛ Matan. Matan eezebya Zakɔɔb,

¹⁶ Zakɔɔb kadi ɛ sɛɛg ɛ Zozɛf ngom ɛ Maali. Ye ɛ Maali tak ɛ nabya Yezu bot di edjoo Mɛsia ɔ.

¹⁷ Tinaak, kana kɔkɔ mɛbyel ɛ Abalaam, keyaka nɛ yɛ Dhavid, ye nabe ɛ, ye naasa tyee ekɔkɔ e mɛbyel kam nɛ ená. Ye naabaasa tyee ekɔkɔ e mɛbyel kam nɛ ená kana ɛbyel ɛ Dhavid, keyaka nɛ membu mɛ bɔn Yisalaɛl natɔ ɛ ekwom pɛ Bhabhilɔn ɛ. Kana membu mɛ bɔn Yisalaɛl natɔ ɛ ekwom pɛ Bhabhilɔn ɛ keyaka nɛ ɛbyel ɛ Mɛsia, ye naasa tyee ekɔkɔ e mɛbyel kam nɛ ená.

ɛbyel ɛ Yezu Klisto

¹⁸ Gwakeka ɛsuk ɛ ɛbyel ɛ Yezu Klisto. Maali nyɛɛg nabe ɛ ghɔɔd ɛ Zozɛf. ɛsok nɛ bɛ nɛ di moma nɛ motom, ye nabe ɛ, Maali eezebela ɛbum nɛ ghwyil ɛ Sisim na Dɛɛ.

¹⁹ Zozɛf, mwaaz'ɛ nabe ɛ mot epiki, nyɛ nabe ɛ àákwyɛl ɛdhusal nyɛ ɛ mis mɛ bot. Nyɛ ɛ boozɛke náá, emwaaz bɛ nɛ Maali si tɔ syaab.

²⁰ Dáa nyɛ nadi esiiza deenek ɛ, dhiiti fofop ɛ Ghɛɲ ngɔt eezeɛtuula nyɛ tɔ dhyam, nyɛ eezeɛke nɛ nɛ náá: «Zozɛf, dha ɛ Dhavid, nábem ba ɛtɛp ɛba Maali, etɛɛ náá, ye ɛ nɛ ghwyil Sisim na Dɛɛ ɛ, nyɛ bela ɛbum.

²¹ Nyɛ waabya mɔn mɔɔ motom, bi aaget nyɛ ɛ Yezu, etɛɛ náá, nyɛy ɛ kwaatsik bot ɛ mbyak'ɛ tɔ mesyem mɔɔ.»

²² Eseseɛ binek djas aasaɛl ɛ, etɛɛ náá, etɛp djas Ghɛɲ nalɛɛ tɔ nuub ɛ ngooɛɛl-mɛkpa ɛ Zɛɛb neebela ɛsuk. Ye nabe ɛ náá:

23 «Mɔn ɛsyɛs ɛ moma di ààgu botom ɔ waabela ɛbum. Bhii tak, nyɛ waabya mɔn mɔɔ motom,

nyɛ aaget nyɛ ɛ Emanuel.†»

Ye kwyɛl ɛlɛɛ ɛ: «Zɛɛb ɛ nɛ nena.»

24 Dáa Zozɛf kadjem ɛ gɔ ɛ, nyɛ zokasa ɛ dáa fofop ɛ Ghɛɲ nalɛɛ nyɛ ɛ, nyɛ ɛ boozɛbeeb myɛl Maali.

25 Tin, nyɛ nabɛ ɛ ààsɛɛga gon bɛ nɛ myɛl kɛkum dwoɔ myɛl nabya mɔn motom, Zozɛf naget Yezu ɛ.

2

Bɛtson ɛ bot eezɛtɔ kɛduwal Yezu

1 Yezu nabyɛl ɛ pɛ dɛl ɛ Bheteleɛm pɛ kyee dik Yude ɛ ghɛɲ Elood nadi mɛkoozi ɛ. E ghɛɲ tak, ye nabɛ ɛ, bɛtson ɛ bot naadus pɛ kyee ɛdjɛm ɛ dwoɔ, kum pɛ Yeluzalɛm.

2 Tin, bɛ moo zɛdji náá: «Mɛkoozi mɛ eYuda, mɔn di náá, nyɛ ààloo nɛ ɛbyɛl ɔ, nyɛ ɛ wo? Bis eebee kwyikwyɛn yɛ edus pɛ ɛdjɛm ɛ dwoɔ, bis ɛ bookazyɛ zɛduwal nyɛ.»

3 Dáa mɛkoozi Elood nagwak deenek ɛ, ye nabɛ ɛ, ye naakpaa nyɛ lyɛm ɛbuɛpɛ dɔɔ nɛ bot ɛdi kɔ ghaada Yeluzalɛm ɔ.

4 Wɔ gwaa nyɛ zɛdjoo bot ɛ nadi kɔ elo eboo bɛghaa-Zɛɛb ɔ djas, nɛ bɛghan ɛ mɛkana mɛ etsi djas, nyɛ needji bɛ di Mɛsia di esiɲa nɛ ɛbyɛl ɔ.

5 Bɛ eezɛbɔɔza nɛ nɛ náá: «Pɛ Bheteleɛm, pɛ kyee dik Yude etɛɛ náá, ngoolɛl-mɛkpa ɛ Zɛɛb nakwyal ɛ náá:

6 “Wɔy Bheteleɛm, kyee dik Yude

Nɛ tsɛɛtsɛ wɔ tok nɛ ghwyil ɛbyasɛlaa pɛ kɔ mɛl mɛ di kɔ kyee dik Yude ɛ,

† 1:23 Eza 7.14

etɛɛ nɔ́á, kɔ lɔ'ɛ aapaawyis boo kukuma
mot aadjɛɛd mbyak'am Yisalaɛl ɔ.*»

⁷ Deenek, wɔ gwaa, mɛkoozi Ellood zɛdjoo betson
ɛ bot binɔk tɔ syaab. Tin, bɛ eezɛɛɛ nyɛ sum di nɛ
ɛwala ɛ kwyikwyen tak nanyen tɔ gwoo ɛ.

⁸ Bhii tak, nyɛ eezɛlwom bɛ pɛ Bheteleem. Nyɛy nɛ
nɔɔ nɔ́á: «Tɔ́ka kɛsaa, da bi é gu etɛp djas dum nɛ
mɔn tak, dɔɔ nɛ zeza nɛ di nyɛ di ɔ. Bi é bela ɔɔ, da
bi é lɛɛ mɛ, etɛɛ nɔ́á, mam pe neezyɛ, zɛduwal nyɛ.»

⁹ Bhii bɛ nazegwak dɔ́a mɛkoozi nalii nɛ nɔɔ
ɛ, bɛ eezɛnɔɔ mɛnyel dhaa yɔɔ. Tin, kwyikwyen
bɛ nadi ebee pɛ ɛdjɛm ɛ dwoo ɛ, moo kɛ pɛ sok
bhwoob'ɔɔ pɛ ɛko, é sok bɛ nakum zeza nɛ di mɔn
tak nadi é, Wɔ gwaa kwyikwyen zɛtyaa piki, é di
wat, àákabaakɛ.

¹⁰ Dɔ́a bɛ nabee kwyikwyen ɛ, bɛ nabe é, bɛ
naamyaala ɛbuɛpɛ.

¹¹ Bhii tak, bɛ eezɛni tɔ ndjaa, zɛbela mɔn bɛ nɛ
nyɛɛg Maali tin. Wɔ gwaa, bɛ zɛkwyit mɛbon si éɛp
ɛduwal mɔn. Bhii tak, bɛ eezɛkɛɛ mɛkɔm mɔɔ. Bɛ
eezɛpɛk nyɛ nɛ elɔɔd, nɛ bɛmɛnanas di edikaa tɔ du
ɛ, zɛnɔɔ mul mɛ di djooaa miid ɛ.

¹² Bhii tak, wɔ gwaa Zɛɛb zɛlu bɛ tɔ dhyam nɔ́á,
bɛ nàdhaa pɛ daa Ellood. Tin, é ɛsik ɛ lɔɔ pɛ dɛl ɛ lɔɔ,
bɛ nakadhan é, pɛ ze sis.

Zozɛfnɛ Maali zɛnɔɔ mɔn'ɔɔ Yezu, kaab tɔ pɛ Eziptɛ

¹³ Bhis betson ɛ bot binɔk natóɛ, fɔfop ɛ Ghɛn ngɔt
eezɛtuula Zozɛf tɔ dhyam. Nyɛy nɛ nɛ nɔ́á: «Wyɛla.
Nɔ́ŋa mwalo nɛ mɔn, da bi é kaab, tɔ, kɛsɔwa pɛ
Eziptɛ. Kɛdi penek, kɛkum dwoo mɛ aake nɔ́á,

* 2:6 Mís 5.1

wɔ bula ɛ. Etɛɛ nɔ́á, Ellood é waasaa mɔ́n éteɓ nyɛ neegó nyɛ.»

¹⁴ Tin, Zozɛf é boozeɓɓyɛl, nɔ́ɔ mɔ́n nɛ myɛl, zeɓaɓ pum-ɛ-pum, tó, keɓɔwa pɛ Ezipte.

¹⁵ Zozɛf zokadi penek ɛ kekum elu ɛ esyee ɛ Ellood. Ye nasɛɛ deenek ɛ, etɛɛ nɔ́á, etɛɓ ee Gheɗ naloolɛɛ tɔ nuub ngoolel-mɛkpa mɛ ɛ, neebela ɛsuk. Ye nabe é nɔ́á: «Mɛ eedjoo mɔ́n'am éteɓ nyɛ neewyis tɔ dɛl ɛ Ezipte.†»

Ellood eezɛgɔ bɔɔ dhyeeb

¹⁶ Bhis Ellood nazɛgu nɔ́á, betson ɛ bot binɔk naakɔɔ nyɛ ɛ, nyɛ naazeɓiyo elyelɛpe. Wɔ gwaa nyɛ zɛdje elee nɛ bot bɛ nɔ́á, bɛ tó pɛ Bheteleem nɛ mɛl mɛ di é mengwoob ɛ djas, kegɔ bɔ́n botom djas di nɔ́á, bɛ dinaa ààpaakum membu membá ɔ. Etɛɛ nɔ́á, ndem betson ɛ bot nalɛɛ nyɛ ɛ, ye nabe é nɔ́á, mɔ́n tak nadi é, tɔ lɔɔg membu menek.

¹⁷ Tin, etɛɓ ee ngoolel-mɛkpa ɛ Zeɛb Zelemi nalɛɛ é boo zeɓela ɛsuk. Nyɛ nabe é, nyɛ naake nɔ́á:

¹⁸ «Etsim epegék pɛ dɛl ɛ Lama; etsim e boo mɛgwɛ nɛ mezuk. Ye é Lasɛl ɛ di edje bɔ́n bɛ.

Nyɛ aanàkwaakat ɛgwɛ, etɛɛ nɔ́á, bɔ́n tokapɛ‡.»

Zozɛf nɛ Maali zenɔɔ mɔ́n'ɔɔ Yezu eezɛdus Ezipte, sik pɛ Nazalet

¹⁹ Bhis esyee ɛ Ellood, fofop ɛ Gheɗ ngɔt eezetuula Zozɛf tɔ dhyam pɛ Ezipte.

²⁰ Nyɛy nɛ nɛ nɔ́á: «Wyɛla. Nɔ́ɗa mwalo nɛ mɔ́n, da bi é sik pɛ kyee dik Yisalaɛl etɛɛ nɔ́á, bot djas nadi ekɓɓyɛl ɛgɔ mɔ́n'ɔɔ, bɛ eezesi “bhɛɛɛ”.»

† 2:15 Oze 11.1 ‡ 2:18 Zel 31.15

²¹ Tin, Zozɛf ɛ boozɛwyl, nɔɔ mɔn nɛ myɛl sik pɛ kyee dik Yisalaɛl.

²² Tinaak, dɔa nyɛ nagwak nɔa, Alselaɔs naadjila sɛɛg Eloud kɔ bɔɔ mɛkoozi pɛ Yude ɛ, bwɔɔ naasa nyɛ ɛ ɛtɔ pɛ yiizaag. Zɛɛb ɛ boobaazɛdjɛ nyɛ mɛlyo mɛsis tɔ dhyam. Tin, nyɛ eezɛtɔ pɛ dhiiti dɛl ɛsis, pɛ kyee dik Ghalile.

²³ Nyɛ ɛ boozɛtɔ kɛdi pɛ dhiiti dɛl, din ɛ dɛl ɛ tak ɛ Nazalɛt. Ye nasɛɛ deenɛk ɛ, etɛɛ nɔa, dhiiti etɛp ee Zɛɛb nalɛɛ tɔ enuub e bɛngooel ɛ mɛkpa ɛ Zɛɛb ɛ, neebela ɛsuk. Ye nabɛ ɛ nɔa: «Bɛ aadjɔɔ nyɛ mot Nazalɛt.»

3

Mɛlyo ɛ Zanj Nduuel-bot

¹ E ghɛɲ tak ye nabɛ ɛ Zanj Nduuel-bot eetuula tɔ kyee bɔs bɛsyɛ di ɔɔbɛ nɛ mɛdii ɛ e kyee dik Yude. Nyɛ nadi elyo ɛ nɔa:

² «Liigka elyem bin, etɛɛ nɔa, ɛyɔɲ ɛ di tɔ gwɔɔ ɛ, yɛ eezekunaa!»

³ Ngooel-mɛkpa Ezayi nalii ɛtɛp'ɛ ɛ nɔa:
«Mot ngɔt ɛpetuud kɔ kyee bɔs bɛsyɛ di ɔɔbɛ nɛ mɛdii ɛ nɔa:

“Koobalka mɛzɛ ɛ Ghɛɲ!

Tuuka nyɛ mɛzɛ mɛ na looba-looba!”»

⁴ Kaad Zanj nadi ebɔt ɛ nasael ɛ nɛ mya mɛ boo yaaga kyee bɔs bɛsyɛ di ɔɔbɛ nɛ mɛdii ɛ. Nyɛ nabɛ ɛ nɛ bhɛtɛ ket ɛ kuu. Nyɛ nadedɛ ɛ etsemaaka nɛ egɔ.

⁵ Bot ɛ ghaada Yeluzalɛm nɛ bot ɛ kyee dik Yude djas, zɛnɔɔ bot ɛ nadidi mbaka-mbaka nɛ dii Yuldɛn ɔ nadi ezyɛ pɛ daa lɛ.

⁶ Bɛ nadi evaa mesyem mɔɔ ɛ mis mɛ bot. Bhii tak ɔ, Zan zɛduu bɛ Zɛɛb tɔ dii Yulɔn.

⁷ Daa Zan nabee naa, bɛtɛ nɛ eFalizye nɛ eSaduseɛ nadi ezyɛ pɛ daa lɛ ɛbuɛpɛ zɛduwa Zɛɛb ɛ, nyɛ ɛ boozɛke nɛ nɔɔ naa: «Biyo mbyak mɛgel mak! Ɛzɛ lyo bin naa, bi kaab ɛbuk ɛ Zɛɛb ze kunaa nɛ ezyɛ enek?

⁸ Lyaalka nɛ esesɛɛ bin naa, ye ɛ tsɛtɛ naa, bi eezeliig elyem bin.

⁹ Betka ɛke biyo nɛ biyo naa: “Dhiiti sonok aanakwaasa mena, etɛɛ naa: Abalaam ɛ bhaab'enaka.” Etɛɛ naa, Zɛɛb ɛ nɛ ghwyil eliig mekok mak ye liiza bɛdha ɛ Abalaam.

¹⁰ Ye nyɔ ɛ bi gu naa, zon moo ɛ nɛɛga ɛ ɛbok ɛ le ɛtɛp ye neetsaal ekanal e tak. Ele ee di aadjɛ mbɛɛ bhum ɔ djas, goka ɛ nɛ ɛkwyalaa. Bhii tak, da ye ɛ kɛmwasaa tɔ du.

¹¹ «Ye ɛ tsɛtɛ naa, mam duu bin Zɛɛb ɛ tɔ mɛdii, ɛtɛp ye neelyaal naa, bi eezeliig elyem. Ye kabɛ mot di zyɛ bhis'am ɔ, nyɛ aaduu bin Zɛɛb ɛ, tɔ ghwyil Sisim na Dɛɛ nɛ du. Nyɛ eedhaa mɛ nɛ mɛbwala. Mam aanakwaakobela-bela duu ɛmalal ɛtɛp ɛkotii-tiiak ekel ekoko bɛ.

¹² Tɔ mɛmbɔ mɛ, nyɛ eemɛt wal ɛtɛp nyɛ neewa mbɛk pak ezeeza nɛ bhum. Ezeeza pak wat, mbɛɛ bhum yak pak. Tin, nyɛ waakwom mbɛɛ bhum tɔ taa. Ye kabɛ ezeeza ɔ, nyɛ kakɛmwas ye ɛ tɔ du na kɔm-kɔm.»

Eduwa Zɛɛb ɛ Yezu Klisto

¹³ Dhiiti dwoo Yezu naazɛdus pɛ kyee dik Ghalile zɛkum pɛ dii Yulɔn pɛ kyee Zan nadi ɛ, ɛtɛp nyɛ needuwa Zɛɛb daa Zan.

¹⁴ Wɔ gwaa Zan zɛbyen yɛ. Nyɛy nɛ nɛ náá: «Ye é mam ɛ di egoka nɛ ɛzyɛ, zɛduwa Zɛɛb pɛ daa lo. Ghuna ye é wɔy é kazyɛ pɛ daa lam e!»

¹⁵ Yezu eezɛbɔɔza nɛ nɛ náá: «Wɔ goka é wɔ myaal náá, ye sɛɛ deenɛk é ɛwala ɛlak. Etɛɛ náá, deenɛk mena sa é ɛkwosak ɛ Zɛɛb.» Tin, Zan é boo zɛmyaal.

¹⁶ Dáa Yezu naduwa Zɛɛb ɛ, wyisa nyɛ nazowyis to mɛdii ɛ, é di tak wat, wɔ gwaa gwoo zɛbɛɲɛl kɔ ɛko ɛ lɛ. Bhii tak, Sisim na Dɛɛ eɛzyɛ, zɛsul kɔ lɛ tyee ɛghum.

¹⁷ Dhiiti gwood eezɛgɛk to gwoo náá: «Nwyak é mɔn'am mɛ di kwyl ɔ. Mɛ eedyeebamyaala nɛ nɛ ɛbuɛpe.»

4

Mɛbhowal ɛ Yezu Klisto

¹ Bhii tak, Sisim Zɛɛb eezɛwyl Yezu, tɔ nɛ nɛ pɛ kyee bɔs bɛsyɛ di áàbɛ nɛ mɛdii ɛ, etɛɛ náá, Dim mot mɛkɔɲ neekɛwa nyɛ to mɛbhowal.

² Dáa nyɛ nazɛtsi edee éɛp mendjaala tyee mɛlu mɛkam-mɛná nɛ epum mɛkam-mɛná ɛ, za naazɛsa nyɛ.

³ Tin, Satan, Mot mɛbhowal eezɛtiila pɛ daa lɛ. Nyɛy nɛ nɛ náá: «Ye bɛ náá, wɔ é Mɔn ɛ Zɛɛb ɔɔ, kea nɛ mɛkok mak náá, ye liiza emapa.»

⁴ Yezu eezɛbɔɔza nɛ nɛ náá: «Ekwyala ɛ Zɛɛb lɛɛ é náá:

“Ye tok emapa nɛ emapa di esa náá, mot di nɛ tsik. Mot tsak é nɛ mɛkpa djas di edus to nuub Zɛɛb ɛ.*”»

⁵ Bhii tak, Dim mot mɛkɔɲ eebaazɛtɔ nɛ nɛ pɛ Yeluzalɛm ghaada na dɛɛ. Nyɛ eezɛgɛl nyɛ kɔ nges Ndjaa-ebuwa.

* **4:4** Dɛt 8.3

6 Nyey nɛ Yezu nɔ́á: «Yɛ bɛ nɔ́á, wɔ́ ɛ́ Mɔn Zɛɛb ɔɔ, tsela, da wɔ́ ɛ́ kɛduma pɛ si, etɛɛ nɔ́á, ekwyala ɛ́ Zɛɛb lɛɛ ɛ́ nɔ́á:

“Kɔ́ ɛsu ɛ́ lɔ́, Zɛɛb ɛ́ waake nɛ efofop bɛ nɔ́á:

Bɛ bɛp wɔ́ nɛ mɛmbɔ́ mɔɔ,

ɛ́ kaab nɔ́á, wɔ́ ɛ́ zɛkɛbema ɛbɛk.†”»

7 Tin, Yezu eezɛbɔɔza nɛ nɛ nɔ́á: «Ekwyala baalɛɛ ɛ́ nɔ́á: “Sa wɔ́ ààwa Ghɛɲ Zɛɛb'ɔ́ tɔ mɛbhowal‡.”»

8 Dim mot mɛkɔ́ɲ eebaazɛnɔɔ nyɛ, tɔ́ nɛ nɛ pɛ kɔ́ dhiiti ɛtsok ɛ́ na vyɛɛgvɛɛg. Nyɛ eezɛtɛl nyɛ mɛyon mɛ bɔs djas nɛ mɛkas nɛ ɛnɛm tak djas.

9 Dim mot mɛkɔ́ɲ eezɛkɛ nɛ nɛ nɔ́á: «Mɛ waadjɛ wɔ́ esɛsɛ bak djas, wɔ́ kwyit mɛbɔɲ mɔ́ si mɛko mam, da wɔ́ ɛ́ duwal mɛ ɔɔ.»

10 E di'enek, Yezu ɛ́ boozɛkɛ nɛ nɛ nɔ́á: «Dusa tin, Satan! Etɛɛ nɔ́á, ekwyala lɛɛ ɛ́ nɔ́á:

“Yɛ ɛ́ Ghɛɲ Zɛɛb'ɔ́ ɛ́ wɔ́ di egoka nɛ ɛduwal.

Wɔ́ goka nɛ ɛsa ɛ́ mɛsa mɛ met.§”»

11 E sok'enek, Dim mot mɛkɔ́ɲ eezɛbet nyɛ, nyɛ eezɛtɔ́ yɛ. E di'enek, wɔ́ gwak efofop zokazyɛ zɛkwyɛɛ nyɛ.

Yezu eekan ɛsa mɛsa mɛ tɔ́ kyɛɛ dik Ghalile

12 Bhis Yezu nagwak nɔ́á, Zan naamɛtaa ɛ́ mbok ɛ́, nyɛ naazɛtɔ́ pɛ Ghalile.

13 Nyɛ nabɛ ɛ́ ààkosulal kɔ́ ghaada Nazalɛt. Tin, nyɛ nakwos ɛ́ ɛkɛdi pɛ ghaada Kapɛlnaum, ghaada tak nadi ɛ́ mbaka-mbaka nɛ boo soob na djato-djato Ghalile, pɛ pak kyɛɛ dik ɛ́ Zabulɔn nɛ Neftali.

14 Nyɛ nasa deenɛk ɛ́, etɛɛ nɔ́á, etɛp ngoolel-mekpa Ezayi nalɛɛ ɛ́ neebela ɛsuk:

15 «Kyyɛ mɛdhik mɛ Zabulɔn nɛ Neftali

† 4:6 Mɛd 91.11-12 ‡ 4:7 Dɛt 6.16 § 4:10 Dɛt 6.13

pɛ kyee ze boo soob na djato-djato pɛ yii kyiid dii
Yuldɛn,
Ghalile, pɛ bot ɛ di ààbɛ bot ɛ mbyak eYuda di ɔ!

¹⁶ Mbyak di tɔ ghooghom ɛ waabee
boo ngel gwyɛ é kas tɔ lɔɔ!

Dɔɔ nɛ bot ɛ di ekɔɔla tɔ ghooghom pɛ kyee dik ɛsyee
ɔ, gwyɛs é waakas kɔ lɔɔ.* »

¹⁷ Kana ɛwala ɛlenek, Yezu naazɛkan ɛlyo bot
náá: «Liigka elyem, etɛɛ náá, ɛyon ɛ di tɔ gwoo ɛ, yɛ
eezekunaa!»

Yezu eezɛdjoo bɛdjekel bɛyii mɛkɛn

¹⁸ Dhiiti dwoo Yezu nadi ekɛ mbaka-mbaka
nɛ boo soob na djato-djato e Ghalile. Dáa nyɛ
nabee belael ɛ mɛwyet bɛbá, dhyeeb nɛ tel, bɔɔ ela
mɛwyet ɛ. Bot ɛ tak nabe é Simɔn, mot nagetaa
Pyɛɛɔ ɔ, zɛnɔɔ dhyeeb Andele ela ɛwyet tɔ dii.

¹⁹ Tin, Yezu eezɛke nɛ nɔɔ náá: «Duka mɛ, mɛ
waasa náá, bi di belael ɛ mɛwyet étɛp ɛmɛt ɛ bot.»

²⁰ E di'enek wat, bɛ eezɛdhuugal mɛwyet mɔɔ,
étɛp ɛdu Yezu.

²¹ Bhii Yezu nake ba «zii» é, nyɛ eezɛboma nɛ
bɛdhiiti bot ɛsis, dhyeeb nɛ tel, Zak bɛ nɛ mɔn ɛ
nyɛɛg Zan, bɔn ɛ Zɛbɛɛ. Bɛ nadi é tɔ elɛɛɔ, ekoobal
mɛwyet mɔɔ, bɛ nɛ sɛɛg'ɔɔ. Tin, Yezu eezɛdjoo bɛ.

²² E di'enek wat, bɛ eezɛdhuugal elɛɛɔ nɛ sɛɛg'ɔɔ,
bɛ eezɛdu Yezu.

Yezu moo lyo nɛ ɛtsik ɛ bot

²³ Tin, Yezu naazɛtɔ pɛ kyee dik Ghalile djas,
nyɛ nadi edjɛ mɛlyo tɔ mendjaa mɛ mendjaala mɛ
eYuda nadi pɛ kyee dik tak ɛ. Nyɛ nadi egoola Mbɛɛ
Bhaadal dum nɛ ɛyon ɛ Zɛɛb, nɛ ɛbaatsik bot ɛ nazye

* **4:16** Eza 8.23—9.1

nɛ mɛbɛ membri nɛ membri ɔ nɛ bot ɛ nadi nɛ edjam ɔ.

²⁴ Ye nabɛ ɛ, menduk mɛ naakɛ kɔ kyee dik Siili djas. Bɛ ɛ boodi zezyɛ nyɛ nɛ bot ɛ nadi nɛ mɛbɛ membri nɛ membri ɔ, nɛ bot ɛ embee esisim nadi edhe-dhek ɔ, dɔɔ nɛ bot ɛ nadi ebil djem ɔ nɛ eboka e bot. Yezu zokatsik bɔɔ djas.

²⁵ Mɛdhuu mɛ bot ɛ nadi edu nyɛ ɔ, nadudus ɛ pɛ Ghalile, pɛ pak eghaada kam, pɛ ghaada Yeluzalem, pɛ Yude nɛ bot ɛ kyee dik nadi pɛ yii kyiid dii Yulɛn ɔ.

5

Yezu eezɛdjɛ bot mɛlyo kɔ ɛtsok

¹ Dáa Yezu nabee ɛdhuu ɛ bot binɔk ɛ, nyɛ naazɛbyet kɔ ɛtsok, nyɛ eezɛnɔɔ nyel'ɛ, disi. Bɛdjekɛl bɛ eezɛdisi e ngwoob'ɛ.

² Nyɛ eezɛni ɛ djɛ bɛ mɛlyo:

Tɛɛ mɛmyaala

³ «Mɛnyɔ nɛ bɛdjɛl ɛ bot tɔ sisim, etɛɛ náá, ɛyon ɛ di tɔ gwoo ɛ, ye ɛ yɔbɔ.

⁴ Mɛnyɔ nɛ bot ɛ di edje nenak ɔ, etɛɛ náá, Zɛɛb ɛ waadis ghon di tɔ elyem bɔɔ ɛ!

⁵ Mɛnyɔ nɛ bot ɛ di etela ɔ, etɛɛ náá, bɛ waabela kyee bɔs Zɛɛb nakɛk bɛ ɛ!

⁶ Mɛnyɔ nɛ bot ɛ di nɛ za nɛ gwyɛs ɛsa ɛkwosak ɛ Zɛɛb ɔ, etɛɛ náá, bɛ waadɛ, djill!

⁷ Mɛnyɔ nɛ bot ɛ di gek bot ɛsis ghon ɔ, etɛɛ náá, Zɛɛb ɛ waagek bɛ ghon!

⁸ Mɛnyɔ nɛ bot ɛ di nɛ mbɛɛ elyem ɔ, etɛɛ náá, bɛ waabee Zɛɛb.

⁹ Mɛnyɔ nɛ bot ɛ di esaa egwyem pak'ɔɔ ɛ,
etɛɛ nɔ́á, Zɛɛb ɛ waadiig bet nɔ́á, bɛ ɛ bɔn bɛ!

¹⁰ Mɛnyɔ nɛ bot ɛ di tɔ tsik mezuƙ ɔ
etɛɛ nɔ́á, bɛ ɛ pesa ɛkwosak ɛ Zɛɛb,
etɛɛ nɔ́á, ɛyɔŋ ɛ di tɔ gwoo ɛ, ye ɛ yɔbɔ!

¹¹ Mɛnyɔ nɛ nen, ye bɛ nɔ́á, bot ɛ pelee bin ɔ, nɛ ɛwa
bin tɔ tsik mezuƙ ɔ, bɛ di esu bin etɛp mbɛs ɔ, nɛ
ɛbaasaab dék'en, ɛtɛp'am ɔ.

¹² Myaalaka, da bi ɛ bɔl zɛŋ, etɛɛ nɔ́á, boo etuud bin
ɛ nɛɛga pɛ tɔ gwoo. Etɛɛ nɔ́á, ye ɛ deenek ɛ bɛ nazuk
bɛngooelɛ ɛ mɛkpa ɛ Zɛɛb nazye ɛsok nɛ nen ɔ.»

Bɛdjekel ɛ mɛsɔn nɛ mɛkas kɔ bɔs

¹³ «Ye ɛ biyɔ ɛ di mɛsɔn kɔ bɔs. Ye bɛ nɔ́á, mɛsɔn
moo ɛ, àakagwom ɔ, ye goka ɛ nɛ ɛsaaa dɔ́a ɛtɛp
mɛsɔn neebaagwom? Deenek mɛsɔn aakadi ɛ,
ààbɛ nɛ mɛsa mɛ ye aasaaa nɛ ye ɛ. Deenek, ye goka
ɛ nɛ ɛmwasaa pɛ kel, da bot ɛ nyal ye.

¹⁴ «Ye ɛ biyɔ ɛ di mɛkas kɔ ɛko ɛ bɔs. Dɛl ɛ di suma
kɔ ɛtsok ɔ, tok nɛ ghwyil ɛdi syela.

¹⁵ Wɔ aanàkwaatuub lama, da wɔ ɛ wa ye si bhe.
Ye ààseaa deenek, ye goka nɛ ɛkelaa ɛ, pɛ kɔ tɛɛg ɛ
di bot djas aadi tɔ gwyɛ tak ɔ.

¹⁶ Deenek ɛ di egoka nɔ́á, mɛkas men nyen tɔ bot,
ɛtɛp bot neebɛ mɛnyɔ mɛ esesɛɛ bi di esa ɛ, ɛtɛp bɛ
needuwal Sɛɛg'en di tɔ gwoo ɔ.»

Mɛlyo dum nɛ etsi

¹⁷ «Nàkeka nɔ́á, mɛ nazye ɛ zɛgɔ etsi ɛ Moiiiz nɛ
mɛlyo mɛ bɛngooelɛ ɛ mɛkpa ɛ Zɛɛb nadje ɛ. Mɛ nabɛ
ɛ ààzyɛ zɛgɔ etsi, mɛ nazye ɛ zɛlyaal mɛsuk mɛ tak.

¹⁸ Tsɛetɛ nɛ tsɛetɛ, mɛ lɛɛ bin ɛ nɔ́á: Dɔ́a ye di
nɔ́á, gwoo nɛ bɔs dinaa ààpaadum ɛ, ye tok nɛ
sa wat aadisaa tɔ etsi. Ye nakoozodi ba moo ɛtɔn

nɛghu ba moo kyeeb, sa wat aanàdus tɔ etsi kɛkum dwoo mɛsik mɛ ɛtɛp djas.

¹⁹ Ɛtɛp tak ɛ di náá, mot aazodis tsi wat, ye nakoozotɔɔl, da nyɛ ɛ lyo bɔn nyɛɛg náá, bɛ sa dáa nyɛ sa ɔ, yɛnɔk aadi ɛ, mɔɔ dhyeeb tɔ Ɔyon ɛ di tɔ gwoo ɛ. Tin, mot di eduwal etsi da nyɛ ɛ lyo bɔn nyɛɛg náá, bɛ sa dáa nyɛy ɔ, yɛnɔk aadi ɛ boo-mot tɔ Ɔyon ɛ di tɔ gwoo ɛ.

²⁰ Mɛ lɛɛ bin ɛ náá: Epiki bin ɛ mis mɛ Zɛɛb ɛ di ààdhaa yii bɛghan ɛ mɛkana mɛ etsi nɛ eFalizye ɔɔ, bi aanàkwaani tɔ Ɔyon ɛ di tɔ gwoo ɛ.»

Mɛlyo dum nɛ tɛp ɛbuk

²¹ «Yɛ nabe ɛ, bi naagwak náá, nyɛ nake nɛ bɛbhaab bina náá: “Sa wɔ ààgó mot. Mot ɛ gó sɔ mot ɔɔ, ye goka ɛ ye tɔaa nɛ nɛ ɛ mis mɛ bɛtɛtɛp, nyɛ neepɛɛaa.”

²² Yɛ kabɛ mam ɔ, mɛ lɛɛ bin ɛ náá: Mot djas aagwak ɛbuk nɛ mɔn nyɛɛg ɔɔ, ye goka ɛ náá, bɛtɛtɛp pɛɛ nyɛ. Mot aake nɛ sɔ mot náá, “wɔ ɛ wo ɔ”, nyɛ goka ɛ nyɛ tɔ kɛpɛɛaa pɛ boo zɛɛga bɛtɛtɛp eYuda. Mot aake nɛ sɔ mot náá, “wɔ ɛ ndjemet ɔ”, ye goka ɛ náá, nyɛ kɛmwasaa tɔ du na kɔm-kɔm.

²³ Yɛ bɛ náá, wɔ ɛpetɔ pɛ mesa ebuwa ɛtɛp ɛkɛduwal Zɛɛb nɛ esa bɔ ɔɔ, tin, wɔ siiza náá, mɔn nyoog ɛ nɛ tɛp nyɛ di ebwak wɔ kɔ ɛsu ɛ tak ɔɔ,

²⁴ pookobet esa e duu tak kɔ mesa ebuwa. Da wɔ ɛ pookokɛgwakel nɛ mɔn nyoog. Bhii tak ɛ wɔ aakazyɛ, zɛkaa Zɛɛb.

²⁵ «Mot ɛ kɛpit wɔy ɔɔ, bi ɛ di ɛtɔ pɛ dáa bɛtɛtɛp ɔɔ, lela ɛgwakel nɛ nɛ ɛ di bi dinaa ɛ ze yenek, ɛ kaab náá, mot tak ɛ zɛkɛka wɔ ɛ mis mɛ bɛtɛtɛp. Bhii tak,

da bɛtɛtɛp ɛ dʒɛ wɔ ɛ mɛmbɔ mɛ esodja, da bɛ ɛ wa wɔ ɛ mɛmbok.

²⁶ Tɛɛtɛ nɛ tɛɛtɛ, mɛ lɛɛ bin ɛ nɔ́á: Wɔ aanàkwaawɪs tin, wɔ di ààtuud dɔɔ nɛ falanga ɛsik ɔ.»

Mɛlyo dum nɛ tɛp mɛzɔ

²⁷ «Yɛ nabɛ ɛ, bi naagwak nɔ́á: “Sa wɔ ààsa ɛzɔ.”

²⁸ Tin, mam kalɛɛ nɛ nen ɛ nɔ́á, motom djas aagwyák mwaa ɔɔ, da ɛ wyeeb nyɛ tɔ lyem ɔ, yɛnɔk tak eezesa ɛzɔ nɛ moma tak tɔ lyem'ɛ.

²⁹ Yɛ bɛ nɔ́á, yɛ ɛ dis ɛ kyee mbɔ eghɛɲ bɔ ɛ di ebelal wɔ nɔ́á, wɔ sa mesyem ɔ, wɔ goka ɛ nɛ ɛpiid ɛ yɛ, da wɔ ɛ mwas yɛ ɛtsetaɛpɛ. Yɛ aadi ɛ, ɛnyɔɛpɛ nɛ nɔ nɔ́á, wɔ dis dhiiti kyee nyel'ɔ, ààkabɛ nɔ́á, wɔ kɛdyak tɔ du na kɔm-kɔm nɛ nyel'ɔ djas.

³⁰ Yɛ bɛ nɔ́á, yɛ ɛ, mbɔ eghɛɲ bɔ ɛ di esa nɔ́á, wɔ syem ɔ, tsaala yɛ, da wɔ ɛ mwas yɛ ɛtsetaɛpɛ nɛ nɔ. Yɛ aadi ɛ, ɛnyɔɛpɛ nɛ nɔ nɔ́á, wɔ tsaal dhiiti kyee nyel'ɔ, ààkabɛ nɔ́á, wɔ kɛdyak tɔ du na kɔm-kɔm nɛ nyel'ɔ djas.»

Mɛlyo dum nɛ ɛbel ɛ ɛba

³¹ «Yɛ nabɛ ɛ, bɛ naabaake nɔ́á: “Mot ɛpɛɛ myɛl ɔɔ, nyɛ goka ɛ nɛ ɛdʒɛ nyɛ mɛkana mɛ ɛbel ɛ ɛba.”

³² Yɛ kabɛ mam ɔ, mɛ ke ɛ nɔ́á: motom djas di ɛpɛɛ myɛl, ààmɛt nyɛ nɛ sa etsi di elu ɔ, motom tak san ɛ nɔ́á, moma tak di moma mɛzɔ nyɛ baatɔ ɛba ɛ sis ɔɔ. Tin, motom aaba moma zebyenaa ɛ ɛba ɔ, nyɛy baasa ɛ ɛzɔ.»

Mɛlyo dum nɛ ɛtuwal myon nɛ mɛson

³³ «Yɛ nabɛ ɛ, bi naagwak dɔ́a bɛ nake nɛ bɛbhaab binaka nɔ́á: “Sa wɔ ààgwakɛl nɛ mot, da wɔ ɛ tuwal

myon ne meson bhii tak wo kadi e aasa sa wo nakak e. Ye goka e naa, wo sa sa wo kek e mis me Ghen e.”

³⁴ Ye kabε mam o, me lee bin e naa, sa mot aatuwal myon ne meson, da e noo gwoo daa tyaases, etee naa, penek e pe boo mekoozi me Zeeb di e.

³⁵ Sa mot aatuwal myon ne meson ne bos, etee naa, bos e di Zeeb di enyal ne meko me o. Sa mot aatuwal myon ne meson ne din e Yeluzalem, etee naa, ye e ghaada e boo Mekoozi.

³⁶ Sa wo aatuwal myon ne meson, da e wa lo'o e ban, etee naa, wo tok ne ghwyil eswoola bhoo lo'o naa, ye bhilal nēghu ye pum.

³⁷ Ye be naa, wo eemyaal tep o, kea “Iyoo”. Ye kabε naa, wo eeyen o, kea “ooh”, etee naa, ekela-ekela ee bot dyeebakel ko etep'enek dyeebadus e pe daa Mbee mot.»

Melyo dum ne tep ebulal e embee eseseε be sa wo e

³⁸ «Ye nabε e, bi naagwak naa: “Mot e tuu so dis o, ye goka e naa, nye baatuuaa ye. Mot e bwak wo edje o, da wo ye e baabwak nye edje.”

³⁹ Deenek, mam kalεε bin e naa: Sa mot aabulal ebiyo ne ebiyo. Mot e nyuu wo beez e emuk pe mbo eghen o, baaka nye yak kyee emuk.

⁴⁰ Mot e di esaa wo ne etep etep nye neenoo kuwa yo o, beta nye, nye baanoo doo ne ndjookuwa yo.

⁴¹ Mot e besal wo naa, wo ke nen wat o, kea enen ebā.

⁴² Gwyena ne mot di ewaab wo sonok o. Ye be naa, mot eenoo sa yo o, sa wo aakabaakedu.»

Yezu Klisto eelyaal bedjekel be naa, be kwyel bot e di bhina be o

⁴³ «Ye nabe ɛ, bi naagwak nɔ́á: “Ye goka ɛ, wɔ kwyɛl so’o mot, da wɔ ɛ byen mot mɛbhuka mɔ.”

⁴⁴ Ye be mam ɔ, mɛ kalɛɛ bin ɛ nɔ́á: kwyɛlka bot ɛ mɛbhuka men. Djaalaka Zɛɛb kɔ esu ɛ bot ɛ di ezuk bin ɔ.

⁴⁵ Deenek ɛ bi aadi bɔn Sɛɛg'en di pɛ tɔ gwoo ɔ, etɛɛ nɔ́á, Zɛɛb sa ɛ nɔ́á, gwyɛs kas kɔ bot djas: bɛmbɛɛ ɛ bot nɛ bɛtɛtɛ ɛ bot. Tyee wat, Zɛɛb sil bhi ɛ, ɛtɛp bot ɛ di sosoob ɔ, nɛ bot ɛ di ààbɛ sosoob ɔ.

⁴⁶ Ye be nɔ́á, bi goka ɛ nɛ ezokwyɛl ɛ bot ɛ di ekwyɛl bin ɔ, ɛtɛp ye bi di bun nɔ́á, bi ɛ waabela efute aadus pɛ ɛko ɛ? Dɔɔ nɛ bɛnɔɲɛl ɛ epata e lapo zobaakwyɛl ɛ, bot ɛ di ekwyɛl be ɔ.

⁴⁷ Ye be nɔ́á, bi zoswos ɛ bɔn nyɛɛg bin ɔ, bi bee tin ɛ nɔ́á, bi ɛpesa enɛm esa? Etɛɛ nɔ́á, bot ɛ di ààbɛ bot ɛ mbyak eYuda ɔ, bɔɔ pe zobaasa ɛ deenek!

⁴⁸ Dika nɛ mbɛɛ elyem dɔ́a Sɛɛg'en di tɔ gwoo ɔ di nɛ mbɛɛ lyem ɛ.»

6

Mɛlyo dum nɛ ɛgwyena nɛ bɛdjel ɛ bot

¹ «Bi ɛ kotiibal dum nɛ dɔ́a bi di esa enɛm esa nɛ bot ɛtɛp ɛduwal ɛ Zɛɛb ɛ. Bi ɛ sa deenek ɛ mis mɛ bot, ɛtɛp bot djas neeke nɔ́á: “Biyo ɛ di bɛmbɛɛ bot” ɔ. Deenek, bi ɛ sa deenek ɔɔ, bi aanàkwaabela efute e Sɛɛg'en di tɔ gwoo aadjɛ ɛ.

² Wɔ kwyɛl ɛdjɛ djɛl mot sonok ɔɔ, wɔ goka ɛ nɛ esa ye tɔ sɔ, sa mot ààgu. Nàsa dɔ́a bot ɛ luwalɛɲ di sa tɔ mendjaa mɛ mendjaala mɛ eYuda nɛ ɛ egba ɛ. Be sa deenek ɛ ɛtɛp bot needuwal be. Tsɛɛtɛ nɛ tsɛɛtɛ, mɛ lɛɛ bin ɛ nɔ́á: Mbi bot binɔk eezebela yɔbɔ efute.

³ Yɛ bɛ náá, mbɔ eghɛɲ bɔ ɛpedjɛ djɛl mot sonok ɔɔ, yɛ àànyɔ náá, mbɔ myɛl ɛ lɔ gu.

⁴ Etɛɛ náá, yɛ goka é náá, sa wɔ djɛ mot ɛ, yɛ di sɔ. Tin, Sɛɛg'en, mot di egu dáa wɔ di ekwyee bot tɔ sɔ ɛ, nyɛ waadjɛ wɔ yɔ efute.»

Mɛlyo dum nɛ mendjaala

⁵ Yezu eezɛke nɛ nɔɔ náá: «Bi é di edjaala ɔɔ, nàdika dáa bot ɛ di nɛ lualɛɲ, bɛ dyeebakwyɛl ɛdjaala ɛ metetel tɔ mendjaa mɛ mendjaala mɛ eYuda nɛ é bɛman, étɛp bot neebɛɛ bɛ. Tsɛɛtɛ nɛ tsɛɛtɛ, mɛ lɛɛ bin ɛ náá: bot binɔk eezebɛla yɔbɔ efute.

⁶ Yɛ kabɛ wɔy ɔ, wɔ kwyɛl ɛdjaala Zɛɛb ɔɔ, nia tɔ dhɛɲ'ɔ, da wɔ é diyal ɛbɛ. Bhii tak, da wɔ é djaala nɛ Soog di tɔ di sɔ ɔ. Tin, Soog, mot di ebee esesɛɛ wɔ di esa tɔ sɔ ɔ, nyɛ waadjɛ wɔ efute.

⁷ «É sok bi di edjaala é, sa mot ààbasal ɛkpa wat esok nɛ esok gwyɛs dáa bot ɛ di ààbɛ bot ɛ mbyak eYuda ɔ. Bɔɔ gek é náá, Zɛɛb é waagwak bɛ, etɛɛ náá, bɛ nɛ bil mɛkpa ɛbuɛpɛ tɔ mendjaala mɔɔ.

⁸ Sa mot ààbaɲa bɛ, etɛɛ náá, Sɛɛg'en nɛ gu sa elyem bin di ekwos ɛ, ɛsok nɛ bi nɛ waab nɛ nɛ.

⁹ Deenek, Gwakeka dáa bi di egoka nɛ ɛdjaala ɛ. Keka náá:

“Sɛɛg'es di tɔ gwoo ɔ,
yɛ goka é náá, mot nɛ mot gu náá, wɔ é Zɛɛb na Dɛɛ.

¹⁰ Mɛkoozi mɔ zyɛ.

Beta náá, ɛkwosak ɛ lɔ sael kɔ bɔs, dáa yɛ di sael pɛ tɔ gwoo ɛ.

¹¹ Djɛa bis mɛlu nɛ mɛlu edɛɛ di egoka nɛ nes ɛ.

¹² Pela ɛbiyo ɛ bis zesa ɛ,
etɛɛ náá, bisɔ pɛ, bis ɛpɛpɛl bot ɛ nazesa bis ɛbiyo ɔ.

13 Sa wɔ ààbet bis tɔ mɛbhowal.
Pɛka bis ɛ mɛmbɔ mɛ Mbee mot,
[etɛɛ náá, ye ɛ wɔy ɛ di nɛ Mɛkoozi, nɛ mɛbwala, nɛ
duma na kɔm-kɔm.]”»

14 «Guka náá: Bi ɛ pel ɛbiyo ɛ bot ɛ di etɔ nɛ esa bin
ɔ, Sɛɛg'en di pɛ tɔ gwoo ɔ waabaapel yebɔ pe.

15 Tin, ye kabelá náá, bi ààpel bɛsɔ bin ɔɔ, Sɛɛg'en
di tɔ gwoo ɔ aanàkwaabaapel ɛbiyo ɛ bi di esa ɛ.»

Mɛlyo dum nɛ tɛp ɛtsi ɛ edee étɛp mɛndjaala

16 «Yɛ bɛ náá, bi ɛpɛtsi edee ɔɔ, sa mot ààdi nɛ
bhwoob ghon dǎa bot ɛ di nɛ lualɛɲ ɔ. Bɛ lyaal
bhwoob ghon deenɛk ɛ, étɛp bot djas neegu náá,
bɛ ɛpɛtsi edee. Tsɛɛtɛ nɛ tsɛɛtɛ, mɛ lɛɛ bin ɛ náá:
bot binɛk eezɛbela yɔbɔ efute.

17 Yɛ kabɛ wɔy ɔ, wɔ tsi edee ɔɔ, gwyiia bhwoob,
da wɔ ɛ lɔɔb mul ɛ lo,

18 etɛɛ náá, bot needi ààgu náá, wɔ ɛpɛtsi edee.
Tin, ye ɛ Soog mot di tɔ sɔ ɔ di egu, deenɛk Soog,
mot di ebee esesɛɛ djas wɔ di sa tɔ sɔ ɔ, nyɛ waadjɛ
wɔ efute.»

Ekum pɛ daa Zɛɛb

19 «Nàsaaka ɛdi ɛ nɛ bɛtɛ nɛ ekum ɛ bɔs'ak. Ekum
ee di náá, bɛsɛs nɛ emaa ɛ waapul ɛ. Ekum ee di
náá, bot ɛ djii ɛ waakwak ɛbo ɛ ndjaa, da ɛ djii, nɔɔ,
tɔ nɛ yɛ ɛ.

20 Kwomka ekum bin pɛ daa Zɛɛb. Penɛk,
bot ɛ djii aanàkwaani kɛdjii yɛ, bɛsɛs nɛ emaa
aanàkwaapul yɛ.

21 Etɛɛ náá, ɛ di mot di ekwom esa bɛ ɔ, lyem'ɛ di
ɛ tin.»

Lama nyel

22 «Mis mɛ mot ɛ dɔ́a lama nyel. Yɛ bɛ náá, mis mɔ ɛpenyaasok ɛnyɔɛpe ɔɔ, gua náá, nyel'ɔ djas ɛ tɔ selele.

23 Yɛ kabɛ náá, mis mɔ ɛpekpan ɔɔ, nyel'ɔ djas ɛ tɔ ghooghom. Yɛ kabɛ náá, ngel di tɔ lɔ eezedim ɔɔ, tin, kwaa yenek mɛghomla aanɔɲel nɛ yé?»

Nɛghu epata, nɛghu Zɛɛb

24 Mot ngɔt aanɔ́kwaadi mot-mɛsa mɛ ekukuma ebá. Yɛ bɛ deenek ɔɔ, nyɛ waabhina ngɔt, da nyɛ ɛ kwyɛl nwyak ngɔt, nɛghu nyɛ kaseya nɛ mot ɛsok ɔɔ, nyɛ waapɛɛ nwyak ngɔt. Bi tok nɛ ghwyil ɛsa mɛsa mɛ Zɛɛb nɛ mɛsa mɛ epata ɛ di wat.

Edum ɛ koɲ nɛ Zɛɛb

25 «Étɛp tak ɛ mɛ di elɛɛ nɛ nen náá: Nàbemka ba dum nɛ tɛp edee, nɛ gwyɛs mɛdii nɛ tɛp eduuba. Etɛɛ náá, tsik eedhaa edee nɛ mɛnyɔ. Nyel eedhaa ekaad nɛ mɛtaɲ. Etsal ɛ?

26 Beeka enen pɛ ɛko, bɛ ààbɛ epyeeb, ààbók edee di ewum tɔ epyeeb ɛ. Bɛ ààkwom edee tɔ mɛbhwaɔ nɛ kɔ etaa. Tin, dhi Sɛɛg'en di tɔ gwoo ɔ, di djɛ bɛ edee! Bi ààpadhaa enen nɛ boo mɛtaɲ ɛ mis mɛ Zɛɛb ɛ?

27 Yɛ bɛ náá, bi ɛpebem ba ɔɔ, ɛzɛ pak'en di nɛ ghwyil ebil ba ɛlu ɛ wat kɔ mɛlu mɛ tsik'ɛ?»

28 «Étɛp ye bi di bem ba kɔ ɛsu ɛ ekaad? Beeka dɔ́a mɛzɛm di ekwyil nɛ wyee tɔ pyeeb ɛ. Mɛzɛm mɛ tak ààsa mɛsa, ààlat ekaad.

29 Tin, mɛ ɛpeleɛ bin náá, dɔɔ nɛ Salomɔɲ, nɛ boo duu yɛ, nyɛ nabɛ ɛ ààbɛ nɛ mbɛɛ kaad na nyɔ dhaa wat tɔ kɔkɔ mɛzɛm menek.

30 Yɛ bɛ náá, Zɛɛb ɛpebet eka ee di tɔ dik mos, da djɛmɛn ye ɛ nɔɲaa, dikaa tɔ du ɔɔ, tin, nyɛ tok

nɛ ghwyil esa deenek nɛ lyem'ɛ met ɛtɛp'en ɛ? Ye nakoozodi nɔ́á, bi tok nɛ boo ɛmyaal nɛ nɛ!

³¹ «Nàbemka ba ɛ ɛkeke nɔ́á: “Mena aadɛka yé? Mena aadɛka yaa mɛdii? Mena aabɔtka yé?”

³² Yenɛk djas, ye ɛ bot ɛ bɔs ɛ di ebwos esesɛɛ binek mɛlu djas. Tin, Sɛɛg'en mot di to gwoo ɔ nɛ gu nɔ́á, bi ɛ nɛ gwyɛs tak.

³³ Pookosaaka sok ɛyon ɛ Zɛɛb nɛ tsik to epiki nyɛ di ewaab ɛ. Tin, Zɛɛb ɛ waadjɛ bin esa djas bi di nɛ gwyɛs tak ɛ.

³⁴ Nàbemka ba nɛ ɛtɛp aasaɛl djɛmɛn ɛ, ɛtɛɛ nɔ́á, ɛtɛp ɛɛ djɛmɛn aagwyɛ lo ɛ nyɛ ɛmet. Dwoo nɛ dwoo ɛ nɛ yɛ ɛkwosak.»

7

Yezu Klisto eelyaal bɛdjekɛl bɛ nɔ́á, sa bɛ ààpɛɛ bot

¹ «Sa bi ààdidi ɛ pɛɛ bot, deenek Zɛɛb aanàkwaapɛɛ bin.

² Etɛɛ nɔ́á, Zɛɛb aapɛɛ bin ɛ dɔ́a bi di epɛɛ bɛsɔ bin ɛ. Nyɛ aalwoodal bhwan'en ɛ dɔ́a bi di elwoodal bhwaɛ bɛsɔ bin ɛ.

³ E tɛp yé wɔ gwyák kwyɛɛzyon di to dis ɛ sɔ'ɔ mot, wɔ kadi ɛ ààbɛɛ pɛk le di to dis ɛ lo ɛ?

⁴ Wɔ nàkwaake nɛ sɔ'ɔ mot nɔ́á: “Mɔn nyaag'am, beta mɛ dis kwyɛɛzyon to dis ɛ lo,” wɔy ààbɛ ɛ bɛɛ pɛk le di to yɔ dis ɛ.

⁵ Wɔy mot mɛdjhaaz pɛ ɛko, bhimis pɛ si, pookodis sok pɛk le to dis ɛ lo ɛ! Bhii tak ɛ wɔ waanyaa sok, ɛtɛp wɔ needis kwyɛɛzyon di to dis ɛ mɔn nyoog ɛ.»

⁶ «Nàdjɛka esa ɛɛ di dɛɛ ɛ nɛ bɛbhɛyɛ, ɛ kaab nɔ́á, bhii tak bɛ ɛ zɛkɛbula zɛduma wɔ ɛ nyɛl

nɛ mɛkwaala. Nàmwaska mɛvunga sok bhwoob
bɛghwyee, ɛ kaab náá, bɛ ɛ zɛkɛnyal yɛ.»

Waabka, saaka, diigka ɛ ɛbɛ ɛ ndjaa

⁷ «Waabka, bi ɛ waadjɛaa. Saaka, bi ɛ waabela.
Diigka, bɛ waadii bin ɛbɛ ɛ ndjaa.

⁸ Eɛp tak ɛ ye di náá, mot ɛ waab ɔ, nyɛ ɛpedjɛaa.
Mot ɛ san ɔ, nyɛ ɛpebela. ɛbɛ ɛ ndjan aadiiaa ɛ, ɛɛp
mot diig ɔ.

⁹ Ye ɛ nɛ mot ngɔt pak'en di nɛ ghwyil ɛdje mɔn'ɛ
ɛkok bela náá, mɔn waab ɛ mapa?

¹⁰ Nɛghu ɛzɛ di nɛ ghwyil ɛdje mɔn nyɔ*, yɛ bɛ
náá, mɔn waab ɛ su ɔ?

¹¹ Kwyii biyɔ, bɛmbɛɛ ɛ bot, di gu ɛdje embɛɛ
esonok nɛ bɔn bin, gwyata nɛ Sɛɛg'en di to gwoo
ɔ aapaadi àadjɛ embɛɛ esonok nɛ mot aawaab nyɛ
sonok ɔ!

¹² «Kanka ɛsa sok nɛ bɛsɔ bin esesɛɛ bi di ekwyɛl
náá, bot sa bin yɛ ɛ. Deenek ɛ mɛkana mɛ etsi ɛ
Moiiz nɛ yii bɛngooelɛ ɛ mɛkpa ɛ Zɛɛb di elyo.»

ɛbɛ ɛ ndjaa na maad-maad

¹³ «Nika to ɛbɛ ɛ ndjaa na maad-maad, etɛɛ náá, ze
di eniigal mot pɛ dɛl ɛ esyee ɛ, ye nɛ bɔk. Bɛɛ nɛ bot
dyeebakwyɛl ɛdhan ɛ penek.

¹⁴ Tin, guka náá, ɛbɛ ɛ ndjaa tak nɛ maad, bela
náá, pɛ ze di edul bot pɛ ze tsik ɛ, ye nɛ pata. Eɛp
tak ɛ di náá, bot ɛbuɛpɛ àadyeebadu yɛ.»

Bɛngooelɛ ɛ mɛkpa ɛ Zɛɛb yii mɛkɔŋ

¹⁵ «Bi ɛ di nɛ etson nɛ bɛngooelɛ ɛ mɛkpa ɛ Zɛɛb yii
mɛkɔŋ. Bɛ zyɛ pɛ daa len ɛ, nɛ ɛzaaba dáa mɔn ɛ taa,
ghuna bɛ ɛ eben, bɛ zosyel ɛ mya mɔɔ.

* **7:10** Bɛ ke deenek ɛ, etɛɛ náá, eYuda ààdɛ bɛnyo.

16 Bi aagu bengooel e mekpa e Zeeb yii mekon tak e ne mefulu mo. Etee naa, bum le vin aabokaa to mekpak me megok neghu bum fiig ko le megok.

17 Etee naa, mbee le zodje e mbee bhum. Mbee le kadje e mbee bhum.

18 Mbee le tok ne ghwyil edje mbee bhum. Tyee wat ne mbee le. Ye tok ne ghwyil dje mbee bhum.

19 Ele djas di aadjje bhum e, ye goka e ne ekwyalaa, bhii tak da ye e mwasaa to du.

20 Etep tak e di naa, bi aagu bengooel e mekpa e Zeeb yii mekon tak e ne embee mefulu mo.»

Elee ne esa

21 «Ye tok bot djas di djo me: “Ghen, Ghen!” o, aani to Eyon e di to gwoo o. Bot aani e, ye e bot e di esa ekwosak e Saag'am di to gwoo o.

22 E dwoo Zeeb aazeppe bot e, bot ebupe e waake ne nam naa: “Ghen, Ghen”, ye e ne din e lo e bis nadi bengooel e mekpa e Zeeb! Etsal e? Ye e ne din e lo e bis nadi eseso melyeeb! Etsal e? Ye e ne din e lo e bis nasa bete ne endem e mebwala! Etsal e?

23 Tin, me waale ne no e mis me bot naa: “Me nabe aagu bin. Duska e mis mam, toka etsetape ne nam, biyo, bot e di esa embee esesee o!”»

Mendjaa memba

24 «Gwakeka, me pookolyaal bin mbi mot zye pe daa lam o. Nye gwak mekpa mam, da nye e ke tyee tak o, nye e mot etson di esum ndjan'e ko ekok o.

25 Wo gwaa bhi zene ebupe, tyee bhyon natu-ula ne ghuu na lyel-lyel e, ye naanyuna e ndjan'enek. Aabik, etee naa, ndjaa tak nasumel e, enyope ko ekok.

²⁶ Tin, mot di egwak mekpa mam, da nyɛ ɛ kadi ààkɛ tyee mekpa mɛ tak di elɛɛ ɔ, nyɛ ɛ dɔ́a ndjemet mot di esum ndjaa kɔ bɔs besyɛ, ààwɣɛl epap kɔ ɛkok ɔ.

²⁷ Dáa bhi nakanee ɛbuɛpe ɛ, tin, tyee bhyon nakatuula ɛ, ghuu na lyel-lyel eezɛnyuɲa ɛ epap e ndjan'enek, epap eezɛbik “syɛɛɛ” ɛ di tak wat.»

Eghɛɲ ɛ Yezu

²⁸ Dáa Yezu nasilal ɛlyo bɛmɛlyo mɛ ɛ, mɛdhuu mɛ bot naadyeebadjoka dɔ́a nyɛ nadi elɛlyo ɛ.

²⁹ Etɛɛ náá, nyɛ nabɛ ɛ ààlyo dɔ́a bɛghan ɛ mekana mɛ etsi nalelyo ɛ, nyɛ nalelyo ɛ, nɛ eghɛɲ ɛ Zɛɛb.

8

Yezu eezɛtsik dhiiti mot nadi nɛ ɛbɛ ɛ zezam ɔ

¹ Dáa Yezu nasul kɔ ɛtsok ɛ, zukamwaa nɛ mot naazɛdu nyɛ.

² Tin, wɔ gwaa dhiiti mot nadi nɛ ɛbɛ ɛ zezam ɔ, zɛtiila pɛ daa lɛ. Nyɛ eezɛkwyit mɛbon si, zɛdjaala nɛ nɛ náá: «Ghɛɲ! Mɛ nɛ gu náá: wɔ kwyɛl ɔɔ, wɔ ɛ nɛ ghwyil ɛtsik mɛ, nyel'am bula dɛɛ.»

³ Tin, Yezu eezɛɛɛb mbɔ, mɛt nyɛ. Nyɛy nɛ nɛ náá: «Mɛ eekwyɛl. Tsaka!» E di tak wat, wɔ gwaa, ɛbɛ ɛ zezam mot'enɔk zɛsi.

⁴ Bhii tak, Yezu ɛ boozeke nɛ nɛ náá: «Gwaka mɛ enyɔɛpe: Sa wɔ ààlɛɛ mot sa dhaa wak ɛ. Tɔ́a, kɛlyaal nyel pɛ daa bɛghaa-Zɛɛb, da wɔ ɛ kɛdje esa e ɛgwyena dɔ́a Mɔiiz nalyo ɛ, ɛtɛp wɔ neelyaal bot djas náá, wɔ eetsak.»

Yezu eezɛtsik mot-mɛsa ɛ komanda esodja e Lɔm

⁵ Dáa Yezu nadi eni tɔ ghaada Kapɛlnaum ɛ, wɔ gwaa dhiiti kukuma tɔ lɔɔg esodja zɛzyɛ pɛ daa lɛ. Bhii tak, nyɛ eezɛke nɛ Yezu náá, nyɛ zɛkwyye nyɛ.

⁶ Nyɛy nɛ nɛ náá: «Ghɛɲ, mot-mɛsa mam ngɔt ɛ ndjaasi pɛ ndjan'am, nyɛ eezesɔɔb nyɛ epɛbé elyɛlɛpɛ.»

⁷ Tin, Yezu eezɛbɔɔza nɛ nɛ náá: «Mɛ ɛpetɔ́, kɛtsik nyɛ.»

⁸ E di'enek, kukuma tɔ lɔɔg esodja binɔk eezɛbɔɔza nɛ nɛ náá: «Ghɛɲ, mam ɛ yam zɛ, wɔ neezeni tɔ ndjan'am. Ye goka ɛ náá, wɔ zolɔ́o ɛkpa wat, ɛtɛp mot-mɛsa mam neetsak.

⁹ Di mɛ di'aak, ye ɛ nɛ ekukuma bam ɛ, mɛ di egwak esesɛɛ mɛ di egoka nɛ ɛsa nɛ nɔɔ ɛ. Dɔɔ nɛ mam pɛ, mɛ ɛ nɛ esodja si mɛko mam. Mɛ ke nɛ nɔɔ: “Tɔ́ka” ɔɔ, bɛ ɛpetɔ́; “Bulaka” ɔɔ, bɛ epɛbula; “Saka dáak” ɔɔ, bɛ ɛpesa.»

¹⁰ Dáa Yezu nagwak eyala e kukuma yenɔk ɛ, ye nabɛ ɛ, nyɛ naadyeebamyaala. Tin, nyɛ ɛ booke nɛ bot ɛ nadi egyee bɛ nɛ nɔɔ náá: «Tɛɛtɛ nɛ tɛɛtɛ, mɛ lɛɛ bin ɛ náá: mɛ dinaa ààpaabee mot di edum kɔɲ nɛ Zɛɛb, kɔ Yisalaɛl dáa mot'ak.

¹¹ Betka mɛ lɛɛ bin náá, bot ɛbuɛpɛ ɛ waadus pɛ ɛbil ɛ dwoɔ nɛ pɛ ɛdjɛm ɛ dwoɔ. Bɛ waazyɛ, zɛdi kɔ mesa wat, bɛ nɛ bɔn Abalaam, Izak nɛ Zakɔɔb tɔ ɛyɔɲ ɛ di tɔ gwoo ɛ.

¹² Tin, bot ɛ nagoka nɛ ɛdi ɛ bot ɛ ɛyɔɲ ɛ tak ɔ, bɛ aadi ɛ, wusa pɛ kel, tɔ ghooghom pɛ baadi ɛdje mɛgwyɛ nɛ ɛkwaal ɛ mɛtsok ɛ.»

¹³ Bhii tak, Yezu eezɛke nɛ kukuma esodja binɔk náá: «Sika pɛ ndjan'ɔ etɛɛ náá, kɔ edum ɛ kɔɲ ɛ lɔ nɛ Zɛɛb, Zɛɛb eedje wɔ sa lyem'ɔ di ekwos ɛ!» E di tak wat, ye nabɛ ɛ, mot-mɛsa ɛ kukuma esodja binɔk

naatsak.

Yezu eetsik bɛɛ nɛ bot ɛ mɛbɛ

¹⁴ Yezu eezɛwɔyɔ, tɔ pɛ daa Pyɛɛd. Ghuna tsi yɛ yii moma nadi ɛ ndjaasi nɛ mɛkosa ɛkpaɛɛpɛ.

¹⁵ Nyɛ eezɛmɛt nyɛ ɛ mbɔ, mɛkosa eezɛsi. E di tak wat, moma yɛnɔk eezɛwɔyɛl, nyɛ moo zɛbe bɛ.

¹⁶ Dáa dwoo nadi esila ɛ, wɔ gwaa bɛ zɛzyɛ nyɛ nɛ bot ɛ mɛlyeeb nadi edhek ɔ. Dáa Yezu nadi elii kɔ membɛl mɛnɔk ɛ, embee esisim nadi ewɔyɔ tɔ lɔɔ, tin, nyɛ naatsik dɔɔ nɛ bot ɛ mɛbɛ djas.

¹⁷ Nyɛ nasa deenɛk ɛ, etɛɛ náá, esesɛɛ ngooelɛl-mɛkpa ɛ Zɛɛb Ezayi nalɛɛ ɛ neebela ɛsuk. Nyɛ nake ɛ náá: «Nyɛ naanɔɔ edjam bina nɛ mɛbɛ mena*.»

Bot ɛ di ɛkwɔyɛl ɛdu Yezu ɔ

¹⁸ Bhii tak dáa Yezu nabɛɛ ɛdhuu ɛ bot ɛ nadi ɛdu nyɛ ɔ, nyɛ ɛ boozeke nɛ bɛdjekɛl bɛ náá, bɛ sɛɛ dhaa pɛ yii kyiid boo soob na djato-djato.

¹⁹ Wɔ gwaa dhiiti ghaa mɛkana mɛ etsi zɛzyɛ pɛ daa lɛ. Nyɛy nɛ nɛ náá: «Lyɔel, mɛ ɛpekɔwɔyɛl ɛdu ɛ wɔ ɛ mɛze djas wɔ aadi tɔ ɛ.»

²⁰ Deenɛk Yezu eezɛbɔɔza nɛ nɛ náá: «Bɛbhɛk ɛ nɛ eku bɛ di djaasi tɔ tak ɛ, enɛn ɛ nɛ mɛk mɔɔ. Yɛ kabɛ Sɛɛɲɛlɛ Mɔn Mot ɔ, nyɛ tok nɛ zeza nɛ di nyɛ aadi ndiindil nɛ ɛdja ɛ gɔ.»

²¹ Dhiiti mot ngɔt pak bɛdjekɛl bɛ eezɛke nɛ nɛ náá: «Ghɛɲ, ɛsok nɛ mɛ nɛ du wɔ, pookobet mɛ, mɛ pookokɛdel saag'am.»

²² Tin, Yezu eebɔɔza nɛ nɛ náá: «Dua mɛ. Beta bot ɛ di áàbɛ nɛ tsik ɔ, bɛ deɛl pak'ɔɔ.»

Yezu eezɛlyak ghuu

* **8:17** Eza 53.4

23 Wɔ gwaa Yezu zenɪ tɔ boo elɛɛd sama wat nɛ bɛdjekel bɛ.

24 Aabɔya deenek, kasɛka ɛ boo ghɛu na lyel-lyel eezɛkan ɛpupal kɔ boo soob na djato-djato. Mɛpupal mɛ tak eezɛghɛɛ ɛbhɛɛb ɛ mɛdii zɛkɛɛza ɛ elɛɛd. Ye kabela tin ɛ, Yezu edja gɔ.

25 Tin, bɛdjekel bɛ zokazɛtiila pɛ pak nyɛ nadi tɔ elɛɛd ɛ. Bɛ eezɛdjɛm nyɛ nɛ etsim: «Ghɛɪ, tsika bis! ɛsyɛɛ ɛ yak!»

26 E di'enek, ye nabe ɛ Yezu naazɛbɔɔza nɛ nɔɔ nɔɔ: «Étɛp yé bi di nɛ kɛɪ? ɛbwaalel ɛ len nɛ Zɛɛb nɛ tɔɔ!» Bhii tak, nyɛ eezɛwyɛl, zɛbhɛm ghɛu, nɛ dii, nyɛ eezɛlyak ghɛu. Nyɛy nɛ dii nɔɔ: «Sila ghulal'ɔ ye di gwyɛm.» Wɔ gwaa, ghɛu zɛsila, bhɛwak moo tin «kup».

27 Bɔɔ djas nabe ɛ, bɛ naadyɛɛbadjoka. Tin, bɔɔ nɔɔ: «Nwyak ɛ nwyaa kwaambi mot di nɔɔ, dɔɔ nɛ ghɛu nɛ boo soob na djato-djato ɛpegwak nyɛ?»

Yezu eezɛtsik bot ɛbáyii embee esisim nadi edhek

ɔ

28 Dáa Yezu nasɛɛ pɛ yii kyiid boo soob na djato-djato pɛ kyɛɛ dik Ghadasa ɛ, wɔ gwaa bot ɛbá zɛtuula tɔ mɛvit, bɛ neezɛboma nɛ nɛ. Ye nabe ɛ bot ɛ embee sisim nadi dhek ɔ, bɛ nadi ɛ, nɛ mbee mɛnyan dhaa tyɛ, bot nabe ɛ ààbɛ nɛ ghwyil ɛdhaa ɛ ngwoob mɛvit mɛ tak.

29 Bot binɔk moo tin etsim nɔɔ: «Bis sa wɔ yé, wɔy Mɔn Zɛɛb? Wɔ zyɛ wak ɛ zɛzɛm bis, sonok ɛwala ɛ tak dinaa ààdjala?»

30 Ba ɛtsetaɛpɛ nɛ di tak, ye nabe ɛ nɛ boo ɛsan ɛ bɛghwyɛɛ nadi egɔɔ tin ɔ.

³¹ Embee esisim eezɛdjaala nɛ Yezu, bɔɔ nɔ́á: «Wɔ kwyɛl ɛsɔ bis ɔɔ, kyeeda bis tɔ ɛsan ɛ bɛghwyee bak.»

³² Yezu eezɛmyaal, nyɛ eezɛke nɛ nɔɔ nɔ́á, bɛ tɔ. Tin, wɔ gwaa embee esisim zɛwyis tɔ bot binɔk, zɛni tɔ ɛsan ɛ bɛghwyee binɔk. Bhii tak, ɛsaa djas eezɛsul ɛtsok pɛ bɛ nadi ɛ́, kaab, kɛghaaga tɔ dii, bɔɔ djas si na «bɛɛɛɛ.»

³³ Bot ɛ nadi ebaal ɛsan ɛ bɛghwyee tak ɔ, zokazɛkaab, sik pɛ dɛl. Bɛ moo tin ebaɲa bot ɛ dɛl edjema bɛ bee penek dum nɛ bot ɛbá binɔk.

³⁴ Tin, wɔ gwaa bot ɛ dɛl djas zokazɛwyis, kɛboma nɛ Yezu. Dáa bɛ naboma nɛ nɛ ɛ, bɛ naazɛdjaala nɛ Yezu nɔ́á, nyɛ dus kɔ kyee dik'ɔɔ.

9

Yezu eetsik dhiiti mot nazesɔɔb nɛ ɛbɛ ɔ

¹ Wɔ gwaa Yezu zɛni tɔ elɛɛd, sɛɛ boɔ soob na djato-djato, sik pɛ dɛl.

² Tin, bɛdhiiti bot zokazyɛ nɛ mot ngɔt nazesɔɔb nɛ ɛbɛ ɔ, byaala kɔ mwaala. Dáa Yezu nabee ɛdum ɛ koɲ ɛ bot ɛ nazyɛ nɛ mbel tak ɛ, nyɛ naazɛke nɛ mbel nɔ́á: «Sa mɛghaaz mɔn'am, mesyem mɔ eepelel!»

³ Dáa bɛ nabee deenek ɛ, bɛdhiiti bɛghan ɛ mɛkana mɛ etsi ɛ Moiiz nabɛ ɛ́, bɛ moo nyiinla pak'ɔɔ nɔ́á: «Nwyak mot ɛpebyasal Zɛɛb!»

⁴ E di tak wat, ye nabɛ ɛ́ Yezu naagu esiiza bɔɔ. Nyɛ boozɛke nɔ́á: «Étɛp yé bi di nɛ mbee esiiza tɔ elyem bin deenek?

⁵ Éyɛ di elyel nɛ nen, ɛke ɛ́ nɛ mot ɛbɛ nɔ́á: “Mesyem mɔ eepelel” ooho, nɛghu ɛke nɔ́á: “Wyɛla, da wɔ ɛ́ kɛ”?

⁶ Ye goka ɛ bi ɛ gu náá, Sɛɛɲɛlɛ Mɔn Mot ɛ nɛ ghwyil ɛpel mesyem mɛ bot kɔ bɔs.» Bhii tak, nyɛ eezɛke nɛ mot zesɔɔb nɛ ɛbɛ ɔ náá: «Wyɛla, nɔɲa mwaala yɔ, da wɔ ɛ sik pɛ ndjan'ɔ!»

⁷ E di'enek, mot'enɔk eezɛwyɛl, sik pɛ ndjan'ɛ.

⁸ E di'enek wat, dáa ɛdhuu ɛ bot ɛ nadi tin ɔ nabee deenek ɛ, bɛ naadyeebadjoka ɛlyɛɛpɛ. Bhii tak, bɛ moo eduwal Zɛɛb dáa nyɛ nadjɛ mbi yenek mɛbwala nɛ bot ɛ.

Yezu eezɛdjoo Matye

⁹ Yezu eezɛdus tin, dáa nyɛ nadi edhan ɛ, nyɛ naazɛbee dhiiti mot, din ɛ lɛ ɛ Matye, nyɛ nadi ɛ ndiindil ɛ di mɛsa mɛ. Nyɛ nadi ɛ nɔɲɛl epata e lapo. Yezu eezɛke nɛ nɛ: «Dua mɛ!» Matye eezɛwyɛl «ngbat», bhii tak, nyɛ eezɛdu nyɛ.

¹⁰ Yezu bɛ nɛ bɛdjekɛl bɛ nadi edɛ edee pɛ ndjan ɛ Matye. Wɔ gwaa, bɛɛ nɛ bɛnɔɲɛl ɛ epata e lapo nɛ bot ɛ mesyem zokazɛlwood tin, zɛdɛ bɛ nɛ bɛ nɔɔ djas kɔ mɛsa wat.

¹¹ Dáa eFalizyɛ nabee deenek ɛ, bɛ naazɛdji bɛdjekɛl bɛ náá: «Étɛp ye lyoel yen di edɛ edee ɛ di wat bɛ nɛ bɛnɔɲɛl ɛ epata e lapo nɛ bot ɛ na mbee dék?»

¹² Yezu eegwak dáa bɛ nadi elii ɛ, tin, nyɛ ɛ boozɛke nɛ nɔɔ náá: «Bot ɛ di nɛ mɛnyɛl ɛnyɔɛpɛ ɔ tok nɛ gwyɛs dhɔkɔtɔlɔ nyɛ neegwom bɛ. Ye ɛ membɛl ɛ di nɛ gwyɛs mɛgwoma.

¹³ Tóka, kɛdjekeka ɛsuk ɛ mɛkpa ɛ Zɛɛb di eke náá: “Mɛ kwyɛl ɛ ɛnɛm esa, dhaa ebuwa e bɛtit.” Etɛɛ náá, mɛ nabɛ ɛ àazyɛ zɛsaa bot ɛ epiki. Mam nazyɛ ɛ zɛsaa bot ɛ di egu náá, bɛ ɛ bot ɛ mesyem ɔ.»

Mɛlyo ɛ Yezu dum nɛ tɛp ɛtsi edee étɛp mɛndjaala

14 Dhiiti dwoo, bɛdjekɛl ɛ Zɑŋ Nduuel-bot naazyɛ zɛdji Yezu náá: «Étɛp yé bisɔ nɛ eFalizyɛ di etsi edee étɛp mendjaala, dhi bɛdjekɛl bɔ di áatsi edee étɛp mendjaala?»

15 Wɔ gwaa, Yezu zɛbɔɔza nɛ nɔɔ náá: «Bi nakobee sok paa náá, bɛsɔ ɛ mwaaz di tɔ ghon dwoo ɛba, dhi bɛ di lɔɔg wat nɛ mwaaz, mot paazyɛ, zɛba moma ɔ? Yenɛk áàsaɛl! Deenɛk ɛwala tak ɛpezyɛ, ɛwala ɛ di náá, mot zɛba moma ɔ waadisaa pak'ɔɔ. E di tak é bɛ aatsi edee.

16 «Yɛ tok nɛ mot aanyaa pes bes kaad étɛp ɛkoobal put kaad nɛ yɛ. Wɔ sa deenɛk ɔɔ, é sok wɔ aagwyii kaad tak ɛ, bes kaad é waanyaa put kaad, da é bek elen ɛ tak.

17 Mɛnyok mɛ na bes áàwaaa tɔ bhɛɛb na mwa. Yɛ sɛɛ deenɛk ɔɔ, bhɛɛb é nɛ ghwyil ɛbel, da mɛnyok é see, deenɛk bhɛɛb eepulel. Etɛp tak é di lɛɛaa náá, yɛ áàgoka deenɛk, etɛɛ náá, mɛnyok mɛ bes goka é tɔ ebes e bhɛɛb.»

Yezu eetsik dhiiti moma, da gomalɛsyɛs ɛ Zayilus

18 Dáa Yezu nadi elii nɛ nɔɔ deenɛk ɛ, wɔ gwaa dhiiti kukuma eYuda zɛzyɛ pɛ daa lɛ. Nyɛ eezɛkwyit mɛboŋ si mɛko mɛ. Nyɛy nɛ nɛ náá: «ɛsyɛs ɛ lam áàlɔo nɛ pɛka. Mɛ kwyɛl é, wɔ zɛkɛl mɛmbɔ kɔ lɛ étɛp nyɛ neegom!»

19 Yezu eezɛwyɛl, «ngbat», bɛ nɛ bɛdjekɛl bɛ, du nyɛ.

20 Dhiiti moma nadi ebé ebé ɛ ghiya, ghiya nadi ekekɛk nyɛ é nyɛl áàbɛ nɛ ɛtsek. Ebé ɛ tak naaboya nɛ nɛ é di membu kam nɛ ebá. Moma tak zokazetiila pɛ bhii koŋ ɛ Yezu, nyɛ eezɛmɛt kyee ɛghɔ ɛ kaad ɛ Yezu.

21 Etɛp nyɛ nabe ɛ́, nyɛ eeke tɔ lyem'ɛ náá: «Mɛ zomɛt kaad'ɛ ɔɔ, mɛ ɛpetsak!»

22 Tin, Yezu eezeliig mis, gwyák nyɛ. Nyɛ eezɛke nɛ nɛ náá: «Sa mɛghaaz ɛsyɛs ɛ lam! ɛdum ɛ koŋ ɛ lɔ nɛ Zɛɛb eetsik wɔ.» E di tak wat, moma yenɔk naazɛtsak.

23 Bhii tak, Yezu eezɛtɔ pɛ ndjaa kukuma ɛYuda ɛ tak. Dáa bɛ nakum ɛ, bɛ kabɛla bot ɛ, ɛ ebwom ngɔmbi, zɛnɔɔ bak bot ɛ sa yɔbɔ ɛzɛm pɛ ndjaa tak ɛtɛp ɛkoobal esesɛɛ, bɛ neetɔ ndɛla.

24 Tin, Yezu eezɛke nɛ nɔɔ náá: «Wyiska pɛ kel, etɛɛ náá, ɛsyɛs ɛlak ààpagwyɛ, nyɛ dja ɛ gó.» E di'enek, bɛ moo tin eduk Yezu.

25 Dáa bɛ nawyisal ɛdhuu ɛ bot pɛ kel ɛ, Yezu eezɛni tɔ dhɛŋ, nyɛ eezɛmɛt nyɛ ɛ mbɔ, wɔ gwaa ɛsyɛs ɛlenɔk zɛwyɛl.

26 Menduk mɛ tɛp'enek naakɛ kɔ kyee dik'enek djas.

Yezu eetsik bot ɛ edhim bɛbá

27 Dáa Yezu nadus tin ɛ, wɔ gwaa bot ɛ mɛbɛ mɛ edhim bɛbá zokazɛni edu nyɛ bhii koŋ nɛ etsim: «Mɔn Dhavid, geka bis ghon!»

28 Dáa Yezu nakum pɛ ndjaŋ ɛ, wɔ gwaa, bɛ na edhim binɔk zɛtiila pɛ daa lɛ. Yezu eezɛdji bɛ náá: «Bi eemyaal náá, mɛ ɛ nɛ ghwyil ɛsa sa bi di ewaab'enek ɛ?» Bot binɔk eezɛbɔɔza nɛ nɛ náá: «Iyoo, Ghɛŋ! Wɔ ɛ nɛ ghwyil ɛsa.»

29 Tin, Yezu eezɛmɛt bɛ ɛ mis. Nyɛy nɛ nɔɔ náá: «Zɛɛb eedjɛ bin sa djala nɛ ɛdum ɛ koŋ ɛ len ɛ.»

30 E di tak wat, wɔ gwaa bɛ nyaasok. Yezu eezɛlu bɛ ɛlyɛlɛpɛ náá: «Gwakeka mɛ ɛnyɔɛpɛ: sa mot ngɔt ààgu sa sɛɛ wak ɛ.»

³¹ Tin, bot binɔk katɔ́ ɛ́, elɛɛ tɔ kyee dik'enek djas esesɛɛ Yezu nasa ɛ.

Yezu eezɛtsik dhiiti bubu mot

³² E sok bɛ nadi ekwyɛl ɛtɔ́ ɛ, bɛdhiiti bot nabe ɛ́ bɛ eezyɛ Yezu nɛ mot ngɔt nadi bubu ɔ, etɛɛ náá, embee sisim nadi edhek nyɛ.

³³ Dáa Yezu nasɔ mbee sisim tak ɛ, ɛ́ di tak wat mot'enɔk nabe ɛ́, nyɛ moo elii. Tin, ye nabe ɛ́ ɛdhuu ɛ bot ɛ nadi edi tak ɔ, moo tin edjoka. Bɔɔ náá: «Bis dinaa àapaakobee kɔkɔ mbi yak sonok tɔ Yisalaɛl.»

³⁴ Yɛ kabɛ eFalizyɛ ɔ, bɔɔ nake yɔbɔ ɛ́ náá: «Ye ɛ́ kukuma embee esisim ɛ di edjɛ Yezu mɛbwala mɛ nyɛ di esɔ embee sisim nɛ yɛ ɛ!»

Yezu ɛ nɛ ghon nɛ ɛdhuu ɛ bot

³⁵ Yezu nadi eke kɔ boo eghaada nɛ kɔ mɛl. Nyɛ nadi elelyo mɛdhuu mɛ bot tɔ mendjaa mɛ mendjaala mɛ eYuda. Nyɛ nadi egoola bɛ Mbɛɛ Bhaadal dum nɛ Eyon ɛ Zɛɛb. Nyɛ nadi ɛtsik bot ɛ di nɛ epel ɔ, zɛnɔɔ bot ɛ nadi nɛ edjam ɔ.

³⁶ Ye nabe ɛ́ ghon naasa nyɛ elyelɛpe dum nɛ ɛdhuu ɛ bot ɛ nadi tin ɔ. Etɛɛ náá, bot ɛ tak nadi ɛ́ bɛ eezewak dáa mɛsaa mɛ ebhata di ààbɛ nɛ mbaalel ɛ.

³⁷ Nyɛ ɛ́ boozɛke nɛ bɛdjekel bɛ náá: «Bhum nɛ bu tɔ bok, tin, bot ɛ ebók ààbu.

³⁸ Ye goka ɛ́, bi djaala nɛ nakuma pyeeb náá, nyɛ baadhis bot ɛ mɛsa étɛp bɛ neezɛsa mɛsa tɔ pyeeb'ɛ.»

10

Bɛdjekel ɛ Yezu kam nɛ bɛbá

¹ Yezu naazɛdjoo bɛdjekɛl bɛ kam nɛ bɛbá. Bhii tak, nyɛ eezɛdjɛ bɛ eghɛɲ ɛso embee esisim nɛ ɛtsik ɛ bot ɛ di nɛ epɛl, zɛnɔɔ bot ɛ nadi nɛ edjam ɔ.

² Beeka min mɛ bot ɛ lwoma kam nɛ bɛbá tak e: Mot mɛkɛn ɛ Simɔɲ nadjeaa din ɛ Pyɛɛd ɔ, nɛ dhyeeb Andele, Zak bɛ nɛ dhyeeb Zan, bɔɔ bɛbá nabɛ ɛ bɔn Zɛbɛdɛ,

³ Filip nɛ Bhaatelemi, Toma zɛnɔɔ Matye nɔɲɛl epata e lapo, baazɛnɔɔ Zak mɔn Alfe, wɔ kabela ɛ Tade,

⁴ Simɔɲ, mot di tɔ ɛdhuu ɛ bot ɛ nadi edjooaa eZɛlɔt ɔ, zɛnɔɔ Yudas Iskaliɔt mot naka Yezu ɔ.

Mɛsa mɛ bɛdjekɛl nalwomaa ɔ

⁵ Yezu zokazɛlwom bɛdjekɛl bɛ kam nɛ bɛbá ɛtɛp esa mɛsa mɛ. Nyɛy nɛ nɔɔ náá: «Bi ɛ kookyee mɛl mɛ bot ɛ di ààbɛ bot ɛ mbyak eYuda ɔ. Sa bi ààni pɛ tɔ eghaada e bot ɛ Samali.

⁶ Bi goka nɛ ɛtɔ ɛ, pɛ daa ebhata e bot ɛ mbyak Yisalaɛl nazewo ze ɔ.

⁷ Ze ɛ ze, gheegoolaka nɛ bot náá: “Ƴyon ɛ di tɔ gwoo ɛ, moo ɛ ɛkunaape!”

⁸ Tsikeka bot ɛ mɛbɛ. Gomalka bot ɛ ze gwyɛ ɔ. Gelalka bot mɛbɛ mɛ zezam, ezezam bɔɔ. Sɔka embee esisim. Esa ee bi bela ààbɔm-bɔmak ɛ, djɛka bot yɛ yii toto.

⁹ Nànɔɔka elɔɔd, àànɔɔ epata, ààbaanɔɔ-nɔɲak dɔɔ nɛ meea ɛtɛp ɛwa tɔ mengwyɛ da ɛ tɔ nɛ yɛ.

¹⁰ Nànɔɔka mɛkoo mɛ di tɔaa nɛ yɛ mɛdjɔɲ ɛ. Nànɔɔka dhiiti kuwa. Nànɔɔka bɛdhiiti ekoko. Nànɔɔka sek, ɛtɛp ɛtɔ mɛdjɔɲ nɛ yɛ, ɛtɛɛ náá, mot di esa mɛsa ɔ goka ɛ nyɛ bela sa dek.

¹¹ «Bi ɛ kum kɔ dhiiti mɔɔ dɛl nɛghu kɔ ghaada ɔɔ, saaka mot di nɛ ghwyil ɛmyaal bin náá, bi sulal pɛ

daa lɛ ɔ. Dika pɛ daa mot'enɔk. Bi dus tin ɛ, yɛ bɛ bi moo twol kɔ dɛl ɛ tak ɔ.

¹² Bi ɛ ni tɔ ndjaa mot ɔ, keka nɔ́á: “Bis eeswos bin hoo.”

¹³ Yɛ bɛ nɔ́á, bot ɛ ndjaa tak eemyaal bin ɔɔ, tin, egwyem bin di nɛ nɔɔ. Tin, bɛ pɛɛ nɔ́á, bi nàsulal tɔ mendjaa mɔɔ ɔɔ, betka egwyem bin sik nɛ nen.

¹⁴ Yɛ bɛ nɔ́á, kɔ dhiiti dɛl nɛghu tɔ dhiiti ndjaa bɛ eepɛɛ nɔ́á, bi nàsulal ɔɔ, bɛ byen ɛgwak bin ɔɔ, wyiska yebɔ kɔ dɛl ɛ tak, nɛghu tɔ ndjaa tak, da bi ɛ kut piib mɛko men.

¹⁵ Mɛ lɛɛ bin ɛ etɛp etsetse nɔ́á, ɛ dwoo Zɛɛb aazɛpɛɛ bot ɛ, dɛl ɛlenek aapɛɛaa ɛ ɛlyɛɛpe dhaa-dhanak epɛɛ bot ɛ kyee mɛl mɛ Sodɔm nɛ Ghomɔɔd.»

Mezuk mɛ di ezyɛ pɛ sok ɛ

¹⁶ «Gwakeka! Mɛ kyeed bin ɛ dɔ́a ebhata kuku eben. Dika nɛ etson dɔ́a bɛnyɔ, da bi ɛ di bot ɛ edɛɛ dɔ́a mɛgum.

¹⁷ Dika bɛtson ɛ bot, etɛɛ nɔ́á, bot ɛ waakɛpit bin sok bhwoob bɛtɛtɛp, bi ɛ waanyuunɔ́aa nɛ eghwyɛs tɔ mendjaa mɛ mendjaala mɛ eYuda.

¹⁸ Kɔ ɛsu ɛ lam, bi ɛ waakɛtanɔ́al pɛ daa ekukuma nɛ bɛmɛkoozi, zɛnɔɔ pɛ daa bot ɛ di ààbɛ bot ɛ mbyak eYuda ɔ, ɛtɛp bi needi bɛtyaasɛs ɛ etɛp ee bi nazebee ɛ.

¹⁹ E sok bɛ aatɔ nɛ nen sok bhwoob bɛtɛtɛp ɛ, sa mot ààbem ba ɛtɛp mɛkpa aawɛyis tɔ enuub bin nɛ dɔ́a bi aatanɔ́al ɛ. Mɛkpa mɛ tanɔ́al ɛ waadjɛaa bin ɛ di'enek wat.

²⁰ Etɛɛ nɔ́á, ye tok biyɔ aakalii tin. Ye ɛ Sisim Sɛɛg'en ɛ aapakalii ɛ di'enek.»

21 «Bɔn mɔ ngɔt waakekael pak'ɔɔ ɛ ɛsan ɛ nɔ́á, mɔn nyɛɛg'ɔɔ neegóaa, dɔɔ nɛ bɛsɛɛg ɛ bɔn aazobaasa ɛ deenek nɛ bɔn bɔɔ. Bɔn ɛ waapit bɛbyael bɔɔ, bɔɔ kɛmɛtaa, kwye ndjɛ sɔs, góaa.

22 Bot djas ɛ waabhina bin, etɛɛ din ɛ lam. Ye ɛ bot ɛ aamaad lyem kekum pɛ ɛsik ɔ aapaabela tsik.

23 E sok bi aadi kɔ dhiiti ghaada ɛ, bot ɛ ghaada tak ɛ di esa bin esa e kokok nɛ etɛp ɛpes nɛ mezuk ɔ, kaabka, da bi ɛ tɔ pɛ dɛl ɛ sis. Mɛ lɛɛ bin ɛ etɛp e tsɛtɛ nɔ́á, bi aanàkwaasilal ɛkɛ kɔ mɛl mɛ di kɔ kyee dik Yisalaɛl ɔ djas, ɛsok nɛ nɔ́á, Sɛɛɛlɛ Mɔn Mot zyɛ.»

24 «Ye tok nɛ djekel aadhaa mot di elyo nye ɔ. Ye tok nɛ mot-mɛsa di edhaa kukuma ye.

25 Djekel goka ɛ, nye di dɔ́a lyoel ye. Da mot-mɛsa ɛ di dɔ́a kukuma ye. Kwyyi nakuma mɛbyel ɛ koodjóaaa Belzebul, “Aah” gwyata nɛ bot ɛ mɛbyel mɛ! Bɛ aazoleleaaa ɛ leea.»

Mot bi di egoka nɛ ɛkaab ɔ

26 «Étɛp tak ɛ di nɔ́á, sa mot ààkaab bɛmbee bot binɔk. Dhiiti dwoɔ ɛ tak, dwoɔ di nɔ́á, esesɛɛ djas di syela ɛ waawysis ɛ gwyɛ ɛ. Esesɛɛ djas di tɔ syaab ɛ waaguaa.

27 Tɛp mɛ di elɛɛ bin tɔ ghooghom ɛ, lɛɛka ye popoopwon ɛ mwos dwoɔ. Etɛp ee bi nadi nyiinlaa tɔ ɛlɔ ɛ, tuudka ye ɛlyelɛpe kɔ emii e mendjaa.

28 Nàkaabka bot ɛ di egu ɛgɔ epuud ɔ, etɛɛ nɔ́á, bɛ aanàkwaagɔ sisim. Bi goka ɛ nɛ ɛkaab ɛ Zɛɛb mot di nɛ ghwyil ɛgɔ sisim nɛ epuud tɔ du na kɔm-kɔm ɔ.

29 Tin, bɔɔ enen ebá tok wak ebɔmsaa nɛ ba mɔɔ pata wat ɛ? Bela nɔ́á, ngɔt pak'ɔɔ tok nɛ ghwyil ɛkwyit ɛ bɔs, Sɛɛg'en ɛ di ààmyaal ɔɔ.

³⁰ Yɛ kabɛ biyɔ bɛ ɛmet ɔ, mɛko mɛ bhoo di tɔ elo bin djas ɛ elɔŋa.

³¹ Sa mot ààbem ba etɛɛ náá, ɛ mis mɛ Saag'am bi dhaa bɛtɛ nɛ bɔɔ enen nɛ boo metɔŋ!»

ɛmyaal, nɛghu ɛbyen ɛ Yezu Klisto

³² «Mot aamyaa popoopwon ɛ mis mɛ bot djas náá, nyɛ ɛ djekel'am ɔɔ, mam pe, mɛ waamyaa nyɛ ɛ mis mɛ Saag'am di tɔ gwoo ɔ náá, nyɛ ɛ ngbam.

³³ Bela náá, mot aakɛla popoopwon ɛ mis mɛ bot djas náá, nyɛ tok djekel'am ɔɔ, mam pe, mɛ waakɛla nyɛ ɛ mis mɛ Saag'am di tɔ gwoo ɔ náá, mɛ ààgu nyɛ!»

Yezu nabe ɛ ààzyɛ éteɔp ɛgwakel, nyɛ nazyɛ ɛ zɛwa zyaala pak bot

³⁴ «Nàgekeka náá, mɛ nazyɛ kɔ bɔs ɛ, éteɔp egwyem tɔ bot. Mɛ nabe ɛ ààzyɛ, zɛwa egwyem nɛ ɛgwakel tɔ bot. Mɛ nazyɛ ɛ zɛkus ɛghuub nɛ ɛzɛbɛk ɛ bot.

³⁵ Mɛ nazyɛ ɛ zɛwa membɛk pak sɛɛg nɛ mɔn motom, pak nyɛɛg nɛ mɔn moma, pak nakɔla nɛ bhɛɛbel.

³⁶ Bot ɛ mɛbhuka men aadi ɛ, bot ɛ mɛbyel men met.

³⁷ Mot di ekwyɛl mot ngɔt pak sɛɛg nɛ nyɛɛg, dhaa mɛ ɔɔ, mot tak ààkɔa nɛ nam. Mot di ekwyɛl mɔn'ɛ mɔɔ moma, nɛghu mɔn'ɛ mɔɔ motom dhaa mɛ ɔɔ, mot tak ààkɔa nɛ nam.

³⁸ Mot ɛ di ààbɛp mɛlaaba mɛ, da nyɛ ɛ du mɛ ɔɔ, mot tak ààkɔa nɛ nam.

³⁹ Mot aakwyɛl ɛkwyɛɛg tsik'ɛ dhaa mɛ ɔɔ, nyɛ waasu tsik'ɛ. Mot aakakwyɛl ɛsu tsik'ɛ éteɔp ɛdu ɛ mɛ ɔɔ, nyɛ waabela tsik.»

Efute

⁴⁰ «Mot aamyaaal náá, bi sulal tɔ ndjan'ɛ ɔɔ, nyɛ myaaal é mam. Mot aamyaaal mɛ tɔ ndjan'ɛ ɔɔ, nyɛ myaaal é mot nadhis mɛ ɔ.

⁴¹ Mot aamyaaal ngoolel-mɛkpa ɛ Zɛɛb tɔ ndjan'ɛ da dil nyɛ náá, nyɛ é ngoolel-mɛkpa ɛ Zɛɛb ɔɔ, nyɛ waabela efute ee di egyee nɛ ngoolel-mɛkpa ɛ Zɛɛb ɛ. Mot di emyaaal mot epiki, etɛɛ náá, nyɛ é mot epiki ɔɔ, nyɛ waabela efute mot epiki di gyee nɛ yɛ ɛ.

⁴² Mɛ lɛɛ bin é etɛp e tsɛɛtse náá, mot aadjɛ dhiiti ba mɔɔ djekel'am ngɔt ba mɔɔ bɛɛɛ mɛdii mɛtela, etɛɛ náá, nyɛ é djekel'am ɔɔ, nyɛ waabela efute bɛ.»

11

Bot ɛ Zan Nduuel-bot nalwom ɔ

¹ Dáa Yezu nasilal ɛlyo bɛdjekel bɛ kam nɛ bɛbá ɛ, nyɛ eezɛdus tin, tɔ kɛlyo nɛ ɛkɛgoola Mbɛɛ Bhaadal pɛ eghaada kyee dik'enek.

² Zan Nduuel-bot pɛ nyɛ nadi tɔ ndjaa membok ɛ, nyɛ naagwak menduk ɛ Mɛsia. Tin, nyɛ é boolwom bɛdhiiti bɛdjekel bɛ

³ bɛ kɛdji Yezu náá: «Yɛ é wɔy é di Mɛsia nabɛ náá, nyɛ epezyɛ “ohoo”, nɛghu yɛ é náá, yɛ baabwoodaa dhiiti di baazyɛ ɔ?»

⁴ Yezu eezɛbɔɔza nɛ nɔɔ náá: «Kɛɛɛka Zan sa bi bee é nɛ yii bi gwak nɛ mɛɔ mɛn ɛ.

⁵ Bot ɛ edhim moo nyaa sok. Eboka e bot moo kɛ. Bot ɛ mɛbé mɛ zezam eezetsak. Bɛ na endiila e mɛɔ moo gwak, bot ɛ nazegwyɛ ɔ, bɛ é zegom. Mbɛɛ Bhaadal ɛpegooel kɛkum pɛ daa bɛdjel ɛ bot.

⁶ Mɛnyɔ nɛ mot aadi ààdis ɛbwaalel ɛ lɛ kɔ lam ɔ!»

⁷ Bhii bedjekel ɛ Zan nasik ɛ, Yezu moo tin elii nɛ zukamwaa nɛ mot nadi tin ɛ kɔ ɛsu ɛ Zan. Nyey nɛ nɔɔ nɔɔ: «Bi nakɛbee yɛ pɛ tɔ kyee dik bɛsyɛ di ààbɛ nɛ mɛdii ɛ? Bi nakɛbee ɛ mɔɔ le ghwaazok edheegel nɛ pup ɛ?

⁸ «Ha» bi nakɛbee yɛ pɛ kyee dik bɛsyɛ di ààbɛ nɛ mɛdii ɛ? Bi nakɛbee ɛ mot ngɔt nɛ van mbi bhet ɛ? Bi nɛ gu nɔɔ, bot ɛ dyeebabɔt evan ekaad ɔ dyeebadi ɛ pɛ tɔ eboo mendjaa bɛmɛkoozi.

⁹ Bi nakɛbee yɛ? Bi nakɛbee ɛ ngooel-mɛkpa ɛ Zɛɛb ɛ? Nɛ tɛɛtɛ, mɛ lɛɛ bin ɛ nɔɔ, nyɛ eedhaa-dhanak ngooel-mɛkpa ɛ Zɛɛb.

¹⁰ Etɛɛ nɔɔ, ye ɛ kɔ ɛsu ɛ Zan ɛ ekwyala nalɛɛ nɔɔ: «Ɛsok nɛ wɔ nɛ tɔ, mɛ waalwom ngoola-ngoola yam, nyɛ neekɛdii wɔ ze.»

¹¹ «Mɛ lɛɛ bin ɛ etɛp e tɛɛtɛ nɔɔ: pɛ tɔ bot djas Zɛɛb nasa ɔ, ye tok nɛ mot dhaa Zan Nduuel-bot. Tin, mot di mɔɔ dhyyeb tɔ Ɛyon ɛ di tɔ gwoo ɔ, ɛ boo boo-mot nɛ nɛ.

¹² Kɛkan membu mɛ Zan Nduuel-bot nadi elyo bot tɔ mɛkpa ɛ Zɛɛb ɛ, kɛyaka nɛ elu ɛ mos, eni ɛ tɔ Ɛyon ɛ di tɔ gwoo ɛ nɛ lyel. Bot ɛ di nɛ mɛghaaz ɛ di nɛ ghwyil ɛdɛk yɛ.

¹³ Kana nɛ bɛngooel ɛ mɛkpa ɛ Zɛɛb djas, zɛnɔɔ etsi ɛ Moiiiz, mɛkpa mɛ Zɛɛb naagooel kɛkum membu mɛ ekwyil ɛ Zan.

¹⁴ Bi ɛ kwyel etiibal ɛnyɔɛpɛ ɔɔ, ye ɛ Zan ɛ di Eli, ngooel-mɛkpa ɛ Zɛɛb nalookɛkaa nɔɔ, nyɛ waab-ula ɔ.

¹⁵ Yɛ bɛ nɔɔ, bi ɛ nɛ mɛlɔ ɔɔ, gwakeka yɛ ɛnyɔɛpɛ!

¹⁶ «Mɛ gek bot ɛ membu mak nɛ bɛzɛ? Bɛ ɛ dɔɔ zɛɛga bɔɔ dhyyeb mendiindil kɔ ɛbɛɛɛ ɛ bot djas di di ɛ, da bedhiiti ɛ gheetsim kɔ bɛɔ bɔɔ nɔɔ:

17 “Bis eebwom bin ngɔmbi, bi ààpabɔl. Bis eedjeeb bin mɛdjeeb mɛ ɛsyee, bi ààpadje!”

18 Etɛɛ náá, Zan eezyɛ, nyɛ nabɛ é, nyɛ eetsi edee nɛ mɛnyok. Deenek, bot kake é náá: “Ye é embee esisim ɛ di sa nyɛ deenek!”

19 Sɛɛɲɛlɛ Mɔn Mot eezyɛ. Nyɛ ɛpedɛ yɛ edee nɛ mɛnyok me vin, bi kake é náá: “Beeka nwyak é? Mɛsa mɛ é ɛdɛ edee nɛ dɛ mɛnyok mɛ vin, nyɛ be mɛsɔ é nɛ bɛnɔɲɛl ɛ epata e lapo dɔɔ nɛ bot ɛ di nɛ mbee tsik ɔ!” Tin, etson e Zɛɛb nadi enyen tɔ mɛsa mɛ.»

Eghaada di ebyen ɛdum ɛ koɲ nɛ Zɛɛb ɔ

20 Tin, Yezu eezeni nɛ mɛlyo mɛ ɛdul ɛ mɛlɔ mɛ bot ɛ eghaada ee nyɛ nasa bɛtɛ nɛ endem e mɛbwala ɔ, etɛɛ náá, bot ɛ eghaada tak nabɛ é ààliig elyem bɔɔ. Nyɛ é boozɛɛ náá:

21 «Haa kpaa-ghon nɛ nɔ, dɛl ɛ Koodazin, kpaa-ghon nɛ nɔ, dɛl ɛ Bhetsaida! Etɛɛ náá, bɛtɛ nɛ endem e mɛbwala nasael pɛ yebɔ ɔ, yɛ ɛpedi é di náá, ye nasael é pɛ eghaada Tiid nɛ Sidɔn ɔɔ, pe bot ɛ eghaada binɔk naaloobɔt kaad ɛpum, pe bɛ naazelɔɔba mɛsii, pe bɛ naaloozeliig elyem bɔɔ.

22 Etɛp tak é mɛ di elɛɛ nɛ nen náá, dwoo Zɛɛb aazɛpɛɛ bot ɛ, yebɔ ɛpɛɛ é waadhaa yii bot ɛ eghaada Tiid nɛ Sidɔn nɛ mɛlyel.

23 Yɛ kabɛ wɔy ɔɔ, dɛl ɛ Kapɛlnaum, wɔ gek é náá, wɔ é nɛ ghwyil ɛ byet tɔ pɛ tɔ gwoo? Wɔ waasilaa kɛkum pɛ dɛl ɛ bot ɛ nazegwyɛ ɔ. Etɛɛ náá, endem e mɛbwala mɛ nasɛɛ penek ɛ, ye ɛpedi é di náá, ye naasɛɛ é pɛ dɛl ɛ Sodɔm ɔɔ, pe dɛl ɛlenek dinaa tak dɔɔ nɛ mos.

²⁴ Etɛp tak ɛ mɛ di elɛɛ bin náá, dwoo Zɛɛb aazɛpɛɛ bot ɛ, epɛɛ nyɛ aapɛɛ bin ɛ, yɛ waadhaa yii bot ɛ ghaada Sodɔm nɛ mɛlyɛl.»

«Dhaka pɛ daa lam, mɛ needjɛ bin ɛwala!»

²⁵ E ghɛɲ tak, Yezu naazɛke náá: «Hyee Bhaaba, Ghɛɲ gwoo nɛ bɔs, mɛ ɛpeghaapɛɛ wɔ, etɛɛ náá, esesɛɛ wɔ nasyɛl bɛtson ɛ bot nɛ bot ɛ di etsɛlal ɔ, wɔ eelyaal yɛ nɛ bɔɔ dhyeeb.

²⁶ Iyoo, Bhaaba, wɔ nakwyl ɛ, yɛ sɛɛ deenek.

²⁷ «Saag'am naadjɛ mɛ esonok djas. Ye tok nɛ mot di egu Mɔn Zɛɛb, yɛ di ààbɛ Sɛɛg nyɛ ɛmet ɔ. Deenek, ye tok nɛ mot di egu Sɛɛg, yɛ di ààbɛ Mɔn nɛghu mot Mɔn aakwyl ɛlyaal ɔ.

²⁸ «Biyo, bot ɛ zewak étɛp ɛbɛp edil-dil mɛkɔm men ɔ, dhaka pɛ daa lam, mɛ needjɛ bin ɛwala.

²⁹ Bɛpka kɔm etɛp bam. Tin, bɛtka náá, mɛ djɛ bin etson, etɛɛ náá, mam ɛ mot mɛsila nɛ ɛtɛla ɛ lyem. Tin, bi ɛ waabɛla di ɛwala biyo bɛ ɛmet.

³⁰ Kɔm mɛ di edjɛ bin ɛ, yɛ ààdil, ɛbɛp ɛ lam mɛ di djóo bin náá, bi zɛbɛp ɛ, yɛ nɛ gwyaa.»

12

Mɛlyo dum nɛ tɛp dwoo saba

¹ Dhiiti dwoo saba, Yezu nadi edhaa tɔ pyeeb kɔkɔmbi bhɛkbhisa di edjóoaa blɛɛ. Tin, wɔ gwaa, za zɛbɛ bɛdjɛkel bɛ, bɛ moo tin ebók mɛbhisa mɛ tak étɛp ɛdɛ.

² Dáa eFalizyɛ nabɛɛ deenek ɛ, bɛ eezɛke nɛ Yezu náá: «Bɛɛa, bɛdjɛkel bɔ ɛpsa esesɛɛ di náá, yɛ ààpadjɛaa bɛ ze dwoo saba ɛ!»

³ Yezu zokazɛbɔɔza nɛ nɔɔ nɔ́á: «Bi nabɛ é ààlaa sa Dhavid nasa é sok bɛ nɛ bot ɛ nadi egyee bɛ nɛ bɛ nɔɔ nagwak za ɛ?

⁴ Ye nabɛ é, bɛ nɛ bot ɛ lɔɔg'ɛ naani tɔ ndjaa Zɛɛb, bɔɔ zokakɛɛɛ emapa ee nakanɔ́aa Zɛɛb ye é. Dhi ye di náá, bɛ nabɛ é ààgoka nɛ ɛɛɛ emapa e tak. Etɛɛ náá, etsi bina lɛɛ é náá, bot ɛ di egoka nɛ ɛɛɛ emapa e tak ɔ, ye é bɛghaa-Zɛɛb bɔɔ bɛ ɛmet.

⁵ Nɛghu bi nabɛ é ààlaa tɔ etsi ɛ Moiiiz náá, bɛghaa-Zɛɛb nadi esa mɛsa tɔ Ndjaa-ebuwa dwoo saba ɔ, bɛ nabɛ é ààdi eduwal etsi e saba, dhi bɔɔ, ààbela ndjɛ kɔ ɛsu ɛ tak é?

⁶ Tin, betka mɛ lɛɛ bin náá, wak, ye é nɛ sonok wat di edhaa Ndjaa-ebuwa nɛ mɛbɔk ɔ!

⁷ Bi é pe di egu ɛnyɔɛpe sa ɛsuk ɛ ekwyla bak: “Mɛ kwylɛ é ɛnɛm esa, ààkabɛ ebuwa e bɛtit*” di ekwylɛ ɛlɛɛ ɔ, pe bi ààpazyɛ zɛpit bot ɛ di ààgu tɛp ɔ gwyɛs.

⁸ Etɛɛ náá, Sɛɛɲɛlɛ Mɔn Mot é di kukuma dwoo saba.»

Mot na sɔɔbela mbɔ

⁹ Bhii tak, Yezu eezɛdus tin, nyɛ eezɛtɔ pɛ ndjaa mendjaala mɛ eYuda.

¹⁰ Tɔ ndjaa mendjaala mɛ eYuda e tak, ye nabɛ é nɛ dhiiti mot ngɔt nadi nɛ sɔɔbela mbɔ ɔ. ɛkwosak ɛ eFalizyɛ nabɛ é, Yezu bela ndjɛ é mis mɔɔ. Etɛp tak é bɛ nadjɛ nyɛ náá: «Etsi bina ɛpemyaal náá, mot tsikaa dwoo saba?»

¹¹ Yezu é boozɛbɔɔza nɛ nɔɔ nɔ́á: «Yɛ bɛ náá, mot ngɔt pak'en é nɛ sim bhata ngɔt ɔɔ, nyɛ gwak náá, dwoo saba, sim bhata tak eekwyit tɔ guk na dim-dim ɔɔ, nyɛ aanákwaatɔ kɛwyisal nyɛ tɔ guk tak é?

* 12:7 Oze 6.6

¹² Dáa ye di náá, mot eedhaa bhata nɛ mɛtan ɛ, tin, etsi lɛɛ é náá, mena saka bot enɛm esa dwoo saba.»

¹³ Yezu é boozɛke nɛ mot nadi nɛ sɔɔbela mbɔ ɔ náá: «Sɛɛba mbɔ'ɔ.» E di tak wat, mbɔ mot'enɔk eezɛbula ɛnyɔɛpe, dáa yak dhiiti mbɔ.

¹⁴ Bhii tak, eFalizye é boozɛdus tin, tɔ yɔbɔ. Wɔ gwaa bɛ kɛsɛɛga é kwan, ɛtɛp ɛdjek dáa bɛ aadjɛ nyɛ ɛpɛɛ e ɛsyee ɛ.

Mot-mesa mɛ Zɛɛb nasɛɛ ɔ

¹⁵ Dáa Yezu nagwak deenek ɛ, nyɛ eezɛdus tin, wɔ gwaa, zukamwaa nɛ mot zokadu nyɛ. Wɔ gwaa, nyɛ zokazɛtsik membɛl djas.

¹⁶ Tin, nyɛ eezɛlyak bɛ ɛlyɛɛpe náá, bɛ nàsa náá, bot gu mbi mot nyɛ nadi é.

¹⁷ Nyɛ nasa deenek é, ɛtɛɛ náá, ɛtɛp ee ngooel-mɛkpa ɛ Zɛɛb Ezayi nalɛɛ é, ye neebela ɛsuk. Ngooel-mɛkpa ɛ Zɛɛb Ezayi nalɛɛ é náá:

¹⁸ «Zɛɛb lɛɛ é náá: “Bɛa mot-mesa mam mɛ nasɛɛ ɔ, mot mɛ di ekwyɛl ɔ.

Lyem'am é tɔ mɛmyaala kɔ ɛsu ɛ lɛ.

Mɛ waawa Sisim'am tɔ lɛ.

Tin, nyɛy é aapagoola nɛ bot ɛ membyak djas, epiki bam mɛ aadhis ɛ.

¹⁹ Nyɛ aanàkwaawaya nɛ bot.

Nyɛ aanàkwaabiyo nɛ mot.

Bi aanàkwaagwak gwood'ɛ é gba.

²⁰ Nyɛ aanàkwaabwak-bwakak mɔɔ le ghwaazok di náá yɛ eezɛnyaabel ɛ.

Nyɛ aanàkwaadimal mɔɔ ngel lama di esaa náá, ye dim ɛ.

Nyɛ aasa deenek, kɛkum dwoo epiki bɛ aanyen é mis mɛ bot ɛ.

21 Tin, bot djas di ààbɛ bot ɛ mbyak eYuda ɔ, bɛ waawa ɛbwaalel ɛ lɔɔ kɔ lɛ†.»»

Yezu sɔ embee sisim nɛ ghwyil zɛ?

22 Wɔ gwaa bɛ zokazyɛ Yezu nɛ dhiiti mot, mot tak nadi é, bubu nɛ ɛbɛ ɛ edhim. Ye é embee sisim ɛ nasa mot tak deenek. Tin, Yezu eezetsik mot tak, nyɛ moo tin elii nɛ enyaasok.

23 Mɛdhuu mɛ bot ɛ nadi tin ɔ, naadyeebadjoka. Bɛ moo tin eke náá: «Wɔ ke é nwyak tok Mɔn Dhavid é?»

24 Dáa eFalizyɛ nagwak bot binɔk elii ɛ, bɛ boozɛke náá: «Mot tak sɔ embee sisim é etɛɛ náá, Bɛlzebul kukuma embee sisim ɛ, di edjɛ nyɛ kɔkɔ yak mbi mɛbwala mɛ nyɛ di esɔ embee sisim nɛ yɛ ɛ.»

25 E di'enek, Yezu nadi egu egeka e elyem bɔɔ, nyɛ boozɛɛɛ nɛ nɔɔ náá: «Eyon ɛ di náá, mɛsa mɛ bot ɛ tak ɛ mɛwɔ nɛ edho pak'ɔɔ, ɛsik eyon ɛ tak é ɛbel nɛ ɛwaazel. Bot tɔ ghaada wat nɛghu bot ɛ mɛbyel mɛ wat, ɛ di nɛ mɛwɔ nɛ etuub pak'ɔɔ ɔ, yenek mɛbyel nɛ yenek ghaada aanàkwaapyet enyɔɛpɛ.

26 Yɛ bɛ náá, Satan moo sɔ sa di náá, ye é yɛ Satan ɛ, bi ààbee náá, Satan kaduu tuub ɛ, bɛ nɛ nyel'ɛ met e? Tin, eyon ɛ lɛ aakapyet dáa?

27 «Yɛ bɛ náá, mam sɔ embee sisim ɛ nɛ ghwyil ɛ Bɛlzebul ɔɔ, ɛzɛ di edjɛ bot bin ghwyil bɔɔ di esɔ embee sisim nɛ yɛ ɛ? Mɛ bee é náá, ye é bɔɔ bɛ nakuma tak ɛ aapalyaal bin náá, bi tok nɛ gham.

28 Sa di tsɛɛtsɛ é náá: mɛ sɔ embee sisim é nɛ ghwyil ɛ Sisim ɛ Zɛɛb. Yenek djas kwyɛl ɛlɛɛ é náá, Eyon ɛ Zɛɛb moo é wak nɛ nena é di wat.

† 12:21 Eza 42.1-4

29 «Ye tok nɛ mot di nɛ ghwyil ɛni tɔ ndjaa mot mɛnyan, da ɛ nɔɔ esa e ndjaa mot tak, nyɛ di ààkɔl nyɛ mɛmbɔ nɛ mɛko ɔɔ. Ye ɛ bhis ɛkɔl nyɛ ɛ, nyɛ aakabela ghwyil ɛnɔɔ esa e ndjan'ɛ djas, da nyɛ ɛ wyis tɔ nɛ yɛ.

30 Mot di ààdi pɛ yam kyee ɔ, ye lɛɛ ɛ náá, mot tak ɛ mot di ebhina mɛ ɔ. Tin, mot di ààkwyee mɛ ɛ ɛsɛɛg ɛ bot ɔ, nyɛ waaz ɛ waazak.

31 Etɛp tak ɛ mɛ di elɛɛ bin náá, mɛ ɛ nɛ ghwyil ɛpel mesyem mɛ bot djas, ye nakoozodi ebyas nɛ embee esesɛɛ bɛ nasa Zɛɛb ɛ. Ye kabɛ náá, mot eebyasal Sisim na Dɛɛ ɔɔ, nyɛ aanàkwaapelaa.

32 Mot ɛ lii ɛbiyoɛpe nɛ Sɛɛɲɛlɛ Mɔn Mot ɔɔ, mesyem mɛ ɛ nɛ ghwyil ɛpelaa. Tin, mot ɛ lii ɛbiyoɛpe nɛ Sisim na Dɛɛ ɔɔ, mesyem mɛ aanàkwaapelaa tɔ tsik mena dika mos'aak nɛghu tsik ɛbhis.»

Le nɛ bhum

33 «Étɛp wɔ neebela mbɛɛ bhum, ye goka ɛ le pookokan ɛdi sok mbɛɛ le. Etɛɛ náá, le ɛ di nɛ ɛbɛ ɔɔ, bhum tak aabaazodi ɛ mɛbɛ nɛ mɛbɛ, etɛɛ náá, le gwyakaa ɛ nɛ bhum di ekwyil ɛ tak ɛ.

34 Mbyak mɛgel! Bi aakwak elii embɛɛ etɛp dáá, bela náá bi ɛ bɛmbɛ ɛ bot? Etɛɛ náá, nuub dyeebawyisal ɛ etɛp ee zelwood tɔ lyem ɛ.

35 Mbɛɛ mot nɔɔ etɛtɛ etɛp ee nyɛ di lii ɛ tɔ ɛkwom ɛ mbɛɛ esesɛɛ bɛ. Tyɛ wat nɛ mbee mot, nyɛ nɔɔ embee etɛp ee nyɛ di elii ɛ, tɔ ɛkwom ɛ mbee esesɛɛ bɛ.

36 Betka mɛ lɛɛ bin, sa di tsɛɛtsɛ náá, dwoo Zɛɛb aazɛpɛɛ bot ɛ, bot ɛ waatyaa sok bhwoob bɛtɛtɛp étɛp mɛlee mɛ bɛ nadi elee bot ɛ.

37 Etɛɛ náá, ye é kɔ mɛkpa mɔ met ɛ wɔ aabela gham nɛghu ɛkwyɛ ndjɛ sɔs é mis mɛ Zɛɛb.»

Ngwyeebel ndem mɛbwala

38 E di'enek, bɛdhiiti bɛghan ɛ mɛkana mɛ etsi nɛ eFalizyɛ zokazɛdji Yezu náá: «Lyoe! Bis kwyɛl é náá, wɔ lyaal bis dhiiti ndem mɛbwala.»

39 Yezu é boozeɛbɔɔza nɛ nɔɔ náá: «Étɛp yé di náá, bot ɛ di ewaab mos dhiiti ndem mɛbwala pɛ daa Zɛɛb ɔ, di di bɛmbee ɛ bot, bot ɛ di ààbɛ sosoob é mis mɛ Zɛɛb ɔ? Tin, Zɛɛb aazolyaal bɛ é ndem wat. Ye aadi é kɔkɔ mbi ndem ngoolel-mɛkpa ɛ Zɛɛb Yonas nabee ɛ.

40 Ye é tyɛ wat nɛ dáa ngoolel-mɛkpa ɛ Zɛɛb Yonas nakpaa emwos elɛl nɛ epum elɛl tɔ mɔ boo su ɛ, Sɛɛɲɛlɛ Mɔn Mot aabaasa é emwos elɛl nɛ epum elɛl tɔ bɔs.

41 Dwoo Zɛɛb aazɛpɛɛ bot ɛ, bot ɛ ghaada ɛ Niniv ɛ waazyɛ, zɛtyaa sok bhwoob bot ɛ di mos'aak étɛp ɛpit bɛ, deenek, bɛ neekwyɛsal ndjɛ sɔs. Etɛɛ náá, gwaka bɛ nagwak Yonas é ɛlyo bɛ mɛkpa mɛ Zɛɛb é, ye nabɛ é bot ɛ Niniv naaliig elyem bɔɔ. Ye nyɔ é, bi gu náá, mot di nenak wak'aak, nyɛ eedhaa Yonas.

42 Dwoo Zɛɛb aazɛpɛɛ bot ɛ, mɛkoozi mɛ moma dɛl ɛ di pɛ kyɛ bɔs é waazyɛ, zɛtyaa sok bhwoob bot ɛ di mos'aak étɛp ɛpit bɛ, deenek, bɛ neekwyɛsal bɛ ndjɛ sɔs. Etɛɛ náá, nyɛ nadus é pɛ mɛdɲik mɛ ɛtseta, nyɛ é boozeɛgwak mbɛɛ mɛlyo mɛ etson ɛ mɛkoozi Salomɔɲ. Ye nyɔ é bi gu náá, mot di nenak wak'aak, nyɛ eedhaa Salomɔɲ!»

ɛbula ɛ embee esisim

⁴³ «É sok mbee sisim di ewyis tɔ nyel mot ɛ, nyɛ katɔ́ ɛ pɛ kyee bɔs bɛsyɛ di ààbɛ nɛ mɛdii ɛ, kɛsaa di nyɛ aakɛdi ɛ. E di nyɛ aakadi ààbela di nyɛ aadi ɔ,

⁴⁴ nyɛ kake ɛ náá: “Mɛ pookosik pɛ ndjaŋ'am, ndjaa mɛ nawyis tɔ tak sok ɛ.” Tin, sika nyɛ aakasik ɛ, nyɛ aabela ndjaa tak toto, bɛ eezewaabal nɛ ɛkoobal yɛ.

⁴⁵ Tin ɛ nyɛ aakatɔ́, kɛnɔɔ bɛdhiiti embee esisim bɛ na nyan-nyan bɛtɛn nɛ bɛbá di edhaa nyɛ nɛ embee mɛsa ɔ. Tin, bɔɔ djas kabula ɛ tɔ ndjaa tak, da ɛ be di tin. Deenek, tsik yɛnɔk mot eezepulel dhaa-dhaŋak yii nabɛ sok ɛ. Yɛ aadi ɛ deenek étɛp bɛmbee ɛ bot di pak'ena mos'aak.»

Bɔn nyɛɛg ɛ Yezu bɛ nɛ nyɛɛg

⁴⁶ Yezu dinaa kuku elii, wɔ gwaa bɔn nyɛɛg nɛ nyɛɛg zɛkum ɛ di nyɛ nadi ɔ. Bɛ eezɛtyaa pɛ kel. Tin, bɛ nadi ɛkwyl elii nɛ nɛ.

⁴⁷ Dhiiti mot ɛ boozɛɛɛ Yezu náá: «Bee, nyoog nɛ bɛdhyeeb bɔ ɛ pɛ kel, bɛ ɛpekwyɛl elii nɛ nɔ.»

⁴⁸ Yezu ɛ boozɛbɔɔza nɛ mot'enɔk náá: «Nyaag'am ɛ zɛ, da mɔn nyaag'am ɛ kadi bɛ zɛ?»

⁴⁹ Bhii tak, nyɛ eezɛlyo bɛdjekɛl bɛ nɛ djin. Nyɛy náá: «Beeka nyaag'am, nɛ bɔn nyaag'am di wak e.

⁵⁰ Etɛɛ náá, yɛ ɛ mot di esa ɛkwosak ɛ Saag'am di tɔ gwoo ɔ, di mɔn nyaag'am, kɛl'am nɛ nyaag'am.»

13

Kana sɔsɛl mɛbhek

¹ Dwoo tak wat, Yezu nadus ɛ pɛ ndjaa nyɛ nadi ɛ, nyɛ ɛ boozɛtɔ́, kɛdisi pɛ ɛbɔŋ ɛ boo soob na djato-djato. Tin, nyɛ moo zɛlyo bot.

² Wɔ gwaa, zukamwaa nɛ mot zokazɛmaala ɛ di tak. Dɔ́a nyɛ nabee náá, zukamwaa nɛ mot naazɛsɛɛga tin ɛ, nyɛ ɛ boozɛni tɔ dhiiti elɛɛd, nɔɔ nyɛl, disi. Nyɛ eezɛpus elɛɛd tɔ dii, ɛdhuu ɛ bot eezɛlik pɛ kyiid ɛ ngwoob dii.

³ Mɛlyo mɛ nyɛ nalelyo bɛ ɛ nadyeebabu ɛ tɔ ekana. Tɔ ekana ee nyɛ nadi elyo bɛ nɛ yɛ ɛ, wat nabɛ ɛ kɔ ɛsu ɛ sɔsɛl mɛbhek. Tin, nyɛ ɛ boozɛke nɛ nɔɔ náá: «Dhiiti dwoo mot ngɔt natɔ pɛ pyeeb kɛsɔs bhek.

⁴ Dɔ́a nyɛ nakadi emwam bhek tak ɛ, kyee wat nakwyit ɛ ɛ gba. Wɔ gwaa enen zokazɛdɛ yɛ.

⁵ Yak kyee kakwyit ɛ kɔ bat ɛkok. Tin, ààkobɔya deenek, mɛbhek eezɛkwyil, etɛɛ náá, di tak nadi ɛ, nɛ ba bɔs.

⁶ E di gwyɛs na ghɛ-ghɛ nakakas ɛ, wɔ gwaa mɛbhek djas zɛsyee, etɛɛ náá, ekanjal e tak nabɛ ɛ ààni tɔ bɔs ɛdimɛpɛ.

⁷ Yak pak mɛbhek nakakwyit ɛ tɔ engwyinini. Wɔ gwaa, engwyinini binek zokawyye, kala kɔ mɛbhek ààbɛ nɛ dɔ́a mɛbhek wyee ɛnyɔɛpɛ.

⁸ Tin, mɛbhek mɛ nakakwyit kɔ mbɛɛ bɔs ɛ, naakwyil ɛnyɔɛpɛ, wɔ gwaa yɛ kwyil bhum. E kwos wat, bhum mɛkam-mɛlɛl, ɛ yak mɛkam-mɛtɛn nɛ wat, ɛ yak tak bhum dhet.»

⁹ Bhii tak, Yezu eezɛke náá: «Yɛ bɛ náá, bi ɛ nɛ mɛlɔ mɛ ɛgwak ɔɔ, gwakeka ɛnyɔɛpɛ!»

Etɛp yɛ Yezu di elii nɛ bot tɔ ekana

¹⁰ Tin, bɛdjekɛl eezɛtiila pɛ pak Yezu nadi ɛ, bɛ ɛ boozɛdji nyɛ náá: «Étɛp yɛ wɔ di elii nɛ nɔɔ tɔ ekana?»

11 Wɔ gwaa nyɛ zɛbɔɔza nɛ nɔɔ nɔ́á: «Biyo, bi eezedjeaa etson ɛgu ɛsuk ɛ ɛyon ɛ di tɔ gwoo ɛ. Yɛ bɛ bɛsɔ bin ɔ, bɛ dinaa ààpaamet ɛsuk ɛ tak.

12 Etɛɛ nɔ́á, mot aadi nɛ ba bim sonok ɔ, bɛ waabil nyɛ dhiiti, éteɓ ye neebu. Tin, mot aakadi toto ààbɛ nɛ sonok ɔ, bɛ waadek nyɛ dɔɔ nɛ eghutu-ghutu nyɛ lik nɛ yɛ ɛ.

13 Etɛɓ tak é mɛ di elii nɛ nɔɔ tɔ ekana. Etɛɛ nɔ́á, bɛ é nɛ ghwyil ɛgwyák nɛ mis, ààbee. Bɛ é nɛ ghwyil ɛgwak nɛ mɛlɔ, dhi bɛ di ààsiiza sa ye di ekwyɛl ɛlɛɛ ɛ.

14 Ye é deenek é, etɛɓ ee ngooel-mɛkpa ɛ Zɛɛb Ezayi nalɛɛ é aabela ɛsuk. Nyɛ nabe é, nyɛ eeke nɔ́á: “Bi é waagwak ɛnyɔɛpe, bi é aanákwaagu ɛsuk ɛ tɛɓ tak.

Bi é waabee nɛ mis, bi aanákwaasiiza ɛsuk ɛ tak.

15 Etɛɛ nɔ́á, bot ɛ mbyak’ak nɛ kalyel elyem dhaa nyɛl.

Bɛ nɛ kasa maa-ɛlɔ dhaa tyɛ.

Bɛ eezedipal mis mɔɔ éteɓ bɛ é zɛkɛbee.

Bɛ eediyal mɛlɔ mɔɔ, ye nàgwak.

Bɛ eezelu ɛtselal ɛ lɔɔ nɔ́á, ye nàgwak sonok.

Tin, bɛ tok nɛ ghwyil ɛbula, dum kon nɛ Zɛɛb etɛɛ nɔ́á, Zɛɛb neetsik bɛ*.”»

16 «Yɛ kabɛ biyo bɛ ɛmet ɔ, mɛnyɔ nɛ nen, etɛɛ nɔ́á, mis men ɛpebee, mɛlɔ men ɛpegwak!

17 Mɛ lɛɛ bin é etɛɓ ee tɛɛtɛ nɔ́á: Bɛtɛ nɛ bɛngooel ɛ mɛkpa ɛ Zɛɛb, bot ɛ epiki naadyebak-wos ɛbee nɛ ɛgwak sa bi di ebee nɛ gwak mos’aak. Bɛ ààpabela bhwoob ɛbee nɛ gwak sa bi di ebee mos’aak.»

Yezu moo lɛɛ ɛsuk ɛ kana sɔsɛl mɛbhek

* 13:15 Eza 6.9-10

18 «Biyɔ, bot bak! Gwakeka esuk e kana sɔsel mebhək:

19 Bɔs ɛ ngwoob gba di bhek nakwyit ɔ, ye kwyɛl ɛlyaal ɛ bot ɛ nadi egwak etɛp ɛyon ɛ Zɛɛb, bɛ kadi ɛ, ɔ̃amɛt esuk ɛ tak ɔ. Tin, Mbee Mot eetuula, nyɛ eezɛdɛk mebhək bɛaa tɔ elyem bɔɔ ɛ.

20 Bɛdhiiti bot kadi ɛ dɔa mebhək nakwyit kɔ bat ɛkok ɛ, ɛ sok bɛ di egwak-gwakak mekpa ɛ Zɛɛb ɛ, bɛ nɛ dyeebamyaala tɔ elyem bɔɔ.

21 Tin, bɛ ɔ̃apakabet nɔ́á, mekpa mɛ tak pookoni bɛ tɔ ebhum elyem enyɔɛpe. Bɛ kadi ɛ, ɔ̃awa zii ɛbuɛpe tɔ ebaal ɛ mekpa mɛ tak. Tin, ɛ ghen mezuk nɛ mebhawal aatuula bɛ kɔ esu ɛ mekpa ɛ Zɛɛb ɔ, ɛliig ɛ lɔɔ kon nɛ Zɛɛb ɔ̃abɔya.

22 Bɛdhiiti tɔ len gwak mekpa ɛ Zɛɛb ɛ dɔa kyee mebhək nakwyit tɔ engwyinini ɛ. Bɛ nɛ gwak mekpa ɛ Zɛɛb, ye kabelɔ ɛ nɔ́á, yɔbɔ elyem ɛ tɔ ɛwyyeeb ɛ esa e bɔs, mɛvu mɛ di ekɔɔ bot kɔ bɔs'ak ɛ, nɛ mbee esiiza tɔ elyem bɔɔ di enyal mekpa ɛ Zɛɛb ɛ. Tin, mebhək mɛ tak kadi ɛ, ɔ̃awum.

23 Bɛdhiiti bot kadi ɛ dɔa mebhək nakwyit kɔ mbɛɛ bɔs ɛ. Bɛ ɛpegwak mekpa ɛ Zɛɛb, myaal ye nɛ lyem wat, bɛ kakɛ ɛ dɔa Zɛɛb kwyɛl ɛ. Tin, ye waawum ɛbuɛpe. Yak mekam-mɛlɛl, yak mekam-mɛtɛn nɛ ngɔt, yak dhet.»

Kana mbee bhek

24 Yezu zokabaalɛɛ bɛdhiiti kana sis: «Beeka dhiiti sonok di tyee ɛyon ɛ di tɔ gwoo ɛ: Dhiiti mot ngɔt naabɛ mbɛɛ mebhək tɔ pyeeb'ɛ.

25 Yak pum, ɛ sok bot ɛ dɛl djas nadi ɛ gɔ ɛ, wɔ gwaa dhiiti mot mebhuka mɛ zokazɛbɛ nyɛ mbee bhek tɔ pyeeb, nyɛ eezɛnɔɔ nyel sik.

26 Dáa mɛbhek nakawyeɛ ɛ, yɛ eezɛwum, mbee mɛbhek menek eebaazɛwyee yɛ.

27 Tin, bot ɛ mɛsa mɛ nakuma pyeeb tak é boozɛɛɛ nɛ kukuma yɔbɔ náá: “Ghɛɲ, wɔ nabɛ tɔ pyeeb'ɔ é mbɛɛ mɛbhek, etsal é? Ha yak mbee bhek kadus paa?”

28 Nyɛ é boozɛbɔɔza nɛ nɔɔ náá: “Ye é mot mɛbhuka é sa esesɛɛ binek.” Bhii tak, bot ɛ mɛsa é boozɛdji nyɛ náá: “Bis sa dáa, wɔ kwyɛl é, bis kedis embee mɛbhek menek é?”

29 Nyɛ eebaazɛbɔɔza nɛ nɔɔ náá: “Hoo! Aàbɛ! Etɛɛ náá, bi é kɛgu yɛ ɔɔ, bi é nɛ ghwyil ɛgu dɔɔ nɛ mbɛɛ mɛbhek lɔɔg wat nɛ yiizaag.

30 Deenek, betka náá, mɛbhek menek djas wyee lɔɔg wat, kɛkum dwoo yɛ aakabɛ náá, bi moo kedis ɛ. Tin, mɛ waalɛɛ nɛ bot aakedis ɔ náá, bɛ pookokan sok ɛdis ɛ mbee bhek, da bɛ é kɔl yɛ é di wat étɛp bɛ needik yɛ. Bhii tak ɛ bɛ aakasɛɛg mbɛɛ bhek, kwom kɔ tan'am.”»

Kana ba mɔɔ bhek na sikɛ-sikɛ bɛ di edjoo «mutaad ɛ»

31 Wɔ gwaa Yezu baazɛɛɛ bɛ yak kana sis, nyɛy náá: «Ɛyɔɲ ɛ di tɔ gwoo ɛ, ye é dáa bhek le di edjɛ bhum di edjóoaa mutaad ɛ† dhiiti mot nakɛbɛ pɛ tɔ pyeeb'ɛ ɛ.

32 Bhum mutaad é bhek na sikɛ-sikɛ dhaa mɛbhek djas di ebɛaa kɔ ɛko ɛ bɔs ɛ nɛ mɛtɔɔl. Tin, é ghɛɲ yɛ di ekwyil ɛ, mɛbɔk mɛ di edhaa ele e bok djas nɛ mɛbɔk. Ye kadi é, ye moo le di náá, enen ɛpebatazɛlɔo mɛk mɔɔ kɔ elɛɛ e tak.»

Kana leviid

† 13:31 bhek le di edjɛ bhum di edjóoaa mutaad ɛ le mutaad é boo le di kwyil tɔ bɔk ɛ.

³³ Yezu zokabaazɛɔdjɛ bɛdhiiti kana. Nyɛy nɛ nɔɔ nɔ́á: «Ɛyɔŋ ɛ di tɔ gwoo ɛ, ye é dɔ́a moma di enɔɔ ba mɔɔ deez pu leviid, sɛɛg nɛ bɛtɛ nɛ pu falin, ɛtɛp nyɛ neesa tsim mapa nɛ yɛ ɛ. Mɔɔ ɛwala bhii tak, tsim'enek djas kadi é, yɛ eezeghamta.»

Etɛp ee Yezu nadi elelyo bot tɔ ekana ɛ

³⁴ Mɛlyo mɛ Yezu nadyeebadjɛ mɛdhuu mɛ bot ɛ nabe-bɛ é tɔ ekana. Nyɛ nabe é ààdjɛ dhiiti mɛlyo, ààlɛɛ yɛ tɔ kana.

³⁵ Nyɛ nasesa deenek é, etɛɛ nɔ́á, sa bɛngooel ɛ mɛkpa ɛ Zɛɛb nalɛɛ é neebela ɛsuk. Ye nabe é bɛngooel ɛ mɛkpa ɛ Zɛɛb naake nɔ́á: «Mɛ waalii nɛ nen tɔ ekana. Tin, mɛ waalɛɛ bɛ esa ee nadi syela kana bɔs nakusel ɛ‡.»

Yezu eezɛlɛɛ ɛsuk ɛ kana mbee bhek

³⁶ Bhii tak, Yezu zokazɛɔdus tɔ ɛdhuu ɛ bot, nyɛ eezɛsik, tɔ pɛ ndjaa. Tin, bɛdjekel é boozɛzyɛ pɛ nyɛ nadi ɛ. Bhii tak, bɛ é boozɛke nɛ nɛ nɔ́á: «Lɛɛa bis ɛsuk ɛ kana mbee bhek tɔ pyeeb.»

³⁷ E di'enek, Yezu é boozɛni elɛɛ bɛdjekel bɛ nɔ́á: «Ye é Sɛɛŋɛlɛ Mɔn Mot ɛ di bɛ mbɛɛ mɛbhek.

³⁸ Pyeeb kwyɛl ɛlyaal é mɛdhik djas di kɔ bɔs ɛ. Mbɛɛ mɛbhek kwyɛl ɛlyaal é bot ɛ di ekɛ dɔ́a Ɛyɔŋ ɛ Zɛɛb di kwyɛl ɛ. Mbee bhek kalyaal é bot ɛ Mbee Mot.

³⁹ Mot mɛbhuka nazɛbɛ bhek ɔ, kabɛ é Dim mot mɛkɔŋ. Dwoo ɛkɛbɔk bhum kabɛ é esi ɛ bɔs, bot ɛ mɛsa kwyɛl ɛlyaal é efofop.

⁴⁰ Dɔ́a ye di nɔ́á, embee mɛbhek é waatsaalaa ɛtɛp ɛkɛmwasaa tɔ du ɛ, yɛ aabaazodi é deenek é esi ɛ bɔs.

41 Seeñele Møn Mot é waalwom efofop be, nye waadis to Eyon e le bot djas di ezem emyaal e bøn nyeg bɔɔ ɔ, zenɔɔ bot e mbee mesa.

42 Nye waamwas be to boo du di egoo na kɔm-kɔm e. Penek, bot ebupe aadi é to megwyé ne ekwaal e metsok.

43 Tin, bot e epiki é waakas to Eyon e Seeḡ'ɔɔ dāa gwyes. Ye be náá, bi é ne melo me egwak ɔɔ, gwakeka enyɔpe.»

Ekwom e epata di syela e ne esa e ghon

44 «Eyon e di to gwoo é dāa di ekwom e epata di syela to pyeeb e. Dāa dhiiti mot nakabela ye e, nye é boobaazesyel ye é di sis to pyeeb'enek. E di'enek, nye moo é to memyaala, ete náá, nye nadi ekwyel ekebɔmsa esa be djas étep nye neezebɔm pyeeb tak.

45 «Eyon e di to gwoo e baanɔñel é, ne mot di esaa esa e ghon étep nye neebɔmsa ɔ. Nye dyeebasan é tete esa e ghon na nyenyɔ-nyɔ.

46 Ye kabe náá, nye eebela yii na nyenyɔnyɔ dhaa besɔ djas ne boo metan ɔɔ, nye kakebɔmsa é esa be djas étep nye neezebɔm yii zaag na boo metan.»

Kana ewyet

47 «Eyon e di to gwoo e, baanɔñel é, ne ewyet be di ela to dii e. Ewyet e tak dyeebamet é ekɔkɔ besu djas.

48 Tin, ye be náá, ewyet eezelwood ɔɔ, belael e mewyet kadul ye e, zye ne ye pe kyiid, da be é nɔɔ menyel disi étep edis é besu é bel é ewyet e tak ɔ. Tin, be kabek be edi é bekak. Be nɔɔ betete, wa to mebɔɔl, ye kabe be na sike-sike ne embee e tak ɔ, be kamwas be é mwasak.

49 Esi e bɔs aadi é deenek: Zeeb é waadhis efofop be zewa mbek pak mbee bot ne bot e epiki.

⁵⁰ Etεε náá, mbee bot é waakelóoaa tó boo du na kóm-kóm. Tin, bot εbuεpe waadje megwye ne ekwaal e metsok.»

Mεvu me na bes ne yii na mwa

⁵¹ Yezu zokazεdji be náá: «Bi eemet εsuk e etεp binek é?» Bóó náá: «Iyoo»

⁵² Yezu é boozeke ne nóó náá: «Étεp tak é di náá: ghaa mekana me etsi djas di ekwos εdi djekel étεp Eyon e di tó gwoo ɔ, nye é dáa kuma mot di enóó ekwom e le pe tó mεvu me na mwa zenóó yii na bes ε.»

Bot e Nazaret àdmyaal Yezu

⁵³ Bhii Yezu nasilal elyo bot tó ekana binek ε, nye é boozenóó nyel, tó ye.

⁵⁴ Nye nató é pe dεl e nye nawyee kó tak ε. Nye moo tin elyo bot tó ndjaa mendjaala me eYuda. Tin, bot ε nadi egwak nye ɔ, naadyeebadjoka εbuεpe, be moo tin eke náá: «Nye kebela yak kwaambi etson ne mbi yak endem e mebwala paa?

⁵⁵ Mɔn'ak tok wak mɔn salpande? Ye tok Maali di wak nyeεg é? Zak be ne Zozεf, ne Simɔn, zenóó Yudas tok be dhyyeb é?

⁵⁶ Haa ye tok bekel mena ne be nóó di melu djas é di wat'aak é? Ha nye kebela yenek mebwala paa?»

⁵⁷ Egeka binek djas é nasa náá, εmyaal ne εbwaalel e bot binɔk djas dus kó Yezu. E di'enek, Yezu é boozeke ne nóó náá: «Ngooel-mεkpa e Zεεb dyeebaduwalaa é, pe kyee sis, áàbe pe kó dεl e nye nabyel kó tak ε, neghu tó ndjan'ε ne tó bil'ε.»

⁵⁸ Yezu nabe é àasa bεte ne endem e mebwala tin, étεp mεlyel me elyem bóó.

14

ɛsyee ɛ Zan̄ Nduuel-bot

¹ Ɛ ghɛŋ tak Ellood mot nadi mɛkoozi kɔ Yeluzalɛm ɔ, zokagwak menduk ɛ Yezu.

² Nyɛ ɛ boozɛke nɛ bot ɛ mɛsa mɛ nɔ́á: «Ye ɛ Zan̄ Nduuel-bot ɛ baagom ɛ gomak ɛ! Ɛtɛp tak ɛ nyɛ di nɛ ghwyil esa bɛtɛ nɛ yenek endem e mɛbwala.»

³ Nɛ tsɛɛtsɛ, ye nabɛ ɛ mɛkoozi Ellood naalwom nɔ́á, bɛ mɛt Zan̄, da bɛ ɛ kɔl nyɛ nɛ eghwooz. Bhii tak, bɛ naakɛwa nyɛ ɛ membok. Ye nabɛ ɛ ɛtɛp Elodiaad, mwaa tel Filip,

⁴ ɛtɛɛ nɔ́á, Zan̄ naake nɛ Ellood nɔ́á: «Dum nɛ etsi ɛ Moiiiz, ye ààgoka nɔ́á, wɔy dɛk Elodiaad* mwaa tel'ɔ!»

⁵ Ɛtɛp tak ɛ Ellood nakadi esaa dɔ́a nyɛ aasa ɛtɛp nyɛ neegó Zan̄. Nyɛ nadi ekaab ɛdhuu ɛ bot ɛ mbyak eYuda, ɛtɛɛ nɔ́á, bɔɔ djas nakeke ɛ nɔ́á, Zan̄ Nduuel-bot nabɛ ɛ ngoolel-mɛkpa ɛ Zɛɛb.

⁶ Tinaak, ɛ dwoo ɛbyon̄ ɛ Ellood di eduwal ɛbyel ɛlɛɛ ɛ, ɛsyɛs ɛ Elodiaad naabɔl ɛ mis mɛ bɛdjon̄ ɛ nadjóoaa ɛ ɛbyon̄ ɔ. Ellood naadyeebamyaala nɛ ko zɛŋ ɛsyɛs ɛ tak.

⁷ Tin, mɛkoozi Ellood ɛ booke nɛ ɛsyɛs ɛ mɔɔ moma yenɔk nɔ́á: «Myon̄ nɛ mɛson̄ mam! Waaba esa ee lyem'ɔ kwyɛl ɛ djas, mɛ waadjɛ wɔ!»

⁸ Ɛsyɛs ɛlenɔk zokazɛwaab sa nyɛɛg nalɛɛ nyɛ ɛ. Nyɛy nɔ́á: «Mɛ kwyɛl ɛ, wɔ djɛ mɛ nenak yak lo ɛ Zan̄ Nduuel-bot kɛla kɔ pɛt kongo na pyaaz!»

⁹ Wɔ gwaa, ye sa Mɛkoozi Ellood nyɛl «wɔyɔŋ» nɛ ghon̄. Tin, nyɛ nabɛ ɛ ààkabɛ nɛ tyee nyɛ pɛɛ, ɛtɛɛ

* **14:4** *Elodiaad* To etsi eYuda, mot nabɛ ààgoka nɛ ɛba mwaa mɔn nyɛɛg sonok mɔn nyɛɛg dinaa nɛ tsik.

náá, nyɛ naazetuwal myon nɛ mɛson mɛ é mis mɛ bɛdjon. Nyɛ é boozɛlɛɛ nɛ bot bɛ náá, bɛ djɛ nyɛ sa nyɛ nawaab ɛ.

¹⁰ Tin, nyɛ eezɛlwom dhiiti mot éteɸ nyɛ neekɛtsaal lo ɛ Zan Nduuel-bot pɛ nyɛ nadi tɔ membok ɛ.

¹¹ Wɔ gwaa, bɛ zokazyɛ nɛ lo ɛ Zan kɔ pɛt kongo na pyaaz, bɛ eezɛdjɛ ɛsyɛs ɛ mɔɔ moma yenɔk. Tin, ɛsyɛs ɛ tak é boonɔɔ yɛ, kɛdjɛ nɛ nyɛɛg.

¹² Tin, bɛdjekɛl ɛ Zan é boozɛnɔɔ muu'ɛ, kɛdel. Bhii tak, bɛ é boozɛtɔ kɛbanɔ Yezu etɛɸ djas nadhan ɛ.

Yezu naazɛdjɛ bot bɛmil ɛtɛn edee

¹³ Dáa Yezu nagwak etɛɸ binek djas ɛ, nyɛ é boodus tin, nyɛ eezɛni tɔ elɛɛd, tɔ, kɛsaa di ɛwala pɛ bot aadi áábee nyɛ ɛ. Ghuna ɛdhuu ɛ bot naagu ze nyɛ natɔ ɛ, wɔ gwaa, zukamwaa nɛ mot nadus pɛ mɛl mɛ nadi é engwoob tin ɔ, zɛdu nyɛ nɛ mɛko mbaka-mbaka nɛ dii.

¹⁴ Dáa Yezu nasul tɔ elɛɛd ɛ, nyɛ kabɛɛ é ɛdhuu ɛ bot binɔk, yɛ nabɛ ghon naasa nyɛ elyɛlɛpɛ. Nyɛ moo tin etsik bot mɛbɛ mɔɔ.

¹⁵ Dáa bɛ nabɛ náá, dwoo moo é bikoko ɛ, bɛdjekɛl é boozɛtiila pɛ daa lɛ. Bɔɔ nɛ nɛ náá: «Dwoo eezeleega. Tɔ kakon'ak, yɛ tok nɛ bɔɔ mɛl. Swaala bot bak éteɸ bɛ neekɛsaa edee pɛ bɔɔ mɛl mɛ di é engwoob'aak.»

¹⁶ Yezu é boozɛbɔɔza nɛ nɔɔ náá: «Yɛ ààgoka náá, bɛ swaalaa, djɛka bɛ edee biyɔ bɛ ɛmet!»

¹⁷ Tin, bɛ é boozɛkɛ nɛ Yezu náá: «Zuka nɛ sa bis di nɛ yɛ wak ɛ, yɛ é etsim e emapa etɛn nɛ bɛsu ɛbá.»

¹⁸ Yezu é boozɛkɛ nɛ nɔɔ náá: «Dhaka nɛ yɛ wak.»

19 E di'enek, nyɛ ɛ boozɛke nɛ mɛdhuu mɛ bot ɛ nadi tin ɔ nɔ́á, bɛ disi mendiindil kɔ bɔɔ eka e na bes. Bhii tak, Yezu ɛ boozɛnɔɔ emapa etɛn nɛ bɛsu ɛbá binek, nyɛ eezɛben mis pɛ ɛko, zɛghaapɛɛ Zɛɛb. Nyɛ eezɛpyak emapa, nɔɔ, djɛ bɛdjekɛl bɛ. Bɛdjekɛl ɛ boozɛnɔɔ yɛ, kaa, djɛ ɛdhuu ɛ bot ɛ nadi tin ɔ.

20 Mot nɛ mot naadɛ, djil. Wɔ gwaa, bɛdjekɛl baabula nɛ mɛbhubhwak mɛ emapa nɛ bɛsu ɛ nalik ɛ, ye naalwoodal mɛbhwaɔ kam nɛ ebá.

21 Bot ɛ nadɛ emapa nɛ bɛsu binek ɔ, nabɛ ɛ tyee botom bɛmil etɛn, ààkalaa mɛtanj mɛ boa nɛ bɔɔ dhɛɛb.

Yezu eezɛkɛ kɔ mɛdii

22 Batsa bhii tak, Yezu eezɛlwom bɛdjekɛl bɛ nɔ́á, bɛ ni tɔ elɛɛd, tsaal, tɔ pɛ yii kyiid boo soob na djato-djato. Tin, nyɛ eezɛlik ɛ ɛswaal ɛ zukamwaa nɛ bot binɔk pɛ mendjaa mɔɔ.

23 Bhii nyɛ nazeswaal bɛ ɛ, nyɛ ɛ boo zɛbyet kɔ ɛtsok ɛtɛp ɛkɛdjaala Zɛɛb. Dáa ye nabɛ nɔ́á, dwoo nabɛ ɛ yɛ eezɛsila ɛ, nyɛ nakalik tin ɛ nyɛ ɛmet.

24 Elɛɛd nabɛ ɛ ye moo ɛtsetaɛpe nɛ ɛbonj. Wɔ gwaa, boo ghuu zɛpupal kɔ dii, tin, bhuuge moo tin enyuna e elɛɛd, etɛɛ nɔ́á, pup nadi ebulal bɛ elɛɛd pɛ bhis.

25 Kuku pum, tɔ ghooghom, wɔ gwaa Yezu zɛsul kɔ dii, nyɛ moo tin edu bɛdjekɛl bɛ. Nyɛ nadi eke ɛ nɛ mɛko mɛ kɔ dii.

26 Dáa bɛdjekɛl bɛ nabɛ nyɛ eke kɔ dii ɛ, bwoo naasa bɛ ɛlyelɛpe. Bɔɔ nɔ́á: «Nwyak ɛ dim!» Bɛ moo tin ɛtsim nɛ bɛbɛbwol.

27 Batsa deenek, Yezu eezɛdjóo bɛ. Nyɛy nɔ́á: «Nàbɛmka ba. Saka mɛghaaz. Ye ɛ mam.»

²⁸ Dáa nyɛ nabee deenek ɛ, Pyɛɛd é boozɛke nɛ Yezu náá: «Ghɛɲ, yɛ bɛ náá, yɛ é tsɛɛtsɛ náá, yɛ é wɔy ɔɔ, kea náá, mɛ kɛ kɔ mɛdii, zyɛ pɛ wɔ di'enek.»

²⁹ Yezu é boozɛke nɛ nɛ náá: «Dha!» Tin, Pyɛɛd é boozɛwyis tɔ elɛɛd, sul kɔ dii. E di'enek, Pyɛɛd moo kɛ kɔ dii nɛ mɛko mɛ, etó pɛ kyee Yezu nadi é.

³⁰ Tinaak, dáa nyɛ nabee náá, ghuu naalyel pyep ɛ. Wɔ gwaa bwoo zɛsa nyɛ. E di tak wat, nyɛ moo ediida tɔ dii, nyɛ é boozɛtsim ɛlyelɛpɛ náá: «Ghɛɲ, tsika mɛ!»

³¹ E di tak wat, Yezu é boozɛsɛɛb mbɔ, wɔ gwaa, nyɛ zokamɛt Pyɛɛd, nyɛ é booke nɛ nɛ náá: «Étɛp yé wɔ bɛ mɛso? ɛmyaal ɛ lɔ ààdyeebabɔk.»

³² Bhii tak, bɔɔ djas bebá eezɛgo tɔ elɛɛd. Tin, ghuu yenek eezɛsila.

³³ Tin, bɛdjekɛl ɛ nadi tɔ elɛɛd ɔ, zokazyɛ, zɛkwyt mɛbɔɲ si mɛko ɛ Yezu. Bɔɔ nɛ nɛ náá: «Yɛ é tsɛɛtsɛ náá, wɔ é Mɔn Zɛɛb!»

Tsik mɛmbɛl pɛ kyee dik Ghenezalɛt

³⁴ Bhii bɛ nasɛɛ dii ɛ, bɛ é boozɛtó pɛ kyee dik Ghenezalɛt.

³⁵ Dáa bɛ nakum é di'enek ɛ, wɔ gwaa, bot ɛ dɛl ɛ tak zokazɛgwyak Yezu. Tin, lɛɲ ɛ ɛkum ɛ Yezu zokadjala mɛl djas, wɔ gwaa, bɛ zokazyɛ nɛ mɛmbɛl djas bɛ nadi nɛ nɔɔ ɛ.

³⁶ Bot ɛ tak é boozɛdjaala nɛ Yezu náá, nyɛ bet mɛmbɛl djas, bɔɔ bɛ ɛmɛt zokee-keeak ɛlɔ ɛ nd-jookuwa yɛ. Tin, bot djas namɛt nyɛ ɔ nabɛ é bɛ naatsak.

15

Etsi ee bebhaab bina nalik ɛ

¹ Dhiiti dwoo eFalizye ne begħan ɛ mɛkana mɛ etsi naadus pɛ Yeluzalɛm zɛboma ne Yezu, bɛ ɛ boozɛdji nyɛ nɔ́á:

² «Étɛp yé bɛdjekel bɔ di ààduwal etsi e bɛbhaab bina nalik ɛ? Etɛɛ nɔ́á, bɔɔ bɛ ààgwyii mɛmbɔ, bɛ di nɔ́á, bɛ moo dɛ edee ɔ.»

³ Yezu ɛ boozɛbɔɔza ne nɔɔ nɔ́á: «Étɛp yé bi di ààkɛ dɔ́a etsi e Zɛɛb di lɛɛ ɛ? Bi kwyɛl ɛkɛ ɛ dɔ́a etsi e mbyak'en di elɛɛ ɛ!

⁴ Etɛɛ nɔ́á, Zɛɛb ke ɛ nɔ́á: “Dila soog ne nyoog. Mot ɛ di ekal sɛɛg ne nyɛɛg ɔɔ, nyɛ goka ɛ ne esyee.”

⁵ Yɛ kabɛ biyɔ ɔ, bi lyo bot ɛ nɔ́á, mot ɛ ne ghwyil elɛɛ ne sɛɛg ne nyɛɛg nɔ́á: “Esa ee mɛ waakwyee bin ne ye ɛ, mɛ eenɔɔ kɛdɛ étɛp etuud ɛ Zɛɛb ne ye.”

⁶ Mot ɛ ke deenek ɔɔ, nyɛ tok ne gwyɛs ɛkwyee sɛɛg ne nyɛɛg. E di'enek, bot ɛbuɛpɛ ɛpɛsa nɔ́á, mɛkpa ɛ Zɛɛb zɛhoola, étɛp esa ne ɛduwal etsi bin biyɔ bɛ ɛmet.

⁷ Bot ɛ mɛdɔ́haaz pɛ ɛko, bħimis pɛ si! Ngoolel-mɛkpa ɛ Zɛɛb Ezayi nabɛ ɛ ne għam ne nyɛ ne ke nɔ́á:

⁸ “Bot ɛ mbyak'ak duwal mɛ ɛ duwela mɛkɔŋ, elyem bɔɔ ɛ pɛ kyee sis.

⁹ Zɛɛga mɛndjaala mɔɔ, ye ɛ yii toto ɛ mis mam, etɛɛ nɔ́á, mɛlyo mɛ bɛ di elyo ɛ mɛlyo mɛ epuud*.”»

Mɛlyo dum ne esa ee di epul mot ɛ

¹⁰ Wɔ gwaa Yezu zokazɛdjoo ɛdhuu ɛ bot, nyɛ ɛ boozɛkɛ ne bɔɔ djas nɔ́á: «Biyɔ djas, gwakeka mɛ, da bi ɛ mɛt sa mɛ di elii'aak:

* 15:9 Eza 29.13

¹¹ Ye tok sa mot di ewa tɔ nuub'ɛ ɛ, di epul mot ɛ mis ɛ Zɛɛb ɛ. Ye ɛ sa wyis tɔ nuub ɛ di epul mot tak ɛ mis ɛ Zɛɛb.»

¹² Tin, bɛdjekɛl ɛ boozyɛ, zɛɛɛ Yezu nɔ́á: «Wɔ nɛ gu nɔ́á, ɛtɛp ɛɛ wɔ lii'enek eedyeebakpaa eFalizyɛ tɔ elyem ɛ?»

¹³ Nyɛ ɛ boozeɛbɔɔza nɛ nɔɔ nɔ́á: «Mɛbhek djas di nɔ́á, ye tok Saag'am di tɔ gwoo ɛ nabe ɛ, ye aadi ɛ guaa.»

¹⁴ Yezu ɛ boozeɛke nɔ́á: «Betka bɛ. Ye ɛ bɛ na edhim ɛ di edjɛɛd bɛɔɔ bɔɔ bɛ na edhim. Tin, ye nyɔ bi ɛ gu nɔ́á: Ye bɛ nɔ́á, ye ɛ mot edhim ɛ di edul sɔ mot edhim ze ɔɔ, ɛsik ɛ tak ɛ nɔ́á, bɔɔ djas ɛ waadjoola tɔ guk.»

¹⁵ Tin, Pyɛɛd ɛ boozeɛke nɔ́á: «Lɛɛa bis sa ekana binek di ekwyɛl ɛɛɛ ɛ.»

¹⁶ Yezu ɛ boozeɛbɔɔza nɔ́á: «Dɔɔ nɛ biyɔ pe, bi tok nɛ etson ɛtiibal ɛ?»

¹⁷ Bi ààgu nɔ́á, esa djas mot di ewa tɔ nuub ɛ, dhan ɛ tɔ mɔ ye. Bhii tak, ye kakɛwyis ɛ tɔ ɛbyeɛd ɛ?»

¹⁸ Bhii tak, nyɛ eeaaazɛke nɔ́á: «Sa di ewyis tɔ nuub mot ɛ ààpul ɛɛɛ e mot. Ye ɛ sa di edus tɔ lyem ɛ di epul ɛɛɛ e mot.

¹⁹ Etɛɛ nɔ́á, embee egeka dus ɛ tɔ lyem mot. Ye ɛ esiiza ɛ di elwom bot nɔ́á, bɛ gó bot, bɛ sa mɛzɔ, bɛ sa mɛpam, bɛ djii, nɛ ɛsu bɔn nyɛɛg bɔɔ ɛtɛp nɛ mɛbhekɛl.

²⁰ Yenek ɛ esesɛɛ ɛɛ di epul ɛgwakɛl pak bot nɛ Zɛɛb ɛ. Ye kabɛ tɛp ɛɛɛ edee ààgwyii mɛmbɔ ɔ, ye ààpul mot ɛ mis mɛ Zɛɛb.»

Ndjon moma eedum kon nɛ Yezu

21 Yezu zokadus tin, tɔ pɛ kyee dik eghaada Tiid nɛ Sidɔn.

22 Dhiiti moma dɛl ɛ Kanan nadidi kɔ kyee dik ɛ tak ɔ, zokazyɛ pɛ daa lɛ, nyɛ moo tin etsim nɔ́á: «Ghɛɲ, Mɔn Dhavid, geka mɛ ghon, dhiiti kwaambi mbee sisim ɛpedhek mɔn ɛsyɛs ɛ lam, nyɛ tok ɛnyɔɛpe!»

23 Tin, Yezu gwyem'enek, àabis moma tak. Wɔ gwaa bɛdjekɛl bɛ zokazɛkɛ nɛ Yezu nɔ́á: «Sɔa nyɛ, ɛtɛp nyɛ ɛpedu mena nɛ etsim lookɛbok mos.»

24 E di'enek, Yezu ɛ boozɛbɔɔza nɔ́á: «Mɛ nadhisaa ɛ, kɔ ɛsu ɛ bot ɛ mbyak Yisalaɛl di bɛ eezediib dɔ́a bɔɔ ebhata ee di ààbɛ nɛ mbaalel ɔ.»

25 Tin, wɔ gwaa moma yenɔk zɛkwyt mɛbon si meko ɛ Yezu. Nyɛ ɛ boozɛkɛ nɛ nɛ nɔ́á: «Ghɛɲ, kwyɛɛa mɛ!»

26 Yezu ɛ boozɛbɔɔza nɛ nɛ nɔ́á: «Yɛ àànyɔ nɔ́á, bɔn bɛbhyɛ djɛaa emapa di nɔ́á, ye ɛ yii bɔn bot ɛ.»

27 Wɔ gwaa moma yenɔk baazɛpesal nɔ́á: «Wɔ ɛ nɛ gham, Ghɛɲ! Tin, bɛbhyɛ aazodedɛ ɛ bɔɔ eghutu-ghutu emapa dyeebakwyit ɛ mesa kukuma yɔɔ ɛ.»

28 Tin, Yezu eezɛkɛ nɛ moma yenɔk nɔ́á: «Hee moma! ɛdum ɛ kon ɛ lɔ nɛ Zɛɛb nɛ bɔk. ɛtɛp tak ɛ Zɛɛb ɛ waadjɛ wɔ sa lyem'ɔ di ekwos ɛ.» E di tak wat, wɔ gwaa mɔn zokatsak.

Yezu eezɛtsik mɛmbɛl ɛbuɛpɛ

29 Bhii tak, Yezu eezɛdus tin, nyɛ eezɛtɔ pɛ ɛbon ɛ boo soob na djato-djato Ghalile. Nyɛ eezɛbyet kɔ mɔɔ ɛtsok, nɔɔ nyɛl, disi.

30 Bot mɛdhuu-mɛdhuu zokazyɛ nɛ bot ɛ edjam, bot ɛ edhim, eboka e bot, ebubu e bot, nɛ bɛtɛ nɛ mɛmbɛl. Bɛ eezɛsil bɛ sok bhwoob'ɛ. Tin, Yezu zokazɛtsik bɛ.

³¹ Edhuu ɛ bot naadyeebadjoka dɔ́a bɛ nadi ebee ebubu moo lii ɛ, bot ɛ edjam nɛ eboka moo kɛ ɛ, bot ɛ edhim moo nyaa sok ɛ. Bɛ moo tin eduwal Zɛɛb Yisalaɛl.

Yezu eezɛdʒɛ bot bɛmil ɛna edee

³² Yezu eezɛdjoo bɛdjekel bɛ. Nyɛ ɛ booke nɛ nɔɔ náá: «“Ha” kpaa-ghon nɛ edhuu ɛ bot bak e! Mena nɛ bɛ nɔɔ moo mos ɛ melu melɛl e di wat. Bɛ tokapɛ nɛ edee e dek. Mɛ tok nɛ ghwyil ɛswaal bɛ pɛ mendjaa mɔɔ tɔ emɔ toto, bɛ waazuk, ze ɛ ze.»

³³ Tin, bɛdjekel bɛ ɛ boozɛke nɛ nɛ náá: «Mena aabela edee ee edhuu ɛ bot bak djas aadɛ, djil nɛ yɛ ɛ paa? Menabɛl ɛ dika kuku kakon'aak?»

³⁴ Yezu eezɛdʒi bɛ náá: «Bi ɛ nɛ emapa edhen?» Bɛ ɛ boozɛbɔɔza náá: «Eten nɛ ebá nɛ ba bɔɔ bɛsu.»

³⁵ Nyɛ ɛ boozɛlɛɛ nɛ edhuu ɛ bot náá, bɛ disi ɛ bɔs.

³⁶ Bhii tak, nyɛ eezɛnɔɔ emapa eten nɛ ebá nɛ bɛsu binek zɛghaapɛɛ Zɛɛb. Bhii tak nyɛ eezɛpyak yɛ ebil-ebil. Nyɛ eezɛnɔɔ yɛ náá, dʒɛ bɛdjekel bɛ, bɛ neekaa bot djas.

³⁷ Mot nɛ mot naadɛ, djil. Bɛdjekel bula nɛ yii nabwak ɛ. Mɛbhubhwak naalwoodal bɛbhwan ɛten nɛ ebá.

³⁸ Bot ɛ nadɛ ɔ, naakum bɔtom bɛmil ɛná (4 000), ààlaa-lanjak boa nɛ bɔɔ dhyeeb.

³⁹ Bhii tak Yezu ɛ boozɛswaal bot ɛ tak bɛ sik pɛ mendjaa mɔɔ. E di'enek wat, nyɛ eezɛni tɔ elɛɛd, bɛ nɛ bɛdjekel bɛ zokazɛtɔ pɛ kyee dik Maghadan.

16

Efalizyɛ nɛ eSaduseɛ ɛpesaa dhiiti ndem mɛbwala aadus pɛ tɔ gwoo ɛ

¹ EFalizyɛ nɛ eSaduseɛ naazyɛ pɛ dǎa Yezu ɛtɛp ɛsan ɛ ɛlɔɔ ɛ nyɛ pɛ ɛko, da ɛ bwood nyɛ pɛ kiyɛ. Bɛ eezɛke nɛ nɛ nǎǎ, nyɛ lyaal bɛdhiiti ndem mɛbwala di edus pɛ tɔ gwoo ɛ.

² Yezu ɛ boo kabulal bɛ dǎak: «Dwoo ɛ sila ɔɔ, bi ke ɛ: “Yɛ aadi ɛ, mbɛɛ dwoo, etɛɛ nǎǎ, gwoo moo ɛ tɔɔbelaa.”

³ Kɛɛɲ tɔ mɛlem, bi dyeebake ɛ: “Bhi ɛ waanee mos, etɛɛ nǎǎ, gwoo ɛ tɔɔbelaa.” Bi nɛ gu ɛbɛk embi e gwoo; ghuna bi ǎǎgu ɛbɛk embi e endem di edhaa mɛlu mak ɛ.

⁴ Biyɔ, bot ɛ mɛlu mak, bi ɛ bɛmbɛɛ ɛ bot, bot ɛ di ǎǎbɛ sosoob ɛ mis mɛ Zɛɛb ɔ. Bi kasan ɛ endem e mɛbwala. Yɛ aanǎkwaadjɛaa bin bhis yɛ Yonas nasael ɛ.» Bhii tak, nyɛ eezɛbet bɛ, zɛtɔ.

Leviid e eFalizyɛ nɛ eSaduseɛ

⁵ E di bɛdjekel nadhaa pɛ yii kyiid soob ɔ, bɛ eezɛdjisa ɛnɔɲ ɛ emapa.

⁶ Yezu ɛ boolɛɛ bɛ nǎǎ: «Dika nɛ etson, da bi ɛ kyee leviid e eFalizyɛ nɛ eSaduseɛ di nɛ yɛ ɛ.»

⁷ Bɛdjekel moo tin ɛ nyiɲɲɛla pak'ɔɔ nǎǎ: «Nyɛ lii deenɛk ɛ, etɛɛ nǎǎ, mena ǎǎpanɔɔka emapa.»

⁸ Yezu eezɛgu sa bɛ nadi enyiɲɲɛla ɛ. Nyɛ ɛ boozɛdji bɛ nǎǎ: «Ɛtɛp yɛ bi di elii pak'en: Yɛ ɛ etɛɛ nǎǎ, mena tok nɛ mapa ɛ? Dǎa ɛbwaalel ɛ len nɛ Zɛɛb di batsa ɛ!

⁹ Bi dinaa ǎǎpaamet ɛsuk, bi tok nɛ ghwyil ɛtaala emapa etɛn mɛ nakaa botom bɛmil ɛtɛn yɛ ɛ, dɔɔ nɛ bɛtɛ nɛ mɛbhwaɛ bi nabula nɛ yɛ ɛ?

¹⁰ Bi tok nɛ ghwyil ɛtaala emapa etɛn nɛ ebǎ mɛ nakaa bot bɛmil ɛna yɛ ɛ, nɛ bɛtɛ nɛ bɛbhwan ɛ bi nabula nɛ yɛ ɛ?

¹¹ Etɛp yɛ bi di ààgu náá, mɛ bɛ é ààlii nɛ nen étɛp emapa é sok mɛ lii nɛ nen ɛ? Mɛ ke é náá: “Kyeeka emapa eFalizye nɛ eSaduseɛ”.»

¹² E di tak, bɛdjekɛl eezɛgu náá, nyɛ nabɛ é ààke náá, bɛ kyee leviid di waaa tɔ emapa ɛ. Ghuna ye nabɛ é mɛlyo mɛ eFalizye nɛ eSaduseɛ.

Pyɛɛd eezɛɛ náá, Yezu é Mɛsia

¹³ Yezu zɛkum kɔ bɔs ɛ Sezaad ɛ Filip. Nyɛ é boozɛdji bɛdjekɛl bɛ náá: «Bot ke dǎa dum nɛ Sɛɛɛɛlɛ Mɔn Mot?»

¹⁴ Bɛ eezɛbɔɔza nɛ nɛ náá: «Bɛdhiiti ke é náá, wɔ é Zan Nduuel-bot, bak náá, wɔ é Eli. Bɛdhiiti kabaake é náá, wɔ é Zelemi nɛghu dhiiti ngooel-mɛkpa ɛ Zɛɛb.»

¹⁵ Yezu é boozɛdji bɛ náá: «Haa! Biyɔ, bi ke náá, mam é zɛ?»

¹⁶ Tin, Simɔn Pyɛɛd zɛbɔɔza náá: «Wɔ é Mɛsia, Mɔn Zɛɛb di nɛ tsik na kɔm-kɔm ɔ.»

¹⁷ Yezu é boozɛke nɛ nɛ náá: «Mɛnyɔ nɛ nɔ, Simɔn mɔn Zan, etɛɛ náá, ye tok mot epuud zetel wɔ yenek etɛɛtsɛ, gua náá ye é Saag'am di tɔ gwoo ɔ.

¹⁸ Yɛ bɛ mam ɔ, mɛ epɛɛɛ wɔ, wɔy Pyɛɛd wɔ ɛkok, kɔ ɛkok ɛ tak é mɛ aakus di zɛɛga ndjaa mendjaala mam. ɛsyee aanàkwaakwak yɛ.

¹⁹ Mɛ waaboodjɛ wɔ bɛsap ɛ ndjaa ɛyon ɛ di tɔ gwoo ɛ. Sa wɔ aalu kɔ bɔs ɛ, yɛ waaluel tɔ gwoo. Sa wɔ aadjɛ ze kɔ bɔs ɛ, ze é waadjɛel tɔ gwoo.»

²⁰ Bhii tak, Yezu eezɛlu bɛdjekɛl bɛ náá, sa bɛ ààɛɛ mot náá, nyɛ é Mɛsia.

Yezu eezɛɛɛ ɛsyee ɛ lɛ nɛ ɛgom ɛ lɛ

²¹ E di'enek, Yezu moo zɛɛɛ nɛ bɛdjekɛl bɛ náá: «Ye goka é náá, mɛ tɔ pɛ Yeluzalɛm, étɛp mɛ

neekɛzuk ɛbuɛpe ɛ mɛmbɔ mɛ bɛpaa eYuda, bɛ nɛ eboo bɛghaa-Zɛɛb, zɛnɔɔ bɛghan ɛ mɛkana mɛ etsi. Bɛ waagó mɛ, bhii melu mɛlɛl, mɛ waagom.»

²² E di'enek, Pyɛɛd eezɛdul nyɛ ɛ ngwoob bɛ nɛ nɛ bɛbá, nyɛ moo djɛ nyɛ mɛbɛ: «Zɛɛb baal wɔ, Ghɛɛ! Yenek aanàkwaakosael.»

²³ E di'enek, Yezu eezɛbhɛm nyɛ. Nyɛ nɛ Pyɛɛd náá: «Dusa! Tɔa ɛtsetɛpe nɛ nam, Satan! Wɔ ɛ ɛbɛk ɛ ze yam, ɛtɛɛ náá, esiiza bɔ tok dáa yii Zɛɛb, gua náá, yɔ esiiza ɛ yii bot.»

²⁴ Bhii tak, Yezu ɛ boozɛke nɛ bɛdjekɛl bɛ náá: «Mot ɛ ke náá, nyɛ aazyɛ bis nɛ nɛ ɔɔ, nyɛ bet esiiza ɛtɛp nyɛl'ɛ, nyɛ bɛp mɛlaaba mɛ, da nyɛ ɛ du mɛ.

²⁵ Etɛɛ náá, mot di ekwyɛl ɛtsik ɛ nyɛl'ɔ ɔ, nyɛ ɛ waasu nyɛl'ɛ. Ghuna mot aasu nyɛl'ɛ ɛtɛp'am ɔ, nyɛ waabela yɛ!

²⁶ Duma yɛ mot aadi nɛ yɛ, nyɛ bela dik djas, da nyɛ ɛ kasu ɛ tsik'ɛ ɔ? Ye ɛ nɛ dhiiti sa mot aadjɛ ɛtɛp ɛbɔm ɛ tsik'ɛ? Mam ààbee!

²⁷ Ye ɛ deenek ɛ Sɛɛɛlɛ Mɔn Mot aazyɛ tɔ duma Sɛɛg, bɛ nɛ efofop bɛ. E di'enek ɛ nyɛ aadjɛ mot nɛ mot efute mɛsa mɛ tyee nyɛ nadi eke ɛ.

²⁸ Mɛ lɛɛ bin ɛ ɛtɛp e tɛɛtɛ náá, bɛdhiiti bot ɛ di wak ɔ, bɛ aanàkwaagwyɛ ɛsok nɛ bɛ nɛ bee Sɛɛɛlɛ Mɔn Mot ezyɛ tɔ Mɛkoozi mɛ.»

17

Yezu eeswoola bhwoob

¹ Melu mɛtɛn nɛ wat bhii tak, Yezu naanɔɔ Pyɛɛd, Zak nɛ Zan mɔn nyɛɛg ɛ Zak. Nyɛ naazɛtɔ nɛ nɔɔ kɔ vyɛɛg-vyɛɛg ɛtsok ɛ di tak bɛ nadi ɛ bɔɔ bɛmet.

² E di'enek, wɔ gwaa Yezu zɛswoola bhwoob ɛ mis mɔɔ. Bhwoob'e moo tin ɛkasɛpe dɔ́a gwyɛs, ekaad bɛ moo ɛkasɛpe dɔ́a dwoɔ.

³ E di tak wat, bɛdjekel bɛ eezɛbee Moiiiz nɛ Eli elɛɛ elɛɲ bɛ nɛ Yezu.

⁴ Wɔ gwaa Pyɛɛd zokazɛke nɛ Yezu náá: «Ghɛɲ, ye goka ɛ náá, mena di wak. Wɔ kwyɛl ɔɔ, mɛ ɛ sum epɛt elɛl: wat yɔ, yak yɛ Moiiiz, yak wat kadi ɛ, yɛ Eli.»

⁵ Dɔ́a nyɛ nadi nyɛ dinaa elii ɛ, wɔ gwaa eguud na kas-kas zɛdipal bɛ. Bhii tak, gwood zokazɛgɛk náá: «Yɛnɔk ɛ mɔn'am mɛ dyeebakwyɛl ɔ, ye ɛ nyɛy ɛ mɛ natɔ. Gwakeka nyɛ!»

⁶ E di bɛdjekel nagwak gwood'enek ɛ, bwoo naazɛsa bɛ elyɛɛpe, wɔ gwaa bɛ zɛkwyit mɛbon mɔɔ, bhwoob si.

⁷ Yezu naazɛtiila pɛ daa lɔɔ, nyɛ eezɛmɛt bɛ. Nyɛy nɛ nɔɔ náá: «Wyɛlka. Nàdika nɛ bwoo.»

⁸ Tin, bɛ nakaben mis ɛ, bɛ nabɛ ɛ ààkabɛɛ dhiiti mot bhii Yezu nyɛ ɛmɛt.

⁹ Dɔ́a bɛ nadi ewyɛɛd ɛtsok ɛ, Yezu naazɛke nɛ nɔɔ náá: «Sa mot ààlɛɛ mot esɛsɛɛ mɛbwala mɛ bi bee ɛ. Baalka yɛ kɛkum dwoɔ Sɛɛɲɛlɛ Mɔn Mot aagom bhis ɛsyɛɛ ɛ.»

¹⁰ Bhii tak, bɛdjekel naazɛdji Yezu náá: «Étɛp yɛ bɛghan ɛ mɛkana mɛ etsi dyeebake náá, Eli ɛ kwaaleezyɛ ɛsok?»

¹¹ Nyɛ naazɛbɔɔza nɛ nɔɔ náá: «Ye ɛ deenek. Eli ɛ di egoka nɛ ɛzyɛ sok étɛp ɛzɛkoobal etɛp djas.

¹² Gwakeka, mɛ lɛɛ bin ɛ náá, Eli eezezyɛ, bot ààpagwyak nyɛ. Bɛ kasa nyɛ ɛ, dɔ́a elyem bɔɔ di ekwyɛl ɛ. Ye ɛ deenek ɛ, bɛ aatiig Sɛɛɲɛlɛ Mɔn Mot.»

13 E di'enek, bɛdjekel naazɛgu náá, nyɛ nalii nɛ nɔɔ ɛ dum nɛ Zan Nduuel-bot.

Yezu eezɛtsik mɔn nadi nɛ ɛbɛ ɛ djem ɔ

14 Dáa bɛ nakum ɛ di ɛdhuu ɛ bot nadi ɔ, wɔ gwaa mot ngɔt zokazyɛ ɛ bhaaz ɛ Yezu, zɛkwyit mɛboŋ si mɛko mɛ.

15 Nyɛy náá: «Ghɛŋ, geka mɔn'am ghon, nyɛ ɛ nɛ ɛbɛ ɛ djem. E sok ye dyeebamɛt nyɛ ɛ, ye nɛ lwak nyɛ, kɛghɛɛg nyɛ tɔ du, ɛ dhiiti ɛwala, ye ghɛɛg nyɛ ɛ tɔ dii.

16 Mɛ naazyɛ nɛ nɛ pɛ daa bɛdjekel bɔ, bɛ nabe ɛ ààkwak ɛtsik nyɛ.»

17 E di'enek, Yezu naazɛkim ɛlyelɛpe, nyɛy nɛ nɔɔ náá: «Biɔ bɛmbɛɛ ɛ bot di ààdum koŋ nɛ Zɛɛb ɔ! Membu medhen mɛ aabaadi di wat nɛ nen sama? Mɛ baamaad bin, kɛkum yaa ɛlu? Dhaka mɛ nɛ mɔn'enɔk wak.»

18 Tin, wɔ gwaa Yezu zɛbɛm mbee sisim. Mbee sisim tak naazɛwyis tɔ mɔn'enɔk. E di'enek wat, mɔn'enɔk naazɛtsak.

19 E di'enek, bɛdjekel eezɛtiila ɛ bhaaz ɛ Yezu nyɛy nyɛ ɛmet, bɛ eezɛdji nyɛ náá: «Étɛp yɛ bisɔ nadi ààkwak ɛsɔ mbee sisim'enek?»

20 Yezu eezɛbɔɔza nɛ nɔɔ náá: «Étɛp náá, ɛdum ɛ koŋ ɛ len nɛ Zɛɛb nɛ tɔɔl. Mɛ lɛɛ bin ɛ etɛp e tɛɛtɛ náá: Bi ɛ pɛ di nɛ ɛdum ɛ koŋ nɛ Zɛɛb ɛbɔkɛpe dáa bhek le mutaad ɔ, pɛ bi ɛ nɛ ghwyil ɛke nɛ ɛtsok ɛlak náá: “Dusa wak. Tɔ penek,” pɛ yɛ waadus. Tin, pɛ yɛ tok nɛ sa wat aadi nɛ ghwyil dhaa bin.

[

21 Guka náá, ye ɛ nɛ ghwyil mendjaala nɛ ɛtsi ɛ edee ɛ wɔ aadis mbi yenek embee esisim.]]»

Yezu eebaalee náá, nye waagwye, da nye é baagom

²² Dwoo wat, bedjikel eezedi é di wat pɛ Ghalile. Tin, Yezu eezelɛɛ bɛ náá: «Sɛɛɲɛɛ Mɔn Mot é waakaaa é mɛmbɔ mɛ bot.

²³ Bɛ waagó nye, mɛlu mɛlɛl bhii tak, nye waagom.» Tin, ghoɲ naazɛmɛt bedjikel dhaa nyel.

Lapo Ndjaa-ebuwa ɛ Zɛɛb

²⁴ E ghɛɲ Yezu nɛ bedjikel bɛ nakum pɛ ghaada Kapɛlnaum ɛ, bɛnɔɲɛɛ ɛ epata e lapo Ndjaa-ebuwa zokazyɛ pɛ kyee Pyɛɛd nadi é. Bɛ é boozɛdji nye náá: «Lyɔel yɛn àatuud lapo Ndjaa-ebuwa?»

²⁵ Pyɛɛd ɛ naazɛbɔɔza náá: «Hee, nye nɛ tuud.» E ghɛɲ Pyɛɛd nani tɔ ndjaɲ ɛ, Yezu nadi é mot mɛkɛn elii. Nyɛy náá: «Wɔ gek dáa, Simɔɲ? Ɛzɛ di egoka nɛ ɛtuud lapo nɛghu bedhiiti etuud pɛ dáa bɛmɛkoozi mɛ bɔs'ak? Ye é bot ɛ dɛl “ohoo” nɛghu ye é bedjɔɲ?»

²⁶ Pyɛɛd é boozɛbɔɔza nɛ Yezu náá: «Ye é bedjɔɲ.» E di'enek, Yezu eezɛpesal náá: «Wɔ bee ɔɔ, bot ɛ dɛl àagoka nɛ ɛtuud lapo.

²⁷ Ye é, etɛɛ náá, mena é zɛkɛdhusal bot binɔk. E di tak, Tɔa pɛ boo soob na djato-djato. Lóoa ngwyep tɔ dii, nɔɲa su mɛkɛn wɔ aabela ɛ, da wɔ é dii nuub'ɛ, wɔ waabela pata aagoka nɛ ɛtuud ɛ lapo yam nɛ yɔ ɛ. Nɔɲa yɛ, da wɔ é tuud mena yɛnabel lapo.»

18

Ye é ɛzɛ di boo-mot tɔ Ɛyɔɲ ɛ di tɔ gwoo ɛ?

¹ E ɛwala elenek, bedjikel naazɛtiila é bhaaz ɛ Yezu, bɛ naazɛdji nye náá: «Ye é ɛzɛ di boo-mot tɔ Ɛyɔɲ ɛ di tɔ gwoo ɛ?»

² E di'enek, wɔ gwaa Yezu zɛdjoo mɔɔ dhyeeb, zɛtel nye ɛ mis mɔɔ.

³ Nyɛy nɛ nɔɔ nɔɔ: «Mɛ lɛɛ bin ɛ etɛp e tɛɛtɛ nɔɔ: Bi ɛ di ɔɔswoola mɛfulu men, da bi ɛ di dɔɔ bɔɔ dhyeeb ɔɔ, bi aanɔkwaani tɔ ɛyɔɔ ɛ di tɔ gwoo ɛ.

⁴ Boo-mot tɔ ɛyɔɔ ɛ di tɔ gwoo ɔ, ye ɛ mot di esil nyel'ɛ, da nye ɛ di dɔɔ mɔn'ak ɔ.

⁵ Mot ɛ be ɛnyɔɛpe mɔɔ dhyeeb dɔɔ mɔn'ak kɔ ɛsu ɛ din ɛ lam ɔɔ, nye be ɛ mam.»

Edulaa mɛɔ kɔ ɛsu ɛ ekwyesal ɛ bot tɔ mesyem

⁶ «Mot aakwyesal mɔn ngɔt tɔ sama bɔn zedum koɔ nɛ nam tɔ mesyem ɔɔ, ye goka ɛ nɔɔ, be tinɔl nye boo ɛkok ɛ tsuɔ. Bhii tak, da be ɛ lɔo nye tɔ boo dii mɛɔn, da nye ɛ diida kekum pɛ si.

⁷ “Haa” kpaa-ghon nɛ bot ɛ di kɔ bɔs ɔ, etɛɛ nɔɔ, mɛbɛk mɛ di ekwyesal bot tɔ mesyem ɔ nɛ bu! Ye tok nɛ ghwyil ɛdi ɔɔbɛ. Tin, “haa” kpaa-ghon nɛ mot aadi mɛbɛk menek ɔ.

⁸ Yɛ be nɔɔ, ye ɛ, mbo'ɔ, nɛghu ko'ɔ ɛ di esa nɔɔ, wɔ gheekwye-kwye tɔ mesyem ɔɔ, tsaala ye, da wɔ ɛ mwas ye etsetaɛpe nɛ nɔ. Ye goka ɛ nɔɔ, wɔ ni tɔ mbɛɛ tsik nɛ tsaala mbɔ, nɛghu tsaala ko, ɔɔbɛ nɔɔ, wɔ baal mɛmbɔ mɛmbɔ nɛ mɛko mɛmbɔ, bhii tak, wɔ kakɛmwasaa ɛ tɔ du na kɔm-kɔm.

⁹ Yɛ be nɔɔ, dis ɛ lɔ, di esa nɔɔ, wɔ kwye, tɔ mesyem ɔɔ, piida ye, da wɔ ɛ mwas ye etsetaɛpe nɛ nɔ. Ye goka ɛ nɔɔ, wɔ ni tɔ mbɛɛ tsik nɛ tiila dis, ɔɔbɛ nɔɔ, wɔ baal mis mɛmbɔ mɔ, bhii tak, wɔ kakɛmwasaa ɛ, tɔ du na kɔm-kɔm.»

Kana bhata nabelaaa bhii nye nazediib ɛ

10 «Bi ɛ koobaka! Sa mot ààbyasal mot ngɔt tɔ bɔn bak etɛɛ náá, efofop bɔɔ dyeebadi ɛ, ɛ di wat ɛ mɛwala djas bɛ nɛ Saag'am di pɛ tɔ gwoo ɔ. [

11 Etɛɛ náá, Sɛɛɲɛɛ Mɔn Mot nazyɛ ɛ zetsik bot ɛ nabɛ náá, bɛ eezediib ɔ.]

12 «Bi ke dǎa? Pookogekeka náá, dhiiti mot ngɔt nabɛ ɛ nɛ ebhata dhet (100). Tin, ngɔt zokazɛdiib, nyɛ aanàkwaalik ebhata mɛkam-mɛtɛn nɛ mɛkam-mɛná nɛ etɛn nɛ ená (99) kɔ ɛtsok, ɛtɛp nyɛ neekɛsaa ngɔt diib ɔ?

13 Mɛ lɛɛ bin ɛ tɛɛtɛɛ náá, nyɛ bela nyɛ ɔɔ, nyɛ waadi tɔ mɛmyaala ɛbuɛpɛ ɛtɛp bhata wat'enɔk, dhaa ebhata nadi ààdiib ɔ.

14 Ye ɛ tyɛ wat nɛ Sɛɛg'en di tɔ gwoo ɔ. Nyɛ ààkwyɛl náá, mot ngɔt tɔ bɔn bɛ djas wo ze.»

E sok mɔn nyoog di ekwyɛ ndjɛ sɔs ɛ

15 «Yɛ bɛ náá, mɔn nyoog eesa wɔ ɛbiyo ɔɔ, tɔ kɛbee nyɛ wɔy wɔ ɛmet. Da wɔ ɛ kɛlyaal nyɛ ɛbiyo ɛ lɛ. Nyɛ gwak wɔ ɔɔ, tin, wɔ eekwak ɛbulal ɛ nyɛ ɛ ze.

16 Yɛ kabɛ náá, nyɛ ààpagwak wɔ ɔɔ, djóoa dhiiti mot ngɔt nɛghu bot ɛbá. Dǎa ekwyala di elyaal ɛ náá: “ɛtɛp djas koobelaa ɛ ɛ mis mɛ betetɛp ɛbá nɛghu bɛlɛl*.”

17 Tin, nyɛ byɛn ɛgwak bɛ ɔɔ, tɔ nɛ nɛ sok bhwoob bot ɛ zɛɛga mendjaala. Nyɛ byɛn ɛgwak bot ɛ zɛɛga mendjaala ɔɔ, tin, bi kaabee nyɛ ɛ dǎa mot di ààdum kɔɲ nɛ Zɛɛb ɔ, dǎa bɛnɔɲɛɛ ɛ epata e lapo.

18 «Mɛ ɛpɛlɛɛ bin, ye ɛ tɛɛtɛɛ náá, ɛtɛp djas ee bi ààpɛɛ wak kɔ bɔs ɛ, Zɛɛb ɛ waapɛɛ ye tɔ gwoo. ɛtɛp djas bi aamyaal wak kɔ bɔs ɛ, Zɛɛb ɛ waamyaal ye tɔ gwoo.

* 18:16 Det 9.15

19 «Mɛ kabaalɛɛ bin ɛ nɔ́á, wak kɔ ɛko ɛ bɔs, bot ɛbá ɛ gwakel, da bɛ ɛ waab sonok bɛ aakwɛl ɛwaab tɔ mendjaala mɔɔ ɔɔ, Saag'am di pɛ tɔ gwoo ɔ waadjɛ bɛ sa bɛ waab ɛ.

20 Etɛɛ nɔ́á, bot ɛbá nɛghu bot ɛlɛl ɛ sɛɛga kɔ ɛsu ɛ din ɛ lam ɔɔ, mɛ aadi ɛ tin, pak'ɔɔ.»

Kana mot-mɛsa di epɛɛ epel ɛ mɔn nyɛɛgɛ

21 Wɔ gwaa Pyɛɛd zokazyɛ pɛ pak Yezu nadi ɛ. Tin, nyɛ boozɛdji nyɛ nɔ́á: «Ghɛɲ, mɛ goka ɛ nɛ epel mɔn nyaag'am esok edhen nyɛ sa mɛ ɛbiyo ɔɔ? Tyee esok etɛn nɛ ɛbá?»

22 Yezu naazɛbɔɔza nɛ nɛ nɔ́á: «Ààbɛ, mɛ ààpalɛɛ nɛ nɔ nɔ́á, ye di esok etɛn nɛ ɛbá. Mɛ lɛɛ wɔ ɛ, ye di esok mɛkam-mɛtɛn nɛ mɛkam-mɛmbá (70), esok etɛn nɛ ɛbá.

23 «Étɛp tak ɛ di nɔ́á, ɛyon ɛ di tɔ gwoo ɔ nɔɲɛl ɛ, nɛ dhiiti mɛkoozi nadi ekwɛl ɛkoobal etɛp bɛ nɛ bot ɛ mɛsa mɛ nakola epata bɛ ɔ.

24 Tin, ɛ ghɛɲ nyɛ nakan ɛdjoo ngɔt-ngɔt ɛ, wɔ gwaa bɛ zokazyɛ nyɛ nɛ mot-mɛsa mɛ ngɔt nakola epata ɛbuɛpɛ ɔ.

25 Mot'enɔk nabɛ ɛ, ààbɛ nɛ sa nyɛ aabulal epata ɛ kukuma tak nɛ yɛ. Kukuma yɛ ɛ boodjɛ ɛlee nɔ́á, nyɛy nɛ myɛl nɛ bɔn zɛnɔɔ esa bɛ djas bɔmsaa, etɛp epata ɛ tak neebulal kola nyɛ nadi nɛ yɛ ɛ.

26 Tin, mot-mɛsa menɔk eezɛkwɛyit mɛbɔɲ si sok bhwoob kukuma yɛ tak. Nyɛy nɛ nɛ nɔ́á: “Sila lyem, da wɔ ɛ gek mɛ ghɔɲ. Mɛ waazɛbulal wɔ epata binek djas!”

27 Kukuma yɛ zokazɛgek nyɛ ghɔɲ, nyɛ eezɛpel nyɛ nɛ epata ee nyɛ nakola ɛ djas. Bhii tak, nyɛ eezɛbet nyɛ, nyɛ tɔ.

28 «Dáa mot-mɛsa menɔk nawyis tin ɛ, nyɛ eezɛboma nɛ dhiiti mɔn nyɛɛg nyɛy nakola nyɛ ba bɔɔ epata ɔ. Nyɛ eezɛvyɛk, mɛt nyɛ é tsuŋ “gbak”, nyɛ moo tin enyam nyɛ é tsuŋ ɛkɛɛ, nyɛ aagó nyɛ góak. Nyɛy nɛ nɛ náá: “Tuuda mɛ kola yam nenak!”

29 Mɔɔ sɔ zokazɛkwyit mɛboŋ si sok bhwoob'ɛ, nyɛ eedjaala nɛ nɛ náá: “Sila lyem, da wɔ é gek mɛ ghoŋ. Bwooda batsa mɛ waatuud kola yɔ!”

30 Wɔ gwaa nakuma epata zokapɛɛ. Tin, nyɛ é zokakɛkɔɔl mɔn nyɛɛg é mbok é bwood dwoo nyɛ aabulal epata bɛ ɛ.

31 «Dáa bɛdhiiti bot ɛ mɛsa nabee deenek ɛ, ye naakpaa bɛ tɔ elyem. Bɛ é boozetɔ́, kɛɛɛ kukuma yɔɔ etɛp djas dhaŋ ɛ.

32 Tin, kukuma yɔɔ é boozebaadjóo mot-mɛsa menɔk, nyɛ é booke nɛ nɛ náá: “Wɔ é mot-mɛsa mɛ di náá, wɔ é nɛ mbee lyem! Mɛ bɛ mbembɛ é, mɛ eepel wɔ nɛ epata bam wɔ nakola ɛ, etɛɛ náá, wɔ bɛ é, wɔ eedjaala nɛ nam náá, mɛ bet wɔ.

33 Ye goka é náá, wɔ gek mɔɔ sɔ'ɔ ghoŋ dáa mɛ gek wɔ ghoŋ ɛ.”

34 Tin, ye nabɛ é, kukuma eezɛbiyo elyelɛpe, nyɛ é boolwom náá, bɛ mɛt mot-mɛsa menɔk. Nyɛ kɛsa mɛsa mɛ bhel kɛkum dwoo nyɛ aaboobulal kola yenek djas ɛ.»

35 Yezu eebaazɛke náá: «Ye é deenek ɛ Saag'am di tɔ gwoo ɔ aasa nɛ nen, ye bɛ náá, mot nɛ mot ààpapel sɔ nɛ lyem wat ɔɔ.»

19

Mɛlyo ɛ Yezu dum nɛ tɛp ɛbel ɛ ɛba

¹ Bhii Yezu nasilal ɛlyo bot pɛ kyee dik Ghalile ɛ, nyɛ naazetɔ pɛ kyee dik Yude, pɛ yii kyiid dii Yulɔn.

² Tin, zukamwaa nɛ mot baazɛdu nyɛ, Wɔ gwaa, nyɛ zokatsik bot ɛ mɛbɛ mɛ bɛ nazyɛ nɛ nɔɔ ɛ.

³ Tin, wɔ gwaa bɛdhiiti eFalizyɛ zokazyɛ, zɛlaab nyɛ nɛ dhiiti mɛɔjin. Bɔɔ nɛ Yezu nɔɔ: «Etsi bina ɛpemyaal nɔɔ, mot pɛɛ myɛl kɔ ɛsu ɛ ɛtɛp mɛɛs ɛ?»

⁴ Yezu ɛ boozɛbɔɔza nɛ nɔɔ nɔɔ: «Bi ààlaa sa di kwyala tɔ mɛkana mɛ Zɛɛb ɛ? “E ghɛɲ Zɛɛb nakus bɔs ɛ, nyɛ nakus ɛ moma nɛ motom*.”

⁵ Nyɛ eeaaazɛbil nɔɔ: “Etɛp tak ɛ ye di nɔɔ, motom ɛ waalik sɛɛg nɛ nyɛɛg, ɛtɛp nyɛ neekɛsɛɛga bɛ nɛ myɛl. Tin, bɔɔ bebá aakadi ɛ, bɛ moo mot ngɔt.

⁶ E di'enek, bɛ tokapɛ bot ɛbá, bɛ aakadi ɛ, bɛ moo mot ngɔt. Sa mot ààbɛk sa di nɔɔ, Zɛɛb eesɛɛg ɛ.”»

⁷ eFalizyɛ ɛ boo baadjɪ nyɛ nɔɔ: «Étɛp yé Moiiiz nalɛɛ nɔɔ, ye bɛ nɔɔ, motom ɛpekwyɛl ɛsɔ myɛl ɔɔ, nyɛ kwyal nyɛ mɛkana mɛ di lɛɛ mɛsɔ mɛ nyɛ pɛɛ nyɛ kɔ ɛsu ɛ tak ɛ?»

⁸ Yezu eezebɔɔza nɛ nɔɔ nɔɔ: «Moiiz namyaal nɔɔ, bi pɛɛ bɛl bin ɛ, ɛtɛp mɛlyɛl mɛ elyem bin. Etɛɛ nɔɔ, ɛ ɛkɛn ɛ bɔs, ye nabɛ ɛ ààbɛ deenek.

⁹ Mɛ lɛɛ bin ɛ nɔɔ, motom ɛ pɛɛ myɛl, da nyɛ ɛ baakeba dhiiti moma sis, ààbɛ nɔɔ, myɛl tak eesa ɛzɔ ɔɔ, tin, motom'enɔk eesa ɛzɔ.»

¹⁰ Tin, bɛɔjekel eezeke nɛ Yezu nɔɔ: «Yɛ bɛ nɔɔ, ɛtɛp ɛba goka ɛ nɛ ɛdi ɛ deenek pak moma nɛ motom ɔɔ, ye nyɔ ɛ nɔɔ, mot di ye kɔ, ààba moma.»

¹¹ E di'enek, Yezu eezeke nɛ nɔɔ nɔɔ: «Bot djas ààɔyeebakwyɛl mbi mɛlyo mak. Tin, ye ɛ bot ɛ Zɛɛb yii nyɛy nyɛ ɛmet aadjɛ ghwyil ɔ aapaakwak yɛ.

* 19:4 Mɛk 1.27; 5.2

12 Ye ɛ nɛ bɛtɛ nɛ ɛtɛp di elu nǎǎ, bot nǎba ɛ. Ye ɛ nɛ bot ɛ nabyel nǎǎ, bɛ tok nɛ ghwyil ɛba yɔbɔ ɛ. Ye kabɛ bɛdhiiti bot ɔ, ye ɛ bɛsɔ bɔɔ bot ɛ aapaasa nǎǎ, bɛ nǎkwyl ɛba. Bɛdhiiti aadi ǎǎba ɛ, ɛtɛp Ƴyon ɛ Zɛɛb. Deenek yɛ bɛ nǎǎ, mot ɛpekwyel ɛmyaal mɛlyo mak ɔ, nyɛ myaal.»

Yezu eezɛɛɛ bɔɔ dhyeeb mɛtɛl

13 Dhiiti dwoo, bot naazɛzyɛ Yezu nɛ bɔɔ dhyeeb ɛtɛp nyɛ needjaala bɛ Zɛɛb nɛ ɛkɛl ɛ bɛ mɛmbɔ. Wɔ gwaa bɛdjekɛl bɛ zokazɛlu bot ɛ tak.

14 Dǎa Yezu nabɛɛ deenek ɛ, nyɛ ɛ boozɛkɛ nɛ bɛdjekɛl nǎǎ: «Betka bɔɔ dhyeeb, bɛ zyɛ pɛ daa lam! Nǎluka bɛ ɛtɛɛ nǎǎ, Ƴyon ɛ di tɔ gwoo ɛ goka nɛ bot ɛ di tyɛɛ bɔɔ ɔ.»

15 Tin, nyɛ ɛ boozɛkɛl bɛ mɛmbɔ. Bhii nyɛ nakasi-lal ɛ, nyɛ boozɛnɔɔ nyɛl tɔ.

Mɔɔ ngbaaz na ekum

16 Dǎa bɛ nadi gba-gba ɛ gon ɛ, dhiiti mot zokazyɛ pɛ daa Yezu, mot tak nɛ Yezu nǎǎ: «Lyɔel! Mɛ goka ɛ nɛ ɛsa yaa tɛtɛ sonok ɛtɛp mɛ neebela tsik na kɔm-kɔm?»

17 Yezu eezɛbɔɔza nɛ nɛ nǎǎ: «Ɛtɛp yɛ wɔ di edji mɛ mɛdjɛn dum nɛ tɛtɛ ɛtɛp? Ye ɛ Zɛɛb nyɛ ɛmɛt ɛ di tɛtɛ mot. Wɔ kwyl ɛni tɔ tsik na kɔm-kɔm ɔ, wɔ goka ɛ wɔ looba nɛ sa mɛtiŋ di ɛlɛɛ ɛ.»

18 Mot'enɔk eezɛdji Yezu nǎǎ: «Yaa mɛtiŋ?» Yezu ɛ boozɛlɛɛ nyɛ nǎǎ: «Sa wɔ ǎǎgɔ mot. Sa wɔ ǎǎsa mɛzɔ. Sa wɔ ǎǎdjii sa mot. Sa wɔ ǎǎlɛɛ ɛlɛŋ e ɛtsal dum nɛ mot.

19 Duwala soog nɛ nyoog. Kwylɛla sɔ'ɔ mot dǎa wɔ di ɛkwyl nyɛl'ɔ wɔ ɛmɛt ɛ.»

20 Ngbaaz'enɔk eezɛbɔɔza nɛ nɛ nɔ́á: «Mɛtin menek djas mɛ nɛ duwal yɛ. Mɛ kabaasa yé?»

21 E di'enek, Yezu eezɛbɔɔza nɛ nɛ nɔ́á: «Wɔ kwɔyɛl ɛ di tɔ epiki ɔɔ, tɔ kɛbɔmsa esa bɔ djas, da wɔ é nɔɔ epata tak, djɛ bɛdjɛl ɛ bot. Tin, wɔ waabela mɛvu tɔ gwoo. Bhii tak, da wɔ é zyɛ, zɛdu mɛ.»

22 Dáa ngbaaz'enɔk nagwak deenek ɛ, «kiyooo» nyɛ eeliigel, sik yɛ, etɛɛ nɔ́á, yɛ naatek nyɛ nyɛl, étɛp ekum ee nyɛ nadi nɛ yɛ ɛbuɛpɛ ɛ.

23 Bhii tak, Yezu eezɛke nɛ bɛdjɛkel bɛ nɔ́á: «Mɛ lɛɛ bin é etɛp ee tsɛɛtsɛ nɔ́á: ɛkɔɔla nɔ́á, bot ɛ di nɛ mɛvu ɔ ni tɔ ɛyon ɛ di tɔ gwoo ɛ!

24 Mɛ baalɛɛ bin ɛ nɔ́á, ɛkɔɔla nɔ́á, boo yaaga kyee bɔs besyɛ di ààbɛ nɛ mɛdii ɛ dhaa tɔ ba mɔɔ elen ɛ dhɔɔ. Yɛ kabɛ bɛkum ɛ bot ɔ, eni ɛ lɔɔ tɔ ɛyon ɛ Zɛɛb eebaadhaa-dhanjak eni ɛ yaaga tɔ elen ɛ dhɔɔ nɛ mɛlyɛl.»

25 Dáa bɛdjɛkel nagwak mɛkpa menek ɛ, bɛ naadyeebadjoka. Bhii tak, bɛ é booɛdji Yezu nɔ́á: «Yɛ bɛ deenek ɔɔ, ɛzɛ aabelɛ tsik?»

26 Yezu zokabɔɔza nɛ nɔɔ nɔ́á: «Yɛ é ɛpipɛpɛ é mis mɛ bot. Tin, mot ɛ dum kɔn nɛ Zɛɛb ɔɔ, yɛ waasaɛl.»

27 Wɔ gwaa, Pyɛɛd zɛke nɛ nɛ nɔ́á: «Gwaka! Bis eezekat mɛze mes nɛ etɛp bis djas étɛp ɛdu ɛ wɔ. Yisɔ efute aakadi tin yé?»

28 Tin, Yezu eezɛbɔɔza nɛ nɔɔ: «Mɛ lɛɛ bin é etɛp e tsɛɛtsɛ nɔ́á, é ghɛn Sɛɛnɛlɛ Mɔn Mot aadi kɔ bɔó mɛkoozi mɛ nɛ duma tɔ ɛyon ɛ na bes ɛ, biyɔ, bot kam nɛ bɛbá namyaal ɛdu ɛ mɛ ɔ, bi aadi é, kɔ mɛbhóó mɛ mɛkoozi kam nɛ ebá, étɛp ɛpɛɛ ɛ membyak kam nɛ ebá ɛ Yisalaɛl.

29 Bot ɛ di ebet mendjaa mɔɔ, bɔn nyɛɛg bɔɔ, nɛ bɛkɛl bɔɔ, zɛnɔɔ bɛsɛɛg bɔɔ nɛ bɛnyɛɛg bɔɔ, bɔn bɔɔ,

zɛnɔɔ epyeeb bɔɔ ɛtɛp'am ɔ, bɛ waabelaa bɛdhet nɛ bɛdhet kala kɔ yii. Bɛ waabelaa tsik na kɔm-kɔm.

³⁰ Tin, ye kabelaa ɛ nɔ́á, bɛtɛ nɛ bot ɛ di mos ɛ lɔɔg ɛsok ɔ, bɛ aakaswaala ɛ bot ɛ ebhis. Bot ɛ di mos pɛ lɔɔg ebhis ɔ, bɛ aaswaala ɛ bot ɛ lɔɔg ɛsok.»

20

Kana bot ɛ mɛsa mɛ nalwomaa kɛsa mɛsa tɔ pyeeb vin ɔ

¹ «Beeka dhiiti sa di enɔŋɛl nɛ ɛyɔŋ ɛ di tɔ gwoo ɛ: Dhiiti kukuma naazɛwɛyis tɔ ghooghom mɛlem kɛsaa bot ɛtɛp bɛ neekɛsa mɛsa tɔ pyeeb vin'ɛ.

² Bɛ nɛ bɛ nɔɔ zokagwakel nɔ́á, efute bɔɔ aadi ɛ, dɔ́á bot di ezyɛ nɛ ɛfuta sok ɛ, nɛghu falanga wat tɔ ɛlu ɛ wat. Tin, nyɛ eezɛlwom bɛ, bɛ kɛsa mɛsa tɔ pyeeb'ɛ.»

³ «Nyɛ eeaaazɛwɛyis ɛ ɛwala etɛn nɛ ená yii mɛlem, wɔ gwaa nyɛ baazɛboma nɛ bɛdhiiti bot metetel kɔ ɛbɛsɛɛ dɛl, bɔɔ tin, ààbɛ nɛ mɛsa.

⁴ Nyɛ ɛ boozɛke nɛ nɔɔ nɔ́á: “Biɔ pe, tóka, kɛsaka mɛsa tɔ pyeeb vin'am, mɛ aadjɛ bin efute dɔ́á ye di egoka ɛ.”

⁵ Tin, bot binɔk ɛ boozɛnɔɔ mɛnyɛl, tɔ.»

«Bhii tak, kukuma yɛnɔk naabaazyɛ kuku mwos dwoo dɔɔ nɛ ɛ ɛwala ɛlɛl yii bikoko. Nyɛ nabaazolii ɛ dɔ́á nyɛ nazolii nɛ bot ɛsok ɛ.

⁶ Nyɛ eeaaazɛwɛyis bikoko, dwoo eezɛsila. Tin, nyɛ ɛ boo baazɛboma nɛ yak ɛdhuu ɛ bot. Nyɛ eezɛdji bɛ nɔ́á: “ɛtɛp yɛ bi di wak, kana mɛlem, kɛyaka nɛ yak ɛwala, ààsa sonok?”

⁷ Bot binɔk zokazɛbɔɔza nɛ nɛ: “Ye ɛ, etɛɛ nɔ́á, bis tok nɛ mɛsa mɛ ɛsa.” Bhii tak, nyɛ ɛ booke nɛ nɔɔ

náá: “Dɔɔ nɛ biyɔ pe, tɔka, kɛsaka mɛsa tɔ pyeeb vin'am.”»

⁸ «Dáa dwoɔ nakabɛ, ye moo bikoko ɛ, kukuma é booke nɛ mot nadi kɔ elo e bot ɛ mɛsa mɛ djas ɔ náá: “Djóɔa bot ɛ mɛsa, da wɔ é djɛ mot nɛ mot efute bɛ. Wɔ kan é nɛ bot ɛ nadjóɔaa ɛbhis ɔ, da wɔ é kɛsilal nɛ bot é nakanaa ɛdjóɔaa sok ɔ.”»

⁹ «Tin, bot ɛ nakan mɛsa bikoko ɔ, zokazyɛ, zɛbela yɔbɔ efute e pata wat.

¹⁰ Dáa bot ɛsok nakazyɛ yɔbɔ é, bɛ nagek tɔ elyem bɔɔ ɛ náá, bɛ waabela efute dhaa bot ɛ nakan bikoko ɔ. Tin, bɛ nazokabaadjɛ bɛ é efute e pata wat.

¹¹ Beea bɛ nabee deenek ɛ, bɛ é boozɛni é byak kukuma pyeeb.

¹² Bɔɔ náá: “Bot ɛ kan mɛsa nenak bikoko ɔ, bɛ zosa é mɛsa é di ɛwala wat. Tin, wɔ kadjɛ bɛ efute é tyee wat nɛ dáa wɔ djɛ bisɔ ɛ? Bot ɛ kan mɛsa tɔ melem ɔ, si kas-kas gwyɛs nɛ etuɲ, zɛnɔɔ mɛnyel na ‘wɔyɔɲ’ ghwyil djas eezesi.”»

¹³ «Tin, kukuma é boobɔɔza nɛ ngɔt pak'ɔɔ náá: “Mɔn nyaag'am, ye tok nɛ ɛbiyo mɛ sa ɛ. Tin, mena bɛ ààgwakel náá, wɔ sa mɛsa ɛ étɛp wɔ neebela etuud e pata wat, di egoka náá, ye djɛaa nɛ mot sa mɛsa mɛ dwoɔ wat ɔ, etsal é?

¹⁴ Nɔɲa pata yɔ, da wɔ é tɔ yɔ, etɛɛ náá, mɛ neebaadjɛ nwyak mot kalik'aak dáa mɛ djɛ wɔy ɛ.

¹⁵ Mɛ tok nɛ ghwyil ɛbe esa bam dáa lyem'am di ekwyɛl ɛ? Etɛp yé wɔ di ebyen náá, mɛ sa enɛm esa?”»

¹⁶ E di'enek, Yezu é bookabaazɛpesal náá: «Yɛ aadi é deenek, bɛtɛ nɛ bot é di bot ɛ mɛsik'aak, bɛ kaaswaalaaa é, bot ɛ ɛsok. Bot ɛ ɛsok'aak aaswaalaa é bot ɛ mɛsik.»

Ye moo ɛ tyee esok elɛl ee Yezu di elɛɛ tɛp ɛsyee nɛ ɛgom ɛ lɛ ɛ

¹⁷ Dáa Yezu nadi etɔ pɛ Yeluzalɛm ɛ, nyɛ naazɛnɔɔ bɛdjekel kam nɛ bɛbá bɔɔ bɛ ɛmet. Tin, dáa bɛ nadi ekɛ ze ɛ ze ɛ, nyɛ ɛ boozɛlɛɛ bɛdjekel náá:

¹⁸ «Gwakeka, mena tɔka wak ɛ, pɛ Yeluzalɛm pɛ Sɛɛɲɛlɛ Mɔn Mot aakɛkaaa ɛ mɛmbɔ mɛ eboo bɛghaa-Zɛɛb nɛ bɛghan ɛ mɛkana mɛ etsi ɛ, ɛtɛp bɛ needjɛ nyɛ epɛɛ e ɛsyee.

¹⁹ Bhii tak, bɛ waaka nyɛ ɛ mɛmbɔ mɛ bot ɛ di ààbɛ bot ɛ mbyak eYuda ɔ, ɛtɛp bɛ needim nyɛ nɛ ɛduk nyɛ. Bɛ waanyuu nyɛ nɛ eghwyɛs bhii tak, da nyɛ ɛ kɛbɛmaa kɔ mɛlaaba. Tin, ɛ melu mɛlɛl bhii ɛsyee ɛ lɛ, nyɛ waagom.»

Ngwyeebel ɛ nyɛɛg ɛ Zak bɛ nɛ Zan

²⁰ Wɔ gwaa, mwaa Zɛbɛdɛ zokazyɛ nɛ bɔn bɛ bɛbá zɛbee Yezu. Dáa bɛ nakum ɛ di Yezu nadi ɛ, nyɛ eezɛkwyt mɛbɔɲ sok bhwoob'ɛ ɛtɛp nyɛ neewaab sonok pɛ daa lɛ.

²¹ Yezu ɛ booke nɛ nɛ náá: «Wɔ saa yé?» Moma tak ɛ boozɛbɔɔza nɛ Yezu náá: «Bɛɛa bɔn bam bɛbá bak. Mɛ kwyɛl ɛ, wɔ kɛk mɛ náá, bɛ bela duma di náá, ngɔt di pɛ mbɔ eghɛɲ bɔ, nwyak ngɔt pɛ mbɔ ɛmyɛl ɛ lɔ, ɛ sok waadi tɔ mɛkoozi mɔ ɛ.»

²² Tin, Yezu ɛ boozɛbɔɔza náá: «Bi ààgu sa bi di ewaab ɛ. Bi ɛ nɛ ghwyil ɛbɛp kɔm mezuk mɛ mam aabɛp ɛ?» Bɛ eezɛbɔɔza náá: «Hɛɛɛ! Bis ɛ nɛ ghwyil ɛbɛp.»

²³ Yezu eezɛke nɛ bɔn bɛ bɛbá náá: «Ye ɛ tsɛɛtsɛ! Bi ɛ waabɛp kɔm mezuk mam. Ye kabɛ dum nɛ tɛp ɛdi pɛ mbɔ eghɛɲ bam nɛghu pɛ mbɔ ɛmyɛl ɛ lam

ɔ, mam tok nɛ ghwyil ɛdje bin edi ɛ tak. Etɛɛ nǎá, Saag'am ɛ di egu bot ɛ nyɛ aadjɛ edi binek ɔ.»

²⁴ Dǎa bak bɛdjekel kam nalik ɛ nagwak deenek ɛ, ye nabɛ ɛ, ye naakpaa bɛ elyem nɛ sa Zak bɛ nɛ Zan nasa ɛ.

²⁵ Bhii tak, Yezu ɛ bookazɛdjoo bɔɔ djas, nyɛ ɛ boozɛke nɛ nɔɔ nǎá: «Bi kabɛ edjak nǎá, mɛsa mɛ ekukuma e bot ɛ bɔs ɛ ɛnyal bot ɛ di ezuk ɔ. Mɛsa mɛ bot ɛ di djooaa eboo bot ɛ bɔs ɛ, ye ɛ ɛnyal bot ɛ di eduwal bɛ ɔ.

²⁶ Ghuna, ye ààgoka nɛ ɛsɛɛ deenek pak'en. Ye goka ɛ nǎá, ngɔt pak'en ɛ kwyl ɛdi kɔ elo bɛsɔ ɔɔ, nyɛ di mot-mɛsa mɛ bɛsɔ.

²⁷ E di'enek, mot aakwyl ɛdi pɛ sok bɛsɔ ɔ, di kwom bɛsɔ djas.

²⁸ Ètɛp tak ɛ di nǎá, ɛzyɛ ɛ Sɛɛɲɛlɛ Mɔn Mot nabɛ ɛ ààbɛ, etɛɛ nǎá, nyɛ eezɛliig bot, bot ɛ mɛsa mɛ. Nyɛ nazyɛ ɛ, ètɛp ɛzɛdi mot-mɛsa mɛ bot, nɛ ɛzɛdje bot tsik'ɛ nyɛ ɛmet tyee etuud ètɛp ɛpɛk bɛtɛ nɛ bot.»

Yezu eetsik bot ɛ edhim bɛbá pɛ Yeliko

²⁹ Bhii bɛ nawyis kɔ dɛl ɛ Yeliko ɛ, zukamwaa nɛ mot naazɛdu Yezu.

³⁰ Tin, wɔ gwaa bot ɛ edhim bɛbá nadidi ɛ ngwoob gba ɔ, zokagwak menduk nǎá, Yezu ɛpedhaa tin. Wɔ gwaa bɛ zɛbo etsim nǎá: «Ghɛɲ, Mɔn Dhavid! Geka bis ghon!»

³¹ Edhuu ɛ bot ɛ nadi edu Yezu ɔ, moo tin ebhem bɛ ètɛp bɛ needi gwyem. Wɔ gwaa bɛ zokabaaben ebhyeed bɔɔ elyelɛpe nǎá: «Ghɛɲ, Mɔn Dhavid! Geka bis ghon!»

³² E sok'enek, Yezu eezɛtyaa. Wɔ gwaa nyɛ zokadjoo bɛ. Nyɛ eezɛdji bɔɔ bɛbá nǎá: «Bi kwyl nǎá, mɛ sa bin yé?»

³³ Bot binɔk ɛ boopesal nɔ́á: «Ghɛɲ, bis kwyɛl ɛ nɔ́á, bis nyaasok.»

³⁴ Tin, Yezu zokazɛgek bɛ ghonj. Bhii tak, nyɛ eezɛkɛl bɛ mɛmbɔ kɔ mis. Ɛ di tak wat, mis mɔɔ eezɛbɛɲɛl, tin, bɛ eezɛdu nyɛ.

21

Yezu eezɛni tɔ Yeluzalɛm

¹ Dɔ́á bɛ nadi, bɛ mɔɔ ekunaa nɛ Yeluzalɛm ɛ, bɛ mɔɔ ɛ ngwoob dɛl ɛ bɛ di djoo Bhɛtfaze, pɛ ɛtsok ɛ pyeeb oliv ɛ, Yezu eezɛlwom bɛdjekɛl bɛ bɛbá:

² Nyɛy nɛ nɔɔ nɔ́á: «Tɔ́ka kɔ dɛl ɛ di pɛ sok'enek. Tuula bi aatuula kɔ dɛl ɛ tak ɛ, bi ɛ waabelaa dhiiti mbi myɛl tit di edjooaa an ɛ nɛ mɔɔ swooz tak kɔla ɛ di wat. Tiika bɛ, da bi ɛ zyɛ mɛ nɛ nɔɔ wak.

³ Mot ɛ dji bin nɔ́á: “Bi tɔ nɛ nɔɔ wo ɔɔ?” Lɛɛka nyɛ nɔ́á: “Yɛ ɛ Ghɛɲ ɛ di nɛ gwyɛs nɛ nɔɔ ɔ.” Tin, bɛ waaleedjɛ bin bak.»

⁴ Esɛsɛɛ binek goka nɛ ɛsael, ɛtɛɛ nɔ́á, ɛtɛp ɛɛ di kwyala tɔ mɛkana mɛ ngoolel-mɛkpa ɛ Zɛɛb ɛ neebela ɛsuk:

⁵ «Lɛɛka nɛ ɛsyɛs ɛ ghaada Siɔɲ nɔ́á:

“Beeaa, mɛkoozi mɔ ɛpezyɛ pɛ daa lɔ.

Nyɛ zyɛ ɛ nɛ enɛm esa, nyɛ ɛ ndiindil kɔ mɔɔ swooz an.

Nyɛ zyɛ ɛ ààbɛ nɛ ɛbet, nyɛ ɛ ndiindil kɔ mɔɔ swooz an*.”»

⁶ Bhii tak, bɛdjekɛl eezɛtɔ́. Dɔ́á bɛ nakakum ɛ di tak ɛ, bɛ ɛ boozɛsa tyee Yezu nalɛɛ bɛ ɛ.

⁷ Wɔ gwaa bɛ zɛsik nɛ myɛl an, nɛ swooz an tak Yezu nawaab ɛ. Bɛ mɔɔ tin eezɛkɛl bɛ endjookuwa bɔɔ kɔ ekonj. Bhii tak, Yezu eezɛkalal kɔ tak, disi.

* 21:5 Zal 9.9

⁸ E di tak wat, bot ɛbuɛpe naabaazɛdja yɔbɔ endjookuwa gba-gba, bɛdhiiti nadi etsaal yɔbɔ ɛ ebhuuz e le, ɛtɛp ɛdja ɛ gba.

⁹ Ngɔɲ bot ɛ nadi ekɛ pɛ sok ɔ, nɛ bot ɛ nakabɛ pɛ bhis ɔ, moo tin ekyeɛb: «Hozanna nɛ Mɔn Dhavid! Duu nɛ Zɛɛb! Zɛɛb goka ɛ nɛ ɛsɛɛ mot di ezyɛ nɛ din ɛ Ghɛɲ ɔ mbɛɛ metel! Hozanna nɛ Zɛɛb pɛ tɔ gwoo!»

¹⁰ Dáa Yezu nakani tɔ Yeluzalɛm ɛ, bot djas kɔ dɛl nabɛ ɛ, bɛ moo «nyaa-nyaa», bɛ ɛ boozɛdji: «Yenɔk ɛ nwyaa mot?»

¹¹ Mɛdhuu mɛ bot nadi ebɔɔza náá: «Yɛ ɛ ngooolel-mɛkpa ɛ Zɛɛb, Yezu mɔn dɛl ɛ Nazalet pɛ kyee dik Ghalile.»

Yezu tɔ kok Ndjaa-ebuwa

¹² Bhii tak, Yezu naazɛni tɔ kok Ndjaa-ebuwa. Deenek, nyɛ moo tin esɔ bot ɛ nadi ebɔmsa esesɛɛ bɔɔ ɔ. Nyɛ baadi esɔ dɔɔ nɛ bot ɛ nadi ebɔm-bɔmak nadi tin ɔ, nyɛ naawaaz emesa ee bɛ nadi eswoola epata kɔ tak ɛ, nɛ mɛbhóó mɛ bot ɛ nadi ebɔmsa mɛghum ɔ.

¹³ Bhii tak, Yezu eezɛbaakaada bɛ náá: Ye tok kwyala tɔ mɛkpa ɛ Zɛɛb náá: «Ndjaɲ'am aadjóaaa ɛ, “ndjaa mendjaala” Mɛ bee ɛ ekɛɛ, biyɔ, bi eezeliig yɛ, ye moo ɛ zɛɛga bot ɛ ɛzɛm†.»

¹⁴ E di tak wat, bot ɛ nadi nɛ edhim ɔ, nɛ bot ɛ nadi nɛ edjam ɔ, naazyɛ pɛ daa Yezu tɔ kok Ndjaa-ebuwa, nyɛy zokatsik bɛ.

¹⁵ Tin, bɛghaɲ ɛ mɛkana mɛ etsi nɛ eboo bɛghaa-Zɛɛb nabɛ ɛ ebee esesɛɛ binek djas Yezu nasa ɛ. Bɛ naabee pɛ dáa bɔɔ dhyyeb nadi eduwal nyɛ nɛ

† **21:13** Eza 56.7; Zel 7.11

etsim tɔ Ndjaa-ebuwa ɛ. Bɛ nadi kyeɛb ɛ nɔ́á: «Duu nɛ Mɔn Dhavid!» Bɛ ɛ boozɛkpaa elyem.

¹⁶ Bot binɔk ɛ boozɛdji Yezu nɔ́á: «Wɔ ɛpegwak dɔ́a bɔɔ dhyɛɛb di eke'enek ɛ?» Yezu eezɛbɔɔza nɛ nɔɔ: «Iyoo! Mɛ ɛpegwak. Bi nabɛ ɛ ààlaa tɔ mɛkana mɛ Zɛɛb ɛ di nakwyalaa nɔ́á: “Tɔ enuub e bɔɔ dhyɛɛb nɛ bɔɔ ɛtɔlɔɔ, wɔ eelyaal dɔ́a bis di egoka nɛ ɛduwal wɔ ɛ‡?”»

¹⁷ Bhii tak, nyɛ zɛwyis, tɔ pɛ dɛl ɛ Bhetani pɛ bɛ nakɛdjaasi ɛ.

Yezu eezɛkal le fiigh di ààdje bhum ɛ

¹⁸ Yak mɛlem, ɛ ghɛɲ bɛ nadi esik pɛ boo dɛl ɛ, wɔ gwaa za zɛmɛt Yezu.

¹⁹ Nyɛ eezɛbee le fiigh ɛ ngwoob gba. Tin, Yezu eezɛtiila si le tak ɛtɛp nyɛ neebók. Dɔ́a nyɛ nakakum si le ɛ, nyɛ kabela eka nɛ eka, ààbɛ nɛ bhum. E di'enek, Yezu ɛ booke nɛ le tak nɔ́á: «Kana dwoɔ pan mos'ak, wɔ aanàkwaakabaawum!» E di tak wat, wɔ gwaa le syee.

²⁰ Dɔ́a bɛdjekɛl nabɛɛ deɛnek ɛ, yɛ nabɛ ɛ, bɛ naadyɛɛbadjoka, bɛ ɛ boozɛdji Yezu nɔ́á: «Étɛp yɛ le fiigh zosyɛɛ ɛ di wat deɛnek?»

²¹ Yezu eezɛbɔɔza nɛ bɛdjekɛl bɛ nɔ́á: «Mɛ lɛɛ bin ɛ ɛtɛp e tɛɛtɛ nɔ́á: bi ɛ di edum kon nɛ Zɛɛb ɔɔ, bi ɛ di ààsa mɛso ɔɔ, bi ɛ nɛ ghwyil ɛsa ɛsa mɛbwala dhaa yii mɛ sa nɛ le fiigh'ak ɛ. Bi ɛ nɛ ghwyil eke nɛ ɛtsok ɛlak nɔ́á: “Ghɛɛa nyɛl tin, dusa, kɛghaaga tɔ boo dii,” yɛ ɛpɛsɛɛ.

²² Bi ɛ dum kon nɛ Zɛɛb ɔɔ, esɛsɛɛ djas bi aawaab tɔ mɛndjaala ɛ, Zɛɛb ɛ waadjɛ bin yɛ ɛ.»

Ɛzɛ nadjɛ Yezu ɛghɛɲ?

23 Bhii tak, Yezu eezɛni tɔ kok Ndjaa-ebuwa, nyɛ moo tin elyo bot mɛkpa ɛ Zɛɛb. Eboo bɛghaa-Zɛɛb, nɛ bɛpaa ɛ eYuda zokazyɛ pɛ daa lɛ zɛdji nyɛ náá: «Kɔ eghɛɲ e zɛ wɔ di esa esesɛɛ binek? Ɛzɛ nadjɛ wɔ eghɛɲ e tak?»

24 Yezu eezɛbɔɔza nɛ nɔɔ náá: «Bwoodka, mɛ pookodji bin kiya wat. Bi ɛ bɔɔza mɛ ɔɔ, ye ɛ mɛ aakalɛɛ bin kɔ eghɛɲ e zɛ mɛ di esa esesɛɛ binek.

25 Ye ɛ ɛzɛ nadhis Zan, nyɛ zɛduu bot Zɛɛb? Ye nabe ɛ Zɛɛb “ohoo”, ye nabe ɛ mot?» E di'enek, bɛ moo tin esɔs pak'ɔɔ. Bɔɔ náá: «Mena aake nenak náá: “Ye ɛ Zɛɛb ɛ nadhis nyɛ” ɔɔ, nyɛ waadji mena náá: “Ɛtɛp yé bi nadi ààmyaal Zan?»

26 Mena aakake nenak náá: “Ye ɛ bot ɛ nadhis nyɛ” ɔɔ, ye goka ɛ náá, bis kaab ɛdhuu ɛ bot, ɛtɛɛ náá, bɛ dyeebake ɛ náá, Zan nabe ɛ ngoolel-mɛkpa ɛ Zɛɛb.»

27 Bɛ ɛ boozɛbɔɔza nɛ Yezu náá: «Bis ààgu.» Tin, Yezu ɛ boozɛbulal nɛ nɔɔ náá: «Dɔɔ nɛ mam pɛ, mɛ aanàkwaalɛɛ bin kɔ eghɛɲ e zɛ mɛ di esa esesɛɛ binek.»

Kana bɔn bá

28 Yezu eebaazɛke nɛ nɔɔ náá: «Yak kwyɛl ɛlɛɛ bin yé? Motom ngɔt nabe ɛ nɛ bɔn bɛbá. Nyɛ eezɛke nɛ yii mɛgwyak náá: “Mɔn'am, dwoo ɛlak mos, tɔ kɛsa mɛsa tɔ pyeeb'am e vin.”

29 Nyɛ eezɛbɔɔza nɛ sɛɛg: “Hoo, mɛ aanàkwaatɔ.” Ba ɛwala eezɛdhaa bhii tak, mɔn'enɔk eezɛdjɛ lyem mɛbɛ, tin, nyɛ eezɛnɔɔ nyɛl, tɔ pɛ pyeeb vin sɛɛg nalwom nyɛ ɛ.

30 Wɔ gwaa sɛɛg'ɔɔ baazelwom mɔɔ dhyyeb. Mɔn tak eezɛmyaal: “Iyoo, mɛ waatɔ.” Bhii tak, nyɛ kadi ɛ, ààtɔ.

³¹ Tin, tɔ bɔn binɔk bebá, ɛzɛ looba dum nɛ lwomel sɛɛg'ɔɔ?» Bɛ eezɛbɔɔza nɛ Yezu náá: «Ye é mɔn mɛgwyak.» Tin, Yezu é boozeke nɛ nɔɔ náá: «Mɛ lɛɛ bin é ɛtɛp e tɛɛtɛ náá, bɛnɔɲel ɛ epata e lapo nɛ boa ɛ mɛzɔ é waaleeni tɔ ɛyon ɛ Zɛɛb ɛsok nɛ nen.

³² Etɛɛ náá, Zan Nduuel-bot nazyɛ é zɛlyaal bin ze epiki, bi nabe é ààmyaal nyɛ. Tin, bɛnɔɲel ɛ epata e lapo nɛ boa ɛ mɛzɔ naamyaaal nyɛ. Bela náá, dáa bi naabee yɛ ɛ, bi nabe é ààliig elyem bin, bi ààpakomyaal-myaalak nyɛ.»

Kana bot ɛ mɛsa mɛ bɛ na embee elyem

³³ «Gwakeka dhiiti kana. Mot ngɔt naabe pyeeb ele di edjɛ bhum bɛ di esa mɛnyok mɛ vin nɛ yɛ ɛ. Nyɛ eezɛpeeb pyeeb tak, pu guk tɔ ɛkok é di bɛ aadi esyaal mɛdii mɛ bhum tak ɔ, baasum ndjaa, étɛp bot aadi ebaal pyeeb ɔ. E di tak, nyɛ eezɛdjɛ bot ɛ di egu mɛsa mɛ vin ɔ ɛtɛp bɛ neesa mɛsa tɔ tak. Nyɛ eezɛnɔɔ nyel, tɔ mɛdjɔɲ.

³⁴ Tin, mbu epyeeb e tak di ewum ɛ, yɛ eezɛkum. Wɔ gwaa, nakuma pyeeb zokazɛlwom bot ɛ mɛsa mɛ pɛ daa bot ɛ nyɛ nalik bɛ nɛ pyeeb ɔ, étɛp bɛ needjɛ nyɛ yɛ pak vin bɛ bela ɛ.

³⁵ Wɔ gwaa, bot ɛ nalik nɛ pyeeb ɔ, zokazɛmet bɛ. Bɛ eezɛduma ngɔt é nyel nɛ mɛbin, bɛ eenɔɔ nwyak gó nyɛ, zɛnɔɔ nwyak tak, bɛ eezɛwus nyɛ nɛ mɛkok, gó nyɛ.

³⁶ Bhii tak, nakuma pyeeb é boozekeyeed bot ɛbuɛpe dhaa bot ɛ nyɛ nalwom sok ɔ, pɛ pyeeb tak, bɛ nabaazosa nɛ nɔɔ é deenek.

³⁷ Bhii tak, nyɛ é boozeɛlwom mɔn'ɛ met. Nyɛ nabe é nɛ geka náá: “Bot binɔk é waamyaaal nyɛ nɛ ɛdjɛ nyɛ duu, etɛɛ náá, yɛ é mɔn'ɛ met.”

38 Dáa bot ɛ nadi esa mɛsa tɔ pyeeb ɛ nabee mɔn'enɔk ɛ, bɔɔ náá: “Yawee! Beeka mot aalik nɛ mɛvu mak djas ɔ! Dhaka, mena góka nyɛ. Tin, mɛvu mak aakadi é, yenabelka.”

39 Wɔ gwaa, bɛ zɛmɛt nyɛ, mwas nyɛ bhii pyeeb vin, bɛ eezɛgɔ nyɛ.»

40 Yezu é boozɛdji bɛ náá: «É di'enek, é sok nakuma pyeeb aakazyɛ é, nyɛ goka nɛ esa bot binɔk dáa?»

41 Yala yɔbɔ kabɛ é náá: «Yɛ goka é nakuma pyeeb gó bot ɛ nadi esa mɛsa tɔ pyeeb'ɛ ɔ ààgek bɛ ghon. Bhii tak, da nyɛ é nɔɔ pyeeb, djɛ nɛ bot ɛ sis aazɛdjɛ nyɛ yɛ pak ɛkɛɛ ɔ.»

42 E di'enek, Yezu é booke nɛ nɔɔ náá: «Bi dinaa ààpaalaa mɛkpa mak tɔ ekwyala e Zɛɛb é?

“Ɛkok ɛ bɛsumel mwas é,
yɛ moo é ɛkok ɛ di epyet ndjan ɛ.

Yɛ é nɛ ghwyil ɛ Ghɛɲ.

Yɛ é tin ɛ boo mbyok éɛp'enaſ!”»

43 Yezu eeaaazɛkɛl náá: «Mɛ lɛɛ bin é náá, bi é waadɛkaa Ɛyon ɛ Zɛɛb, éɛp yɛ needjɛaa nɛ bot ɛ mbyak aadi edjɛ bhum ɔ. [

44 Mot aaduma kɔ ɛkok ɛ tak ɔ, nyɛ waabik. Yɛ kabɛ náá, ɛkok ɛ kakwyit kɔ mot ɔ, mot tak ɛpetwaalel. Nyɛ moo eghutu-ghutu.]»

45 Gwaka bɛ nagwak kana tak ɛ, eboo bɛghaa-Zɛɛb, nɛ eFalizyɛ nabɛ é, bɛ eegu náá, Yezu nalii é nɛ nɔɔ.

46 Bɛ é boozɛkan ɛsaa mɛpek éɛp bɛ neemɛt nyɛ. Bɛ nadi é nɛ bwɔɔ ekaab mɛdhuu mɛ bot ɛ nadi tin ɔ. Bot ɛ tak nake é náá, Yezu é ngoolel-mɛkpa ɛ Zɛɛb.

22

Kana ɛbyon ɛ ɛba

¹ Yezu eebaazekan ɛlii nɛ bot tɔ kana. Nyɛy náá:

² «Beeka sa di enɔŋel nɛ Ɔyon ɛ di tɔ gwoo ɛ: Dhiiti mɛkoozi naazɛdjóo ɛbyon ɛtɛp ɛba ɛ mɔn.

³ Ye ɛ nyɛ kazɛlwom bot ɛ mɛsa mɛ, bɛ kɛdjóo bot ɛtɛp ɛdɛ edee ɛbyon ɛ ɛba. Tin, bot ɛ tak ààpakakwyl ɛzyɛ.

⁴ Bhii yenek, nyɛ eebaazɛlwom bɛdhiiti bot ɛ mɛsa mɛ ɛ yak kɔkɔ nɛ bhaadal náá, bɛ kɛlɛɛ bot náá: “Edee moo ɛ ndjaaba. Mɛ eezegó engɔmbɛ nɛ etaa bam na mɛdɛl. Esa djas moo ɛ koobela. Dha dɛka ɛbyon.”

⁵ Tin, bot ɛ nadjóaaa ɔ, ààkobis-bisak, mot nɛ mot naaghɛɛ yɛ nyɛl, tɔ mɛze mɛ. Nwyak tɔ pɛ pyeeb'ɛ, nwyak tɔ pɛ nyɛ di ebɔmsa esa bɛ ɛ.

⁶ Bak bot zokazɛmɛt bot ɛ mɛsa mɛ kukuma yenɔk nalwom ɔ, duma bɛ ɛ mɛnyɛl nɛ mɛbin, bɛ ɛ boozɛgɔ bɛ.

⁷ Mɛkoozi zokazɛkpaa lyem: nyɛ ɛ bookazɛlwom esodja bɛ, bɛ gɔ bot ɛ nagó bot bɛ ɔ. Bhii tak, da bɛ ɛ dik eghaada bɔɔ.

⁸ Bhii tak, nyɛ eezɛlɛɛ bot ɛ mɛsa mɛ náá: “Edee ɛ ɛbyon ɛ ɛba moo ɛ koobela. Bot ɛ djóaaa bɛ zɛdɛ ɔ, ààkɔa nɛ ɛdɛ edee ɛ tak.

⁹ Wyiska, da bi ɛ tɔ kɔ eboo egba. Djóoka mot djas bi aaboma nɛ nɔɔ ɛ, bɛ zɛdɛ edee ɛ ɛbyon ɛ ɛba.”

¹⁰ Bot ɛ mɛsa zokazɛtɔ egba nɛ egba, kɛdjóo bot djas bɛ aaboma nɛ nɔɔ ɔ, bɛmbɛɛ ɛ bot nɛ bɛmbɛɛ bot. Tin, koo bɛ nakoobal ɛtɛp ɛbyon ɛ naalwood “kpep”.

¹¹ «Tin, mɛkoozi eezɛni tɔ koo tak, ɛtɛp nyɛ neek-abee bot ɛ zye zɛdɛ edee ɛbyon ɔ. E di'enek, nyɛ kabee kuku bot ɛ dhiiti mot ààbɛ nɛ kaad di egoka nɛ ɛbɔtaa ɛ mɛbyon ɛ.

¹² Nyɛ ɛ boodji nyɛ náá: “Mɔɔ sɔ'am, wɔ ni wak dáa, wɔy ààbɛ nɛ kaad bot di egoka nɛ ɛbɔt ɛtɛp ɛ ɛbyon ɛ?” Tin, mot'enɔk kadɪ ɛ, ààbɔɔza kiya mɛkoozi menɔk.

¹³ Tinaak mɛkoozi eezɛlwom bot ɛ mɛsa mɛ náá: “Mɛtka mot'enɔk, da bi ɛ kɔl nyɛ mɛko nɛ mɛmbɔ. Bhii tak, da bi ɛ mwas nyɛ pɛ kel, tɔ ghooghom. Penek aadi ɛ mɛgwyɛ nɛ ɛkwaal ɛ metsok.”»

¹⁴ Yezu eebaazɛbil náá: «Ye ɛ, etɛɛ náá, bot ɛbuɛpɛ ɛ waadjóaa. Tin, bot aasɛɛaa ɔ ààdyeebabu.»

Efute e lapo nɛ mɛkoozi Sezaad

¹⁵ EFalizye zokakɛboma ɛtɛp ɛdjek dáa bɛ di egoka nɛ esa, bɛ neekwyesal Yezu nɛ mɛdjɪn ɛtɛp nyɛ neebela ndjɛ kɔ mɛkpa mɛ ɛmet ɛ.

¹⁶ Bɛ ɛ boozɛkyeed bɛdhiiti bɛdjekɛl bɔɔ, nɛ bot ɛ zɛɛga ɛ mɛkoozi Elood, bɛ zɛɛɛ nɛ Yezu náá: «Lyɔel, bis nɛ gu náá, etɛp ee wɔ di elɛɛ ɛ, ye ɛ etsɛɛtsɛ. Wɔ lyɔ bot ɛ epiki dáa mot di egoka nɛ ɛkɛ dáa Zɛɛb di ekwyɛl ɛ. Wɔ ààbɛm ba nɛ sa mot di egek tɔ lyem'ɛ ɛ, etɛɛ náá, wɔy ààdyeebagwyák sa bot di esa ɛtɛp bɛ neetela mɛnyɛl ɛ.

¹⁷ Lɛɛa bis, tɔ yɔ egeka dáa wɔ di ebee ɛ: etsi bina lɛɛ ɛ náá, bot tuud lapo nɛ mɛkoozi Sezaad, mena tuudka ohoo mena nàtuudka?»

¹⁸ Dáa Yezu nadi egu mbee mɛpek mɔɔ ɛ, nyɛ ɛ boozɛbɔɔza nɛ nɔɔ náá: «Bot ɛ mɛdjhaaz pɛ ɛko, bhimis pɛ si! Etɛp yɛ bi di ekwyɛl ɛwa mɛ tɔ mɛbhowal?

19 Pookolyaalka mɛ falanga wat bot di etuud lapo nɛ yɛ ɛ, ɛtɛp mɛ neebɛɛ.» Wɔ gwaa, bɛ zɛzyɛ nyɛ nɛ mɔɔ falanga wat.

20 Bhii tak, Yezu ɛ boozɛdji bɛ náá: «Kɔ gh-wooz'ak, yɛ lulaa ɛbhwoob ɛ zɛ? Ye ɛ din ɛ zɛ di kwyala kɔ tak?»

21 Bot binɔk eezɛbɔɔza nɛ Yezu náá: «Ye ɛ yɛ Sezaad.» Tin, Yezu ɛ boozɛke nɛ nɔɔ náá: «Djɛka mɛkoozi Sezaad sa di náá yɛ ɛ yɛ Sezaad ɛ, da bi ɛ djɛ Zɛɛb sa di náá, yɛ ɛ yɛ Zɛɛb ɛ.»

22 Gwaka bɛ nagwak eyala ɛ Yezu deenɛk ɛ, yɛ nabɛ ɛ, bɛ naadyɛɛbadjoka ɛlyɛɛpɛ. Bhii tak, bɛ boozɛnɔɔ mɛnyɛl, tɔ yɔbɔ.

Mɛdjin dum nɛ tɛp ɛgom bhis ɛsyɛɛ

23 Dwoo tak wat, bɛdhiiti eSadusɛɛ zokazyɛ pɛ daa Yezu. ESadusɛɛ ɛ bot ɛ di ke náá, bot aanàgom bhis ɛsyɛɛ ɔ. Bɛ eezɛdji kiya,

24 bɔɔ nɛ Yezu náá: «Lyoel, mɛkana ɛ Moiiiz lɛɛ ɛ náá: “Mot ɛ gwyɛ ààlik mɔn ɔɔ, yɛ goka ɛ náá, dhyyɛɛb mot lik ɔ, ba kus myɛl ɛtɛp nyɛ neekwyyiida tel gwyɛ ɔ*.”

25 Bela tin, tɔ lɔɔg'es, yɛ nabɛ ɛ nɛ bɔn botom ɛtɛn nɛ bɛbá. Mot mɛgwyak eezɛba, dáa nyɛ kagwyɛ ɛ, nyɛ kalik kus myɛl nadi ààbɛ nɛ mɔn ɔ nɛ dhyyɛɛb.

26 Mot nabɔɔba nyɛ ɛ kanɔɔ moma bhii kon'ɛ. Nyɛy eebaazɛkpaa nɛ mɛsyɛɛ, gwyɛ, ààlik mɔn. Tyɛɛ wat nɛ mot nabaazyɛ bhis yɛnɔk ɔ. Tin, bɔɔ djas bɛtɛn nɛ bɛbá kadi ɛ, ààbya nɛ moma yɛnɔk.

27 Bhis ɛsyɛɛ ɛ bɔɔ djas, moma eebaazɛkpaa nɛ mɛsyɛɛ, gwyɛ.

* 22:24 Dɛt 25.5-6.

28 Dwoo bot aagom bhis ɛsyee ɛ, moma yenɔk aakadi mwaa zɛ pak bɔɔ beten nɛ bebá? Etɛɛ náá, bɔɔ djas nabe é botom be!»

29 Yezu eezɛbɔɔza nɛ nɔɔ náá: «Bi é tɔ ɛdjak, etɛɛ náá, bi ààmɛt ɛnyɔɛpe sa di kwyala tɔ mɛkana mɛ Zɛɛb ɛ. Bi ààgu ghwyil ɛ Zɛɛb!

30 Etɛɛ náá, é ghɛɲ bot aagom bhis ɛsyee ɛ, botom nɛ boa aanákwaabaabael. Boa pe aanàni mɛba, etɛɛ náá, bot djas aadi é, dáa efofop tɔ gwoo.

31 Dum nɛ tɛp ɛgom bhis ɛsyee, bi dinaa ààpaalaa sa Zɛɛb lɛɛ kɔ ɛsu ɛ tak ɛ? Nyɛ naake é:

32 “Ye é mam, Zɛɛb ɛ Abalaam, yɛ Izak, nɛ Zɛɛb ɛ Zakɔɔb†.” Yezu eebaazɛke náá: «Zɛɛb tok Zɛɛb bot ɛ zegwyɛ ɔ. Nyɛ é Zɛɛb bot ɛ di nɛ tsik ɔ.»

33 Ye nabe é, mɛlyo mɛ tak naadyeebakwyɛsa tɔ elyem e mɛdhuu mɛ bot ɛ nadi egwak nyɛ ɔ.

Tsi di edhaa etsi djas ɛ

34 Dáa eFalizyɛ nagwak náá, Yezu naadiyal eSaduseɛ enuub ɛ, bɛ é boozɛsɛɛga.

35 Dhiiti lyoel etsi e Zɛɛb naazɛkwyɛl ɛbhoal Yezu. Nyɛy nɛ nɛ náá:

36 «Lyoel, yaa tsi di edhaa etsi djas?»

37 Yezu kabɔɔza nɛ nɛ náá: «“Wɔ goka é, wɔ kwyɛl Ghɛɲ Zɛɛb'ɔ, nɛ lyem'ɔ djas, nɛ sisim'ɔ djas, nɛ etselal ɛ lɔ djas‡.”

38 Yenek é di boo tsi. Ye é tsi di dhaa etsi djas ɛ.

39 Gwaka tsi di ebɔɔba yii mɛkɛn ɛ: “Wɔ goka é, wɔ kwyɛl sɔ'ɔ mot dáa wɔ di ekwyɛl nyel'ɔ ɛmet ɛ§.”

40 Etsi ɛ Moiiz djas nɛ mɛlyo mɛ bɛngooel ɛ mɛkpa ɛ Zɛɛb pyet é kɔ etsi binek ebá.»

† 22:32 ɛwy 3.6 ‡ 22:37 Det 6.5 § 22:39 Mɛs 19.18

Yezu Klisto ɛ mɔn zɛ?

⁴¹ Efalizyɛ nadi ɛ, to yɔbɔ zɛɛga. Yezu ɛ boozeɗji be náá:

⁴² «To yebɔ egeka, Mesia ɛ zɛ?» Be ɛ boozeboɔza ne ne náá: «Nyɛ ɛ dha ɛ Dhavid.»

⁴³ E di'enek, Yezu ɛ boozeke ne nɔɔ náá: «Ye nakosa dáa náá, Dhavid ne ghwyil Sisim na Dɛɛ djoo nyɛ “Gheɲ”? Etɛɛ náá, Dhavid naake náá:

⁴⁴ “Gheɲ Zɛɛb nake ne Gheɲ'am ɛ náá:

Dha disi pe mbɔ eghɛɲ bam.

Mɛ waalwom bot ɛ mɛbhuka mɔ lwoma bhel náá, be zedhaa si mɛko mɔ*.”»

⁴⁵ «Yɛ be náá, Dhavid nyɛ ɛmet naadjoo nyɛ “Gheɲ” ɔ, ɛ yaa tyɛ Mesia aakabaadi dha yɛ?»

⁴⁶ Bɔɔ djas moo tin «kup», ààbe ne ɛkpa eloo bhis ɛtɛp djas Yezu nalii ɛ. Kana dwoo elenek, bot nabe ɛ ààkadjheebal ɛdji nyɛ mɛdjɛɲ.

23

Yezu eezɛdul bot mɛlɔ dum ne beghan ɛ mɛkana mɛ etsi ne eFalizyɛ

¹ Wɔ gwaa, Yezu zɛlii ne mɛdhuu mɛ bot ɛ nadi tin ɔ, dɔɔ ne bɛdjekel be.

² Nyɛy ne nɔɔ náá: «Mɛsa mɛ beghan ɛ mɛkana mɛ etsi ne eFalizyɛ zɛlyo bot dum ne dáa etsi ɛ Moiiɛ di egoka ne ɛkɛ ɛ.

³ Bi goka ɛ ne elooba ne nɔɔ, da bi ɛ sa esesɛɛ be aalwom bin ɛ, djas. Yɛ kabɛ mɛfulu mɔɔ ɔ, sa mot ààsa dáa bɔɔ. Etɛɛ náá, be ààsa esesɛɛ ee be di elyo bot ɛ.

⁴ Be ɛpekanal mɛkɔm mɛ na dil-dil di ɛlyelɛpe ɛ ɛbɛp ɛ, be kakɛl ɛ kɔ mɛbyak mɛ bot. E di'enek, be

* 22:44 Mɛd 110.1

kadi ɛ, ààkwyɛl ɛkokee-keeak nɛ dʒin bɛ neekogek mɛdil mɛ mɛkɔm mɛ tak.

⁵ Bɛ sa esesɛɛ bɔɔ dʒas ɛ, ɛtɛp bɛ neetela mɛnyel. Deenek, yɛ kabɛ ekwɔyala eɛ mɛkpa mɛ Zɛɛb bɛ di ebɛk ɛ ebhata-bhwoob bɔɔ nɛ ɛ mɛmbɔ mɔɔ ɔ, bɛ sa epɛk e tak ɛ ebɔkɛpɛ. Yɔbɔ ekel eɛ di lataa kɔ ekaad ɛ, nɛ elɔbɔ bɔɔ nɛ dyeebadjaa dhaa tyɛ.

⁶ Tɔ mɛbyon, bɛ dyeebakwyɛl ɛdisi ɛ kɔ mɛbhóó mɛ koobelaa ɛtɛp bot ɛ duu ɛ. Yɛ kabɛ tɔ ndjaa mendjaala mɛ eYuda ɔ, bɛ dyeebakwyɛl ɛnɔŋ ɛ mɛbhóó mɛ pɛ sok ɛ di bɛ aatela mɛnyel ɛ.

⁷ Bɛ dyeebakwyɛl ɛ bot swos bɛ nɛ duu kɔ mɛbɛsɛɛ ɛ di bot di ɛbuɛpɛ ɔ. Bɛ kwyɛl ɛ, bot dʒóo bɛ “Lyoel”.

⁸ «Yɛ kabɛ biyɔ ɔ, nàkeka náá, bi dʒóoaa “Lyoel”, etɛɛ náá, biyɔ dʒas ɛ bɔn sɛɛg ngɔt. Bi ɛ nɛ lyoel ngɔt.

⁹ Sa mot ààdjóo mot kɔ bɔs'ak “Sɛɛg'es” etɛɛ náá, biyɔ dʒas ɛ bɔn sɛɛg ngɔt, Sɛɛg'en ngɔt di pɛ tɔ gwoo ɔ.

¹⁰ Nàkwyɛlka náá, bot dʒóo bin “Kukuma” etɛɛ náá, kukuma yen ɛ ngɔt, Mɛsia.

¹¹ Mot ɛ kwyɛl ɛdi mot ɛsok ɛ lɔɔg ɔɔ, yɛ goka ɛ nyɛ di tyee mot-mɛsa mɛ bɔn nyɛɛg.

¹² Mot di eben nyɛl tɔ bɛsɔ ɔ, nyɛ waasilaa. Mot di esil nyɛl tɔ bɛsɔ ɔ, nyɛ waabenaa.»

Yezu ɛpɛlyaal mɛkɔŋ mɛ bɛghan ɛ mɛkana mɛ etsi nɛ eFalizyɛ

¹³ «Haa kpaa-ghon nɛ nen, biyɔ bɛghan ɛ mɛkana mɛ etsi nɛ eFalizyɛ, bot ɛ mɛdʒhaaz pɛ ɛko, bhimis pɛ si! Bi ɛpediyal bot ɛbɛ ɛ ɛyon ɛ di tɔ gwoo ɛ. Biyɔ bɛmet, bi aanàkwaani, tin, bi ààkwyɛl náá, bot ɛ di ekwos ɛni ɔ, bɛ ni tɔ ɛyon ɛ tak.

[

14 «Haa kpaa-ghon nɛ nen, biyɔ bɛghan ɛ mɛkana mɛ etsi nɛ eFalizye, bot ɛ mɛdjhaaz pɛ ɛko, bhimis pɛ si! Bi ɛpedɛk bɛkus ɛ boa esa bɔɔ djas. E di tak wat, bi nɛ kwyɛl ɛdul ɛ mendjaala na “kpɔkɔlɔm” ɛtɛp ɛtela mɛnyel tɔ bot. E tɛp tak ɛ di nɔ́á, bi ɛ waapɛ́ɛaa ɛ ɛpɛ́ɛ wat di na lyɛl-lyɛl, ààbɛ nɛ ghon ɛ!]

15 «Haa kpaa-ghon nɛ nen, biyɔ bɛghan ɛ mɛkana mɛ etsi nɛ eFalizye, bot ɛ mɛdjhaaz pɛ ɛko, bhimis pɛ si! Bi ɛ ɛpetɔ mɛdjon ɛ edi djas kɔ bɔs nɛ kɔ eboo mɛdhii mɛ mɛson, ɛtɛp ɛsaa mot ngɔt di emyaal ɛdjaala Zɛɛb eYuda ɔ. Tin mot ɛ kadu bin ɔɔ, bi kaliig yii zaag mot ɛ mbi mot di egoka nɛ du na kɔm-kɔm ɛ, dhaa-dhanak biyɔ bɛmet.

16 «Haa kpaa-ghon nɛ biyɔ bot ɛ edhim, biyɔ bot ɛ di edjɛed bot ɔ. Bi dyeebalɛɛ ɛ nɔ́á: “Mot ɛ tuwal myon nɛ mɛson kɔ Ndjaa-ebuwa ɔɔ, yɛ aanàsa sonok. Nyɛ katuwal myon nɛ mɛson kɔ lɔɔd di tɔ Ndjaa-ebuwa ɔɔ, nyɛ goka ɛ nɛ esa sa nyɛ tuwal myon nɛ mɛson kɔ ɛsu ɛ tak ɛ.”

17 Bi ɛ endjemet e bot, bot ɛ edhim! Ƴyé di dhaa metan tin, yɛ lɔɔd “ohoo” nɛghu Ndjaa-ebuwa di edjɛ lɔɔd edɛɛ ɛ?

18 «Bi baalɛɛ ɛ nɔ́á: “Mot ɛ tuwal myon nɛ mɛson kɔ mesa ebuwa ɔɔ, yɛ aanàsa sonok. Nyɛ katuwal myon nɛ mɛson kɔ buwa di kɔ mesa ebuwa tak ɔɔ, nyɛ goka ɛ nɛ esa sa nyɛ tuwal myon nɛ mɛson kɔ ɛsu ɛ tak ɛ.”

19 Biyɔ bot ɛ edhim! Ƴyé di dhaa metan tin, ɛsa e buwa “ohoo” nɛghu mesa ebuwa bɛ di eka gha kɔ tak ɛ?

20 Yɛ bɛ nɔ́á, mot eetuwal myon nɛ mɛson kɔ mesa ebuwa ɔɔ, nyɛ tuwal yɛ ɛ kɔ mesa ebuwa dɔɔ

nɛ kɔ esa e buwa ee di kaaa kɔ mesa ɛ.

²¹ Mot ɛ di etuwal myon nɛ mɛson mɛ kɔ Ndjaa-ebuwa ɔɔ, nyɛ tuwal myon nɛ mɛson mɛ tak ɛ dɔɔ nɛ kɔ din ɛ Zɛɛb mot di tɔ ndjaa tak ɔ.

²² Mot di etuwal myon nɛ mɛson, da nyɛ ɛ nɔɔ gwoo dɔɔ tyaasɛs ɔɔ, nyɛ tuwal yɛ ɛ kɔ bɔɔ mɛkoozi ɛ Zɛɛb nɛ din ɛ Zɛɛb, mot di kɔ tak ɔ.

²³ «Haa kpaa-ghon nɛ nen, biyɔ bɛghan ɛ mɛkana mɛ etsi nɛ eFalizyɛ, bot ɛ mɛdjhaaz pɛ ɛko, bhimis pɛ si! Bi dyeebakwyɛl ɛ etuud Zɛɛb nɛ endiyal kam e nadjeebe nɛ eka e na mbɛɛ mɛnuub zɛnɔɔ aghomkɔtɔ. Tin, bi kadjisa ɛ etɛtɛ mɛlyo mɛ di nɛ boo mɛsuk tɔ etsi ɛ. Mɛlyo mɛ tak ɛ: epiki, enɛm esa, nɛ ɛkɛ dɔɔ Zɛɛb di ekwyɛl ɛ. Yenɛk djas ɛ sa di egoka nɔɔ, bot du mɛlu djas nɛ zii, ààbet dhiiti sonok ɛ.

²⁴ Biyɔ, bɛdjɛɛdel, bot ɛ edhim! Bi ɛpesyal mɛnyok mɛn ekaab nɔɔ, ba mɔɔ kuɲ ɛ zɛkɛdhaa tɔ tak, ghuna bi ɛpemin boo tu yaaga kyee dik bɛsyɛ di ààbɛ nɛ mɛdii ɛ!

²⁵ «Haa kpaa-ghon nɛ nen, biyɔ bɛghan ɛ mɛkana mɛ etsi nɛ eFalizyɛ, bot ɛ mɛdjhaaz pɛ ɛko, bhimis pɛ si! Bi gwyii ɛ kon bɛɛɛ nɛ kon saan, tin pɛ tɔ mɔ tak kadi ɛ “tɔɔɔ” nɛ mendi mɛ embee mɛfulu mɛn: esa e djii nɛ embee mɛkwosak mɛn.

²⁶ Biyɔ eFalizyɛ, bot ɛ edhim! Pookogwyiika sok tɔ mɔ bɛɛɛ. Tin, pɛ kon tak ɛ waadjhaazal.

²⁷ «Haa kpaa-ghon nɛ nen, biyɔ bɛghan ɛ mɛkana mɛ etsi nɛ eFalizyɛ, bot ɛ mɛdjhaaz pɛ ɛko, bhimis pɛ si! Bi ɛ dɔɔ mɛvit nasumaa ɛnyɔpɛ da ɛ lɔɔbaa ɛpyaab ɛ. Enɛm e tak nyɛn ɛ pɛ kel ɛ mis mɛ bot, ghuna tɔ tak, yɛ ɛ ɛbyok ɛ egwyɛs ààbɛ nɛ tsik nɛ ebet esonok.

28 Ye ɛ dɔ́a biyɔ, bot ɛ di ebee bin ɔ, bɛ ke ɛ náá, bi ɛ bot ɛ epiki. Ghuna pɛ tɔ len, ye ɛ “tɔɔ” nɛ mɛdjhaaz pɛ ɛko, bhimis pɛ si nɛ embee esesɛɛ.

29 «Haa kpaa-ghon nɛ nen, biyɔ bɛghan ɛ mɛkana mɛ etsi nɛ eFalizye, bot ɛ mɛdjhaaz pɛ ɛko, bhimis pɛ si! Bi ɛpesum embɛɛ mɛvit ɛtɛp bɛngooel ɛ mɛkpa ɛ Zɛɛb. Bi ɛpekoobal nɛ ɛsɔn ɛ mɛvit mɛ bot ɛ epiki.

30 Bi dyeebake ɛ náá: “Mena ɛpedi ɛ, dika ɛ ghen bɛbhaab binaka ɔɔ, pɛ mena nabe ɛ ɔ́agwakel nɛ nɔɔ ɛtɛp ɛgɔ ɛ bɛngooel ɛ mɛkpa ɛ Zɛɛb.”

31 Deenek, bi ɛpemyaal biyɔ bɛmet náá, bot ɛ nadi egɔ bɛngooel ɛ mɛkpa ɛ Zɛɛb ɔ nabe ɛ bɛbhaab bin.

32 Ɛbɛsɛɛ'enek tsabidibila, belaka, duka ko bɛbhaab bin nalik bin ye ɛ. Silalka mɛsa mɛ bɛ nakan ɛ.

33 Bɛnyɔ, mbyak mɛgel! Bi aasa dɔ́a ɛtɛp bi needi ɔ́akɛdyak tɔ du na kɔm-kɔm?

34 «Gwakeka mɛ ɛnyɔɛpɛ: mɛ waadhis bin bɛngooel ɛ mɛkpa ɛ Zɛɛb, bɛtson ɛ bot, nɛ embɛɛ bɛghan ɛ mɛkana mɛ etsi. Bi ɛ waagɔ bɛdhiiti, bi ɛ waabem bɛdhiiti tak ɛ mɛlaaba. Bi ɛ waabi bɛdhiiti nɛ eghwyɛs tɔ mɛndjaa mɛ mɛndjaala mɛ eYuda men. Bi ɛ waadu bɛ nɛ swaka eghaada nɛ eghaada ɛtɛp bi neegɔ bɛ.

35 Tinaak, guka náá, ɛbiyo djas bot di esa kɔ bot ɛ epiki kana ɛsyee ɛ Abhɛl mot epiki, keyaka nɛ ye Zakali mɔn Balakyi bi nagɔ pak Di na Dɛɛ ɛ Ghɛn nɛ mɛsa-ebuwa ɔ, ye waabulelɛlaa kɔ len.

36 Mɛ lɛɛ bin ɛ ɛtɛp ɛ tsɛtɛ náá, ɛfute ɛ embee esesɛɛ binek ɛ waabulelɛlaa kɔ bot ɛ di ɛ dwoo mena dika mos'aak.»

Yezu eedje kɔ ɛsu ɛ ghaada Yeluzalem

³⁷ «Yeluzalem! Yeluzalem wɔy mot di egó bɛngooelɛ ɛ mɛkpa ɛ Zɛɛb ɔ, wɔy mot di egó bot ɛ Zɛɛb di edhis ɔ, nɛ mɛkok. E sok edhen mɛ di ekwyɛl ɛsɛɛg bot ɛ di kɔ dɛl ɛ lɔ dɔ́a nabwa-kuu di ɛsɛɛg bɔn bɛ si mɛbhap mɛ ɛ, biyɔ ààkwyɛl!

³⁸ Deenek guka náá, ndjan'en é waalik wum!

³⁹ Nɛ tsɛɛtsɛ, mɛ lɛɛ bin é náá, bi aanákabaabee mɛ, kana dwoo pan mos'ak, kɛyaka nɛ dwoo bi aake náá: “Mɛnyɔ nɛ mot aazyɛ nɛ din ɛ Ghɛɲ ɔ!”»

24

Yezu eelii dum nɛ tɛp ɛwaaz ɛ Ndjaa-ebuwa

¹ Dɔ́a Yezu nadi ewyis tɔ Ndjaa-ebuwa é, bɛdjekɛl eezɛtiila pɛ daa lɛ étɛp bɛ neelyaal nyɛ zumal Ndjaa-ebuwa.

² Tin, Yezu moo zɛlii nɛ nɔɔ, nyɛy nɛ nɔɔ náá: «Bi ɛpebee esa djas di tin ɛ? Mɛ lɛɛ bin é etɛp e tsɛɛtsɛ náá, ɛkok wat aanákwaalik yak kɔ yii. Djas é waawaazel.»

Mezuk nɛ mɛtiiga

³ Yezu eezɛdisi kɔ ɛtsok ɛ pyeeb oliv, bɛdjekɛl eezɛdu nyɛ é ngwoob. Bɔɔ nɛ nɛ náá: «Lɛɛa bis esesɛɛ binek sael den? Lyaala bis endem e bis aagu náá, wɔ moo é kɔ ɛbula nɛ náá, bɔs moo é kɔ ɛsi ɛ.»

⁴ Yezu eezɛbɔɔza nɛ nɔɔ náá: «Dika nɛ etson, sa mot ààkɔɔ bin.

⁵ Etɛɛ náá, bɛtɛ nɛ bot é waazyɛ nɛ din ɛ lam. Bɛ waalɛɛ bin náá: “Ye é mam é di Mɛsia!” Bɛ waasa náá, bot ɛbuɛpɛ kat ɛdum kon nɛ Zɛɛb.

⁶ Bi é waagwak bot elii etɛp e mɛɛb é ngwoob'en nɛ menduk mɛ mɛɛb mɛ di pɛ etseta ɛ. Sa mot

ààbem ba etɛɛ náá, ye goka é, esesɛɛ binek sée. Tin, guka náá, yenek tok mɛsi mɛ bɔs.

⁷ Dhiiti mbyak é waaghɛɛ, kɛlumela dɛɛb nɛ yak mbyak. Dhiiti ɛyon é waakɛghɛɛ, kɛlumela dɛɛb nɛ yak ɛyon. E bɛdhiiti edi, bɔs é waakuu, pwom edee é waani kɔ mɛl.

⁸ Mɛzel menek djas aadi é dáa endem e mɛkɛn ɛsuula ɛbyel ɛ mɔn.

⁹ Bot é waakɛpit bin, étɛp bi neezukaa. Tin bot é waagó bin. Membyak djas é waabhina bin kɔ ɛsu ɛ lam.

¹⁰ E sok'enek, bot ɛbuɛpe é waakat ɛdum kon nɛ Zɛɛb. Bot é waapitel pak'ɔɔ. Bɛdhiiti é waabhina bɛsɔ bɔɔ.

¹¹ Bɛtɛ nɛ bɛngoolɛl ɛ mɛkpa ɛ Zɛɛb yii mɛkɔŋ é waatuula, bɛ waakɔɔ bot ɛbuɛpe.

¹² Dáa ye di náá, embee esa é waazɛdhaa tɔ elyem e bot ɛ, kwyɛl tɔ elyem e bot ɛbuɛpe waatyaa.

¹³ Tin, mot aakɛ nɛ ɛwa zii, kɛkum pɛ ɛsik ɔ, nyɛ waabela tsik.

¹⁴ Mbɛɛ Bhaadal dum nɛ ɛyon ɛ Zɛɛb aadi é egoolɛl kɔ ɛko ɛ bɔs'ak djas, étɛp, bot djas di ààgu Zɛɛb ɔ neegwak yɛ. Bhii tak ɛ ɛsik ɛ bɔs aakakum.»

Boo mezuk

¹⁵ «Bi aabee mot na mbee mesyem mɛ na lyel-lyel dáa ngoolɛl-mɛkpa ɛ Zɛɛb Daniel nalɛɛ ɛ, nyɛy ebe di tɔ Di na Dɛɛ. Ye goka é bot ɛ di egu ɛlaa mɛkana ɔ tiibal ɛnyɔɛpe!

¹⁶ Etɛp tak é di náá, bot aadi pɛ kyee dik Yude ɔ, kan ekaab, tó pɛ tɔ mɛtsok.

¹⁷ Mot aadi kɔ mii ndjan'ɛ ɔ nábaasul pɛ si zɛni tɔ ndjaa étɛp ɛkɛnɔɔ sonok.

¹⁸ Mot aadi tɔ pyeeb ɔ, nàbaasik pɛ dɛl, kɛnɔɔ ndjookuwa yɛ.

¹⁹ Haa kpaa-ghon dwoɔ ɛlenek nɛ boa aadi nɛ mɛbum ɔ, zɛnɔɔ boa aadi nɛ bɔn edɛ mɛbel ɔ!

²⁰ Djaalaka nɛ Zɛɛb ɛtɛp, bi ɛ zɛkɛwyis ekaab ɛ mbu bebhi, nɛghu ɛ dwoɔ saba!

²¹ Etɛɛ nàá, ɛɛwala tak, mezuk ɛ waadhaa mezuk mɛ mena zebɛɛ, kana bɔs nakusel ɛ, kɛyaka nɛ dwoɔ pan mos'ak. Yɛ aanàkwaakabaabɛ nɛ mbi mezuk deenek.

²² Zɛɛb nyɛ ɛmet ɛpedi ààbɛk bim mɛlu mɛ tak ɔɔ, pɛ yɛ tok nɛ mot aatsak. Yɛ nyɔ ɛ, bi gu nàá, Zɛɛb bɛk bim mɛlu mɛ mezuk menek ɛ, kɔ ɛsu ɛ bot ɛ nyɛ nazeɛɛɛ ɔ.

²³ Dhiiti mot ɛ lɛɛ bin nàá: “Beeka Mɛsia di wak e!” nɛghu bɛ lɛɛ nàá: “Mɛsia ɛ poon!” ɔɔ, sa mot ààmyaal.

²⁴ Etɛɛ nàá, bɛmɛsia mɛ etsal nɛ bɛngooelɛ ɛ mɛkpa ɛ Zɛɛb yii mɛkɔŋ ɛ waatuula ɛbuɛpɛ. Bɛ waasa ɛtɛp e mɛbwala nɛ bɛmɛvyɛkɛɛ ɛbuɛpɛ ɛtɛp bɛ neekɔɔ bot, dɔɔ nɛ bot ɛ Zɛɛb nazeɛɛɛ ɔ.

²⁵ Gwakeka, mɛ dul bin mɛlɔ ɛsok nɛ esɛɛɛ binek kum tɔ len.

²⁶ «Yɛ bɛ nàá, bɛ lɛɛ bin ɛ nàá: “Beeka, nyɛ ɛ pɛ tɔ kyee dik bɛsyɛ di ààbɛ nɛ mɛdii!” ɛ, nàtɔka. Nɛghu bɛ kalɛɛ bin ɛ nàá: “Beeka, yɛ sɔwa ɛ wak!” Sa mot ààmyaal, nyɛ tok tin.

²⁷ Dáa ngwyɛs di ekas tɔ gwoo, dus pɛ ɛdjɛm ɛ dwoɔ, kɛtɔ pɛ ɛbil ɛ dwoɔ ɛ, Sɛɛŋɛɛ Mɔn Mot aazyɛ ɛ deenek.

²⁸ Enen ɛɛ di edɛ epuud ɔ dyeebasɛɛga ɛ ɛ di muu tit di ɔ.»

ɛbula ɛ Sɛɛŋɛɛ Mɔn Mot

29 «Ààbɔya batsa bhii ɛwala ɛ mezuk menek aadhan ɛ, bi é waabee náá, gwyɛ é waagwyyid dhɔɔ, ngɔn aanàkabaakas, ekwyikwyen é waadus tɔ gwoo, kwyit é bɔs, esa e mɛbwala djas di tɔ gwoo ɛ waadheegel.

30 Tin, ndem ɛ Sɛɛɲɛɛ Mɔn Mot é waanyen tɔ gwoo. Membyak djas di kɔ bɔs ɛ, yɛ aadi é, tɔ etsim nɛ mɛgwyɛ. Tin, bɛ waabee Sɛɛɲɛɛ Mɔn Mot esul tɔ eguud tɔ gwoo nɛ bɛtɛ nɛ mɛbwala nɛ duma.

31 Boo tɔɲ é waalɔɔɛl. Tin, nyɛ waalwom efofop pɛ é edum e bɔs djas, bɛ neekɛsɛɛg bot djas Zɛɛb nazeséɛ ɔ, kan yak edum e bɔs, keyaka nɛ yak edum.»

Mɛlyo dum nɛ le fiigh

32 «Nɔɔka etson nɛ kana le fiigh: dǎa mɛdii mɛ le fiigh aadi, ye moo byet tɔ elɛɛ e tak ɛ, eka moo baakwyyil é tak ɛ, bi nɛ gu náá, mbɛɛ mbu eezekunaa.

33 Ye é tyɛ wat nɛ biyɔ, é sok bi aabee endem binek moo nyen ɛ, guka náá, ɛbula ɛ Sɛɛɲɛɛ Mɔn Mot moo é, yɛ eezekɔ. Yɛ aasaɛl é deenek.

34 Mɛ lɛɛ bin é etɛp e tsɛtɛsɛ náá, bot ɛ membu mak aanàkwaagwyɛ djas esonok bak ààsaɛl.

35 Gwoo nɛ bɔs é waadhaa, ye é kabɛ mɛkpa ɛ Zɛɛb ɔ, yɛ aanàkwaadhaa.»

Zɛɛb nyɛy nyɛ ɛmet é di egu ɛwala ɛ mɛsik mɛ bɔs

36 «Yɛ kabɛ dum nɛ dwoo nɛ ɛwala ɛ esesɛɛ binek aasaɛl ɛ, ye tok nɛ mot ngɔt di egu, ààkobɛ-bɛak efofop tɔ gwoo, dɔɔ nɛ Mɔn Zɛɛb pɛ ààgu dwoo tak. Ye é Sɛɛg nyɛ ɛmet ɛ di gu.

37 ɛbula ɛ Sɛɛɲɛɛ Mɔn Mot aadi é, dǎa sa naséɛ é ghɛɲ Noe ɛ.

³⁸ Etɛɛ náá, é ghɛɲ tak, ɛsok nɛ boo bhyon nɛ zye, bot nadi é, tɔ mɛmyaala, edɛ edee, edɛ bɛmɛnyok, eba boa, ekyeed mɛsyɛs mɔɔ é mɛba, kɛkum dwoɔ Noe nani tɔ mɛsuwa ɛ.

³⁹ Bot nabɛ é àábɪs, kɛkum dwoɔ boo bhyon nazɛsilal bɔɔ djas na “bhɛɛɛ” ɛ. Yɛ aabaadi é, deenek dwoɔ Sɛɛɲɛɛ Mɔn Mot aabula ɛ.

⁴⁰ E ghɛɲ tak é di náá, bot ɛbá é waadi tɔ pyeeb. Ngɔt é waanɔɲaa, nwyak ngɔt é waalik.

⁴¹ Boa ɛbá é waadi edum bhum tɔ bwak wat. Ngɔt é waanɔɲaa, nwyak ngɔt é waalik.

⁴² «Dika nɛ etson! Bɛɛka mis etɛɛ náá, bi ààgu dwoɔ Ghɛɲ'en aaboozyɛ é.

⁴³ Gwakeka sa mɛ di elɛɛ é, yɛ bɛ náá, nakuma ndjan ɛpedi egu ɛwala ɛ pum mot djii aazyɛ zɛdjii tɔ ndjan'ɛ ɔɔ, pɛ nyɛ aanàkwaadja gó, éteɖ nyɛ neelu mot djii yenɔk, nyɛ nàni tɔ ndjan'ɛ.

⁴⁴ Ye é mɛ di elɛɛ bin náá, bi bɛ é mis, nàpeebaka, etɛɛ náá, Sɛɛɲɛɛ Mɔn Mot aatuula é é ɛwala bi aadi ààbwood nyɛ ɛ.»

Mot-mɛsa mɛ na sosoob nɛ etson

⁴⁵ «Ɛzɛ di mot-mɛsa mɛ na sosoob nɛ etson? Ye é mot-mɛsa kukuma yɛ djɛ nyɛ mɛsa mɛ ɛbaal ɛ bɛsɔ nɛ ɛdjɛ bɛ edee bɔɔ é ɛwala bɛ di egoka nɛ ɛdɛ ɛ.

⁴⁶ Mɛnyɔ nɛ mot-mɛsa menɔk, yɛ bɛ náá, kukuma yɛ aabula, nyɛ é zɛbela nyɛ, nyɛy esa mɛsa mɛ menɛk ɔ.

⁴⁷ Mɛ lɛɛ bin é etɛɖ e tɛɛtsɛ náá: kukuma yenɔk é waadjɛ mot-mɛsa menɔk esa bɛ djas nyɛ baal.

⁴⁸ Yɛ kabɛ náá, nyɛ é mbee mot-mɛsa di ààbɛ sosoob nɛ etson ɔɔ, nyɛ aake é náá: “Kukuma aanàkwaaleebula.”

⁴⁹ Deenek, nyɛ aadi é, ezuk bɛsɔ di esa mɛsa bɛ nɛ bɛ nɔɔ ɔ, nɛ ɛkɛdɛdɛ bɛ mɛnyok bɛ nɛ bot ɛ zegel mɛnyel mɔɔ tɔ mɛnyok ɔ.

⁵⁰ Tin, kukuma yɛ aabula ɛ é dwoo nyɛ aadi ebwaal náá, nyɛ aanàkwaazyɛ ɛ.

⁵¹ Kukuma yenɔk é waasɔ mot-mɛsa menɔk. Da nyɛ é wa nyɛ é di mezuk, é di wat nɛ bot ɛ lwalɛɲ. Bhii tak nyɛ é wus nyɛ pɛ kel pɛ bot ɛ di edje mɛgwyɛ nɛ ɛkwaal ɛ mɛtsok di ɛ.»

25

Kana mɛsyɛs kam

¹ «Eni tɔ ɛyon ɛ di tɔ gwoo é aadi é, dáa kana mɛsyɛs kam nanɔɔ elama bɔɔ, wyis, étɛp bɛ neekɛboma nɛ motom di ekwyɛl ɛba ɔ.

² Bɛtɛn pak'ɔɔ nadi é, endjemet e mɛsyɛs. Bak bɛtɛn kadi é bɛtson ɛ bɔɔ boa.

³ Endjemet e mɛsyɛs menɔk nanɔɔ yɔbɔ elama é, àànɔɔ ba mul, nɛ gu yii di tɔ elama é waasi.

⁴ Yɛ kabɛ bot ɛ nadi bɛtson ɔ, bhii bɛ nanɔɔ elama ɛ, yɛ nabɛ é bɛ naatɔ nɛ yak bim bɛmul bɛ nakwom ɛ.

⁵ Tin, motom kadi é, ààleetuula. Gó naazɛsa bɔɔ mɛsyɛs menɔk, wɔ gwaa, bɔɔ djas zɛkpaa nɛ gó ndjaasi.

⁶ «É di'enek, wɔ gwaa, boo tuud zokazɛgék kuku ɛgha ɛ pum náá: “Beeka motom ɛba! Kɛbomaka nɛ nɛ.”

⁷ Tin mɛsyɛs kam menɔk é boozɛdjɛm, bɛ moo tin ekoobal elama bɔɔ.

⁸ Tin, mɛsyɛs mɛ nadi endjemet ɔ naazɛke nɛ bɛtson náá: “Bi é nɛ ghwyil ɛbɛk bis ba mul mɛ lama batsa, etɛɛ náá, elama bis ɛpedim.”

9 Mesyes me nadi betson ɔ ɛ boobɔɔza ne nɔɔ nɔɔ: “Hooo, ààbɛ! Etɛɛ nɔɔ, bim bis di ne ye ɛ, ye aanàkwaadjala menabelka djas. Ye nyɔ ɛ, bi kebɔm yebɔ tɔ edjando.”

10 Tin, endjemet e bɔɔ mesyes menɔk eezetɔ, kebɔm yɔbɔ bɛmul. Bhii kon'ɔɔ, motom eba eezekum, nye zokanɔɔ ɛ betɛn ɛ nadi betson ɔ. Nye ɛ boozeni ne nɔɔ tɔ ndjaa nakoobelaa ɛtɛp eba ɛ. Bhii tak, bɛ eezekɔɔl ɛbɛ ɛ ndjaa ne engon.

11 Bhii ba ɛwala kadhan ɛ, bɛdhiiti bɔɔ mesyes menɔk eezɛbula, bɛ moo tin etsim nɔɔ: “Ghɛɔ, Ghɛɔ diia bis ɛbɛ ɛ ndjaa!”

12 Motom eba eezɛbɔɔza ne nɔɔ nɔɔ: “Mɛ lɛɛ bin ne tsɛɛtɛ ɛ nɔɔ, mɛ ààgu bin.”»

13 Bhii tak, Yezu eebaazɛke ne nɔɔ nɔɔ: «Bɛɛka mis, nàdjaka egɔ. Dika ne etson etɛɛ nɔɔ, bi ààgu dwoɔ ne ɛwala ɛ tak.»

Kana bot ɛ mesa bɛlɛl

14 «Yɛ aadi ɛ, dɔɔ dhiiti motom nadi ekwyɛl ɛtɔ mɛdjɔɔ, nye ɛ boozɛdjɔɔ bot ɛ mesa mɛ, da ɛ lik bɛ ne esa.

15 Nye ɛ boozɛnɔɔ mɛdhɛɛb mɛ lɔɔɔ ɛtɛn, djɛ mot mɛkɛn. Mot nabɔɔba ɔ, nye kadje nye ɛ mɛdhɛɛb mɛ elɔɔɔ ebá. Mot nazye bhii mot bhɔɔba ɔ, nye kadje nyɛy ɛ ɛdhɛɛb lɔɔɔ wat. Nye zokadje mot ne mot ɛ sa di edjala ne ghwyil'ɛ ɛ, bhii tak nye eezetɔ ye.

16 Mot-mesa nabela mɛdhɛɛb mɛ lɔɔɔ ɛtɛn eezetɔ, ye keliig mɛmbɔ ne lɔɔɔ'enek. Wɔ gwaa nye baazɛbela mɛdhɛɛb mɛ lɔɔɔ ɛtɛn kɔ yii nye nadjɛaa sok ɛ.

17 Ye ɛ tyɛ wat ne mot nabela mɛdhɛɛb mɛmbá ɔ, nye nabaasa ye ɛ dɔɔ mot ɛsok nasa ɛ. Wɔ gwaa, nye

baabela mɛdhɛɛb mɛ lɔɔd membá kɔ yii nyɛ nalikaa nɛ yɛ ɛ.

¹⁸ Mot nabela ɛdhɛɛb ɛ lɔɔd wat ɔ, nyɛ naatɔ kɛpu bɔs, da ɛ nɔɔ yɛ, syɛl yɛ pɛ si bɔs.

¹⁹ «Bɛtɛ nɛ mɛlu bhii tak, kukuma bot ɛ mɛsa mɛnɔk eɛzɛbula. Bhii tak nyɛ moo zɛdji bɛ dɔ́a bɛ nadi ebe lɔɔd nyɛ nalik bɛ nɛ yɛ ɛ bhii kon'ɛ.

²⁰ Mot-mɛsa na mɛdhɛɛb mɛtɛn ɛ boozɛlyaal yɛ mɛdhɛɛb mɛtɛn mɛ nyɛ nabaabela ɛ. Nyɛy nɛ kukuma yɛ náá: “Ghɛɲ, wɔ nadjɛ mɛ ɛ mɛdhɛɛb mɛ lɔɔd mɛtɛn. Bɛɛa dhiiti mɛdhɛɛb mɛ lɔɔd mɛtɛn mɛ mɛ baabela ɛ.”

²¹ Kukuma yɛ ɛ booke nɛ nɛ náá: “ɛnyɔɛpɛ! Wɔ ɛ mbɛɛ mot-mɛsa nɛ esosoob. Wɔ eesa mbɛɛ mɛsa nɛ sa dem. Mɛ waadjɛ wɔ yii di bu ɛ. Dha myaala ɛ di wat nɛ nam.”

²² Mot-mɛsa nabela mɛdhɛɛb mɛ lɔɔd ebá ɔ, baazyɛ yɛ. Nyɛy náá: “Ghɛɲ, wɔ nadjɛ mɛ ɛ mɛdhɛɛb mɛ lɔɔd ebá. Mam eɛbaabela yak mɛdhɛɛb membá kɔ tak. Bɛɛa yɛ.”

²³ Tin, kukuma yɛ eɛzɛkɛ nɛ nɛ náá: “ɛnyɔɛpɛ! Wɔ ɛ mbɛɛ mot-mɛsa nɛ esosoob. Wɔ eesa mbɛɛ mɛsa nɛ sa dem. Mɛ waadjɛ wɔ yii di bu ɛ. Dha myaala ɛ di wat nɛ nam.”

²⁴ «Bhii tak, mot nabela ɛdhɛɛb ɛ wat ɔ, nyɛ eɛzɛzyɛ ɛ yɛ kɔkɔ. Nyɛ nɛ kukuma náá: “Ghɛɲ, mɛ nɛ gu náá, wɔy nɛ goo lo dhaa nyɛl. Wɔ dyɛɛbakɛnɔɔ edɛɛ ɛ tɔ ɛpyɛɛb ɛɛ wɔ di ààbɛ ɛ. Wɔ dyɛɛbakɛbók bhum ɛ, tɔ pyɛɛb wɔ nadi ààbɛ ɛ.

²⁵ E tɛp tak ɛ mɛ gwak bwoo. Mɛ ɛ bookɛsyɛl lɔɔd'ɔ tɔ bɔs. Bɛɛa lɔɔd'ɔ, nɔɲa.”

²⁶ E di'enek, kukuma yɛ ɛ boobɔɔza nɛ nɛ náá: “Mbɛɛ mot-mɛsa, tyaabel. Wɔ kɛ ɛ náá, wɔ nɛ gu náá, mam dyɛɛbakɛnɔɔ esa e dɛk ɛ tɔ pyɛɛb mɛ di

àámwam bhek ε. Mε kebók bhum é tó pyeeb mε nadi ààbε ε.

²⁷ Gwaka mε, wó di àànóò lóòd'am, kewa tó eboo mendjaa mε bε di ebaal epata e bot ε, étεp yé? Wóy epedi é, di tsonj mot óó, pe bula mε bula ε, mε kazεbela é dhiiti lóòd eezekala kó yii mε nalik ε.

²⁸ Dekeka nyε εdhεεb ε lóòd'enek, da bi é djε mot di nε mεdhεεb kam ó.

²⁹ Etεε náá, mot aadi nε ba bim sonok ó, bε waabil nyε dhiiti, étεp ye neebu. Tin, mot aakadi toto ààbε nε sonok ó, bε waadek nyε dóó nε eghutu-ghutu nyε lik nε yε ε.

³⁰ Yε kabε mbee mot-mεsa mak ó, zyeegalka nyε pε kel, tó ghooghom, tó di mεgwyε nε di εkwaal ε metsok.”»

Dáa bot aapéeaa é εsik ε bós ε

³¹ «É sok Sεεηεε Mòn Mot aazyε tó duma yε bε nε efofop bε djas ε, nyε waazεdisi kó bóó mεkoozi mε.

³² Membyak djas di kó bós é waazεsεεga sok bhwoob'ε, bhii tak nyε waawa membek pak bot dáa mbaalel mεsaa di ewa mbek pak ebhata nε etanj ε.

³³ Nyε waanεεg ebhata pε mbó eghεη, etaa pε mbó εmyεl.

³⁴ Tin, mεkoozi waalεε nε bot aadi pε mbó eghεη ó náá: “Biyo, bot ε Saag'am zesεε mεtel ó, dhaka pε kak. Dhanika tó Eyonj ε Zεeb naloozekoobal bin yε é sok nyε nadi ekus bós ε.

³⁵ Etεε náá, za naasa mε, bi naadjε mε edee. Mε naagwak gwyεs mεdii, bi naadjε mε mεdii. Mε nadi é ndjonj, bi naamyaal mε tó mendjaa men dáa mòn nyεεg'en.

³⁶ Mɛ nadi ɛ ben toto, bi naabet mɛ. Mɛ naabɛ́, bi naagwom mɛ. Mɛ naani membok, bi naazyɛ zɛbee mɛ.”

³⁷ «Deenek bot ɛ nake tɔ epiki ɔ aabɔɔza nɛ nɛ náá: “Ghɛɲ! Yaa dwoo bis nabee wɔ nɛ za, da bis ɛ djɛ wɔ edee? Yaa dwoo wɔ nadi nɛ gwyɛs mɛdii, da bis ɛ djɛ wɔ mɛdii?”

³⁸ Yaa dwoo wɔ nadi ndjon, da bis ɛ djɛ wɔ di tɔ mendjaa mes? Yaa dwoo wɔ nadi ben toto, da bis ɛ bet wɔ?

³⁹ Yaa dwoo wɔ nadi ebɛ́, da bis ɛ zyɛ, zɛgwyák wɔ? Yaa dwoo wɔ nadi ɛ membok, da bis ɛ zyɛ zɛbee wɔ?”

⁴⁰ Mɛkoozi kabɔɔza ɛ náá: “Mɛ lɛɛ bin ɛ etɛp e tsɛɛtsɛ náá, esonok djas bi di esa nɛ mot mɛsik tɔ bɔɔ nyaag'am ɛ, bi sa mbɛɛ esa binek ɛ nɛ nam.”

⁴¹ «Bhii tak, kukuma ɛ waake nɛ bot aadi pɛ mbɔ ɛmyɛl ɔ náá: “Duska mɛ ɛ mis. Tóka ɛtsetaɛpɛ nɛ nam, biyɔ, bot ɛ Zɛɛb zelek ɛbiyoɛpɛ ɔ. Tóka tɔ du di ààdim ɛ. Ye nakoobelaa ɛ, ɛtɛp Dim mot mɛkɔɲ bɛ nɛ efofop bɛ!

⁴² Etɛɛ náá, mɛ nabe ɛ nɛ za, bi nabe ɛ ààdjɛ mɛ edee. Mɛ naagwak gwyɛs mɛdii, bi nabe ɛ ààdjɛ mɛ mɛdii.

⁴³ Mɛ nadi ɛ ndjon, bi nabe ɛ ààdjɛ mɛ di tɔ mendjaa men. Mɛ nadi ɛ ben toto, bi nabe ɛ ààbet mɛ kaad. Mɛ nadi ebɛ́, bi nabe ɛ ààgwom mɛ. Mɛ naani mbok, bi nabe ɛ ààzɛgwyak mɛ.”

⁴⁴ «Wɔ gwaa, bɛ zɛbɔɔza náá: “Ghɛɲ, yaa dwoo bis nabee wɔ nɛ za, nɛ gwyɛs mɛdii, nɛ nɛghu ndjon? Yaa dwoo bis nabee wɔ ben toto, wɔy ebɛ́, nɛghu wɔy ɛ membok, da bis ɛ kadi ààkyee wɔ?”

⁴⁵ Kukuma ɛ boozɛbɔɔza nɛ nɔɔ náá: “Mɛ lɛɛ bin ɛ etɛp e tsɛɛtsɛ náá, esok djas bi nadi ààsa esonok

binek nɛ mot mɛsik to bɔn nyaag'am ɛ, bi nadi ààsa yɛ ɛ nɛ nam.”

⁴⁶ Bɛ waatɔ́, kɛbee mɛsuk na kɔm-kɔm. Yɛ kabɛ bot ɛ epiki ɔ, bɛ waabela tsik na kɔm-kɔm.»

26

Zɛɛga ekukuma egwakel étɛp ɛgɔ ɛ Yezu

¹ Bhii Yezu nasilal mɛlyo mɛ djas ɛ, nyɛ naazɛke nɛ bɛdjekel bɛ náá:

² «Bi nɛ gu náá, yɛ kalik é mɛlu mɛmbá, etɛɛ náá, ɛbyon ɛ Pak neesael. Sɛɛɛlɛ Mɔn Mot é waaseebaa, étɛp nyɛ neekɛbemaa kɔ mɛlaaba.»

³ Tin, eboo bɛghaa-Zɛɛb nɛ bɛpaa ɛ eYuda naazɛsɛɛga to ndjaa mɛkoozi Kayif, mot nadi boo ghaa-Zɛɛb ɔ.

⁴ Wɔ gwaa, bɔɔ djas zokazɛgwakel náá, bɛ mɛt Yezu to syaab, bhii tak, da bɛ é gɔ nyɛ.

⁵ Bɛ nadi eke é náá: «Sa mena ààmɛtka nyɛ dwoo ɛbyon ɛ Pak, é kaab náá, bot é zɛkɛkpaa elyem, da bɛ é sa ɛzɛm.»

Dhiiti moma eezɛso Yezu mɛnanas kɔ lo

⁶ Dáa Yezu nadi pɛ Bhetani to ndjan ɛ Simɔn mot na ɛbɛ ɛ zezam ɛ,

⁷ wɔ gwaa, dhiiti moma zɛni to ndjaa tak zeza nɛ di Yezu nadi é. Nyɛ nadi é, nɛ bɛɛb nasael nɛ ɛkok ɛ albat ɛ «tɔɔɔ» nɛ mɛnanas di nɛ boo mɛtan ɛ. Moma tak zokazɛso mɛnanas mɛnek kɔ lo ɛ Yezu é sok bɛ nadi kɔ mesa ɛ.

⁸ Dáa bɛdjekel bɛ nabɛɛ deenɛk é, yɛ nabɛ é, yɛ nakpaa bɛ elyem. Bɔɔ náá: «Yak é yaa kwaambi puluk?

⁹ ɛnyɔ é náá, bɛ bɔmsa mɛnanas mɛ tak nɛ boo mɛtan, da é nɔɔ epata e tak, djɛ nɛ bɛdjel ɛ bot!»

¹⁰ Ye nabe ɛ Yezu naagu sa be nadi enyinela pak'ɔɔ ɛ. Nye ɛ boozɛke ne nɔɔ nɔɔ: «Betka moma yak gwyem. Eteɸ yɛ bi di ezɛm nye? Sa nye sa kɔ ɛsu ɛ lam ɛ, ye ɛ enyɔɔpe.

¹¹ Ye be ɛteɸ bedjel ɛ bot ɔ, bi ne be nɔɔ ɛ aapaazodi melu djas ɛ ɛ di wat. Ye kabɛ mam ɔ, bi aanɔdi sama ne nam melu djas.

¹² Moma yak so me menanas ɛ nyel'am ɛ, ɛteɸ nye neekan ɛkoobal nyel'am e dwoo mɛdela mam.

¹³ Me lee bin ɛ etɛp e tɛɛtɛ nɔɔ, ɛ edi djas Mbɛɛ Bhaadal aadi egoolaa kɔ bɔs ɛ, tɛɲa moma yak sa ɛ waakaadaa mɛdhik ne mɛdhik. Tin, bot ɛ waataala enɛm esa nye sa kɔ ɛsu ɛ lam ɛ.»

Yudas eezɛka Yezu

¹⁴ Tinaak, djekel ngɔt tɔ bedjekel kam ne beba ɛ Yezu, nadi edjooaa Yudas Iskaliɔt ɛ, zokazɛtɔ pɛ daa eboo beghaa-Zɛɛb.

¹⁵ Nye eezɛdji be nɔɔ: «Mam ɛ ka bin Yezu ɔɔ, bi kadjɛ me yɛ ɛ di tak?» Tin, wɔ gwaa, bot ɛ tak zɛwyisal efalanga mɛkam-mɛlɛl e epata, nɔɔ, laa, bhii tak be eezɛdji nye.

¹⁶ Kana tin, Yudas nabe ɛ, nye moo saa mɛpek ɛteɸ nye neeka be Yezu.

Yezu eezɛde ɛbyon ɛ Pak be ne bedjekel be

¹⁷ E dwoo mɛken me ɛbyon ɛ emapa ee di ɔɔwaaa leviid ɛ, bedjekel ɛ Yezu zɛdji nye nɔɔ: «Wɔ kwyl nɔɔ, bis kekoobal wɔ di mena aadeka edee e ɛbyon ɛ Pak wo ɛ?»

¹⁸ Tin, Yezu ɛ boozɛke ne nɔɔ nɔɔ: «Tɔka pɛ dɛl, pɛ daa dhiiti mot, da bi ɛ lee nye nɔɔ: “Lyoel ke ɛ nɔɔ: ɛwala ɛ lam eezekum. Mam ne bedjekel bam aade ɛbyon ɛ Pak'ak ɛ pɛ tɔ ndjan'ɔ.”»

19 Tin, bɛdjekɛl ɛ bookɛsa dɔ́a Yezu nalɛɛ bɛ ɛ. Bɔɔ zokazɛkoobal nɛ ɛdjaab edee ɛbyon ɛ Pak.

20 Dɔ́a dwoɔ nakabɛ, yɛ moo bikoko ɛ, Yezu eezɛdisi kɔ mesa bɛ nɛ bɛdjekɛl bɛ kam nɛ bɛbá.

21 Dɔ́a bɛ nadi kɔ mesa edɛ ɛ, Yezu ɛ boozɛke náá: «Mɛ lɛɛ bin ɛ ɛtɛp ɛ tɛɛtɛ náá, ngɔt pak'en ɛ waaka mɛ.»

22 Bɛdjekɛl djas moo tin nɛ ghon tɔ elyem, bhii tak, ngɔt-ngɔt moo tin ezɛdji nyɛ: «Ghɛn, yɛ ɛ mam ɛ?»

23 Yezu eezɛbɔɔza nɛ nɔɔ náá: «Yɛ ɛ mot duu mbɔ tɔ saan wat bis nɛ nɛ ɔ aapaaka mɛ.

24 Yɛ ɛ tɛɛtɛ, Sɛɛɛlɛ Mɔn Mot ɛ waagwyɛ dɔ́a ekwyala di elɛ kɔ ɛsu ɛ lɛ ɛ. Tinaak, boo ghon nɛ mot aakɛka nyɛ ɛ mɛmbɔ mɛ mbee bot ɔ. Yɛ nabɛ ààgoka náá, mot'enɔk byel!»

25 Yudas, mot nadi ekeka nyɛ gha ɔ ɛ boodji náá: «Lyoel, yɛ kabɛ ɛ mam ɛ?» Yezu ɛ boozɛbɔɔza nɛ nɛ náá: «Yɛ ɛ wɔ ɛmet ɛ ke deenek».

26 Dɔ́a bɛ nadi edɛ kɔ mesa ɛ, wɔ gwaa Yezu zɛnɔɔ mapa. Nyɛ eezɛghaapɛɛ Zɛɛb, bhii tak, nyɛ eezɛpyak mapa tak, nɔɔ, djɛ bɛdjekɛl bɛ. Nyɛy náá: «Nɔɔka yɛ, da bi ɛ dɛ, ɛtɛɛ náá, yak ɛ nyel'am.»

27 Bhii tak, nyɛ eezɛnɔɔ bɛɛlɛ nadi nɛ mɛnyok mɛ vin tɔ tak ɛ, nyɛ eezɛbaazɛghaapɛɛ Zɛɛb, nyɛ eezɛke nɛ nɔɔ náá: «Nɔɔka yɛ, da bi ɛ dɛ biyɔ djas,

28 ɛtɛɛ náá, yak ɛ ghiya yam. Yɛ ɛ ghiya di edjɛ bot ze ɛni tɔ ɛbhɛn ɛ Zɛɛb ɛ, ghiya nasee kɔ ɛsu ɛ bot ɛbuɛpɛ ɛtɛp mesyem mɛ bot neepelel ɛ.

29 Mɛ lɛɛ bin ɛ náá: kana dwoɔ pan mos'ak, mɛ aanàkabaade mɛnyok mɛ vin, kɛkum dwoɔ mɛ aakabaakɛdɛ mɛnyok mɛ na bes menabelka tɔ ɛyon ɛ Saag'am ɛ.»

³⁰ Tin, wɔ gwaa bɛ zɛduwal Zɛɛb tɔ mɛdjeɛb. Bhii tak, bɛ eezɛnɔɔ mɛnyel, tɔ pɛ ɛtsok ɛ pyeeb oliv.

Yezu eezɛɛ nɛ Pyɛɛd nɔ́, nyɛ waaswonal nyɛ

³¹ Tin, Yezu zokake nɛ bɛdjekɛl bɛ nɔ́: «É pum'ak mos, biyɔ djas é waadhuugal mɛ, ɛtɛɛ nɔ́, ɛkwyala lɛɛ nɔ́: “Mɛ waagó mbaalel ebhata. Tin, ɛsaa djas é waawyɛɛza na gwyiin*.”»

³² Yezu eebaazɛbil ɛkpa nɔ́: «Bhii ɛgom ɛ lam, mɛ waatɔ, kɛbwood bin pɛ Ghalile.»

³³ Pyɛɛd zokake nɛ nɛ nɔ́: «Yɛ bɛ nɔ́, bot djas é waakaab wɔ ɔɔ, mam aanákwaakaab wɔ.»

³⁴ Tinaak, Yezu kabɔɔza nɛ nɛ é nɔ́: «Gwaka, mɛ lɛɛ bin é ɛtɛp e tɛɛtɛ nɔ́, é pum'ak mos, ɛsok nɛ kuu nɛ kɔk, yɛ aabela é, wɔ eezɛɛ nɛ bot esok elɛl nɔ́, wɔ ààgu mɛ.»

³⁵ Pyɛɛd eezɛbɔɔza nɛ Yezu nɔ́: «Mɛ tok nɛ gh-wyil ɛke nɛ bot nɔ́, mɛ ààgu wɔ, yɛ nakoozobɛ ɛsyee, mɛ ɛpemyaal nɔ́, menabel bebá gwyɛ.» E di'enek, yɛ nabɛ tin é, bɛdjekɛl djas moo ɛkpa wat.

Yezu eekɛdjaala Zɛɛb pɛ Ghɛtɛsemani

³⁶ Bhis yenek, Yezu bɛ nɛ bɛdjekɛl bɛ naazɛkum pɛ di di ɛdjóaaa Ghɛtɛsemani ɛ. E di tak, nyɛ é boozɛke nɛ nɔɔ nɔ́: «Likeka wak. Mɛ pookotiila poon, kɛdjaala Zɛɛb.»

³⁷ Tin, nyɛ kanɔɲ é Pyɛɛd, nɛ bɔn Zɛbɛde bebá, tɔ nɛ nɔɔ. E di'enek, yɛ nabɛ é, kɛɲ nɛ ghon moo sa nyɛ ɛbuɛpɛ tɔ lyem.

³⁸ Nyɛ eezɛke nɛ nɔɔ nɔ́: «Sisim'am é tɔ ghon saa-sanak nɔ́ mɛ gwyɛ. Likeka wak dika ndjem sama nɛ nam. Nàdjaka egó, djaalaka Zɛɛb.»

* 26:31 Zal 13.7

39 Bhii tak, nyɛ eezetiila batsa pɛ sok, zɛkwyit meboŋ bhwoob si na «ghɔkɔ», nyɛ moo tin edjaala nɛ Zɛɛb náá: «Saag'am, wɔ kwyɛl ɔɔ, wɔ é nɛ ghwyil ɛdis bɛɛɛ mezuk mak sok bhwoob'am. Ye goka é djas sael tɔ ɛkwosak ɛ lɔ, ààkabe yam ɛkwosak.»

40 Bhii tak, nyɛ eezɛsik, tɔ pɛ nyɛ lik bɛdjekel bɛ belɛl binɔk ɛ, nyɛ kazɛbela bɛ é é gó. Nyɛ é boozɛke nɛ Pyɛɛd náá: «Deenek, bi eedja gó! Bi ààpakodi-diak mis membek sama nɛ nam é ɛwala wat é?

41 Dika ndjem, djaalaka Zɛɛb, etɛɛ náá, bi é zɛkɛkwyɛ tɔ mebhowal. Sisim é ghin, tin, epuud nɛ bu elɛɛ.»

42 Yak kɔkɔ, nyɛ eebaazɛsik pɛ pak nyɛ nadi sok ɛ, nyɛ kadjaala é sok tak é dáak: «Saag'am, yɛ kosael náá, bɛɛɛ mezuk mak dhaa mam ààɛ yɛ ɔɔ, ye goka é náá, ɛkwosak ɛ lɔ sael.»

43 Yezu eebaazɛbula pɛ nyɛ nalik bɛdjekel bɛ ɛ, nyɛ kabaazobela bɛ é egó, etɛɛ náá, mis mɔɔ nadi é ɛdilepe.

44 Yak sok, Yezu eebaazɛlik bɛ, zɛbaasik, nyɛ eezɛtseta nɛ nɔɔ. Ye nabɛ é, ɛtɔ ɛ lɛ tyee esok elɛl nyɛ nadi etetɔ kɛdjaala dáa nyɛ nadjedjaala sok ɛ.

45 Tin, Yezu eeɛɛbula pɛ bɛdjekel bɛ nadi é, nyɛy nɛ nɔɔ náá: «Bi dinaa é gó? Bi ɛpewala? Guka náá, ɛwala Sɛɛŋɛɛ Mɔn Mot aaseebaa é membɔ mɛ bot ɛ mesyem ɛ eezedjala.

46 Wyɛlka, ghɛɛka mɛnyel, mena tɔka, etɛɛ náá, mot ka mɛ é membɔ mɛ bot binɔk ɔ, moo é ɛkunaape nɛ nena.»

Yezu eezɛmɛtaa

47 Yezu dinaa ààpaakosilal ɛlii deenek, Yudas, ngɔt tɔ bɛdjekel bɛ eezɛtuula nɛ boo ɛdhuu ɛ bot nɛ

epɛl nɛ ebhil e ele ɛ mɛmbɔ. Eboo bɛghaa-Zɛɛb, nɛ bɛpaa ɛ eYuda ɛ nalwom bɛ.

⁴⁸ Kabela tin ɛ, Yudas, mot naka bɛ Yezu gha ɔ naazelyaal bɛ geka, bɛ aagwyak Yezu nɛ yɛ ɛ: «Mot mɛ aakɛbeedal ɔ, ye ɛ nyɛy, mɛtka nyɛ.»

⁴⁹ Batsa deenek, Yudas eezɛtuula, nyɛ eezɛtiila pɛ daa Yezu, nyɛ eezɛke nɛ nɛ náá: «Mɛ eeswos wɔ, Lyoel!» Bhii tak, nyɛ eezɛbeedal nyɛ.

⁵⁰ E di tak, Yezu ɛ boozɛke nɛ nɛ náá: «Wɛn sɔ'am! Lela ɛsa sa wɔ zyɛ zɛsa ɛ.» Bhii tak, bot ɛ nazyɛ bɛ nɛ Yudas ɔ ɛ boozɛmɛt Yezu.

⁵¹ Tin, wɔ gwaa, ngɔt pak bot ɛ nadi bɛ nɛ Yezu ɔ, zokawaal pɛl, tsaal dhiiti mot-mɛsa mɛ boo ghaa-Zɛɛb ɛlɔ.

⁵² Yezu eezɛke nɛ mot'enɔk náá: «Nɔŋa pɛl'ɔ, da wɔ ɛ bulal tɔ pɛp, etɛɛ náá, bot ɛ di egɔ bɛsɔ bɔɔ bot nɛ epɛl ɔ, bɛ aabaazogwyɛ ɛ nɛ pɛl.

⁵³ Wɔ ààgu náá, mɛ ɛ nɛ ghwyil ɛdjoo Saag'am, nyɛ zɛkwyye mɛ? E di tak wat, nyɛ ɛ nɛ ghwyil ɛdhis mɛ ɛdhuu ɛ esodja efofop ɛbuɛpe kum-kumak mɛdhuu kam nɛ bɛbá.

⁵⁴ Mɛ sa deenek ɔɔ, etɛp ee di tɔ ekwyala aakasael dáa? Etɛɛ náá, ekwyala lɛɛ náá, ye goka ɛ etɛp binek sael deenek.»

⁵⁵ Bhii tak, Yezu eezɛke nɛ ɛdhuu ɛ bot náá: «Ye goka nɛ nen ɛ náá, bi zyɛ nɛ epɛl nɛ ebhil e ele ɛtɛp bi neezɛmɛt mɛ tyee náá, mɛ ɛ mot ɛzɛm ɛ? Dhi mɛlu djas mɛ di ndiindil tɔ kok Ndjaa-ebuwa ɛ lelyo, biyɔ ààmɛt mɛ.

⁵⁶ Esesɛɛ binek sael ɛ, etɛɛ náá, etɛp ee nakwyalaa tɔ mɛkana mɛ Zɛɛb dum nɛ nam ɛ neebela ɛsuk.» Tinaak, bɛdjekel djas ɛ boo zɛghuma nɛ ekaab tɔ yɔɔ.

Yezu sok bhwoob bot ɛ boo kwan eYuda

⁵⁷ Bot ɛ namɛt Yezu ɔ eezetɔ nɛ nɛ pɛ daa Kayif, mot nadi kɔ elo e bɛghaa-Zɛɛb ɔ, ɛ di bɛghan ɛ mɛkana mɛ etsi, nɛ bɛpaa ɛ eYuda nakɛɛɛga ɛ.

⁵⁸ Pyɛɛd nadi edu bɛ, nyɛy ɛtsetaɛpɛ nɛ nɔɔ, batakeni tɔ ɛbɛɛɛ ɛ ndjan ɛ boo ghaa-Zɛɛb. Nyɛy zokani tɔ ɛbɛɛɛ, nɔɔ nyel, disɪ bɛ nɛ bot ɛ di ebaal ndjaa tak ɔ, ɛtɛp nyɛ neebɛɛ dɔɔ tɛp tak aakɛ sik ɛ.

⁵⁹ Eboo bɛghaa-Zɛɛb, nɛ bɛdhiiti bot ɛ boo kwan eYuda nadi esaa dhiiti esua-esua ɛtɛp bɛ needjɛ Yezu epɛɛ e ɛsyɛɛ.

⁶⁰ Ye nakoozodi nɔɔ, bot ɛbuɛpɛ naazezyɛ zɛpit nyɛ nɛ ɛtɛp esua-esua, tin, bɛ nakadi ɛ, ɔɔbɛla sonok. E di tak, wɔ gwaa, bot ɛbɔ zokazyɛ zɛpit nyɛ.

⁶¹ Bɔɔ nɔɔ: «Mot tak naake nɔɔ: “Mɛ waabwak kok Ndjaa-ebuwa e Zɛɛb, da mɛ ɛ sum yɛ tɔ mɛlu mɛlɛl.”»

⁶² Tin, boo ghaa-Zɛɛb eezɛwyɛl, zɛdji Yezu nɔɔ: «Tɔ mɛpita mɛ bot bak zɛpit wɔ'aak, wɔ ɔɔkatanjal yɔ ɛ?»

⁶³ Yezu nabɛ ɛ ɔɔbɔɔza nyɛ. Boo ghaa-Zɛɛb baazɛdji nyɛ nɔɔ: «Tuwala myon nɛ mɛson mɔ nɛ din ɛ Zɛɛb. Lɛɛa bis tɛɛtsɛ tyɛ mwaado: Lɛɛa bis nɛghu wɔy ɛ di Mɛsia Mɔn Zɛɛb!»

⁶⁴ Tin, Yezu eezɛbɔɔza nɔɔ: «Yɛ ɛ wɔy, wɔ ɛmet ɛ ke deenek! Mɛ lɛɛ bin ɛ nɔɔ, kana ɛwala mena dika'aak, bi ɛ waabee Sɛɛɛlɛ Mɔn Mot ndiindil pɛ kyɛɛ mbɔ eghɛɛ ɛ Zɛɛb mɛbwala. Bi ɛ waabee nyɛ ezyɛ kɔ eguud tɔ gwɔɔ.»

⁶⁵ E di'enek, wɔ gwaa, boo ghaa-Zɛɛb zɛnyaa ekaad bɛ, nyɛ ɛ boozeke nɔɔ: «Nyɛ eelee Zɛɛb! Mena tokapɛ nɛ gwyɛs nɔɔ, mot zɛlɛɛ mena sa nyɛ di esa ɛ! Bi eegwak ebyas ɛɛ nyɛ byasal Zɛɛb ɛ.

⁶⁶ Biyɔ kake dǎa?» Bɔɔ djas eezɛbɔɔza nǎá: «Nyɛ ɛ nɛ ndjɛ, nyɛ goka ɛ nɛ esyee.»

⁶⁷ Bhii tak, bɛ eezɛsɛɛ nyɛ mɛtel ɛ bhwoob, bɛ moo tu nyɛ nɛ ekutupo. Bɛdhiiti bot moo tin epak nyɛ mɛbhɛɛz.

⁶⁸ Bɔɔ nɛ nɛ nǎá: «Naŋa! Wɔy Mesia, yɛ ɛ zɛmyak wɔ?»

Pyɛɛd eezɛkɛla Yezu

⁶⁹ Pyɛɛd nadi ɛ ndiindil pɛ kel tɔ ɛbɛsɛɛ. Dhiiti moma nadi esa mɛsa tɔ ndjaa boo ghaa-Zɛɛb ɔ, zɛtiila pɛ daa lɛ. Nyɛ ɛ boozeke nɛ nɛ nǎá: «Wɔy pe, wɔ nadi ɛ, bi nɛ Yezu, mot Ghalile yenɔk.»

⁷⁰ Wɔ gwaa, Pyɛɛd zɛswonal. Nyɛy nǎá: «Mɛ ààgu sa wɔ di kwyɛl elii'enek.»

⁷¹ Bhii tak, Pyɛɛd eezɛswoola di tɔ peeb ɛbɛsɛɛ, tɔ kɛtyaa pɛ ɛniel. Tin, wɔ gwaa, dhiiti moma mɛsa baazɛgwyak nyɛ. Moma tak eezɛlɛɛ nɛ bot ɛ nadi tin ɔ nǎá: «Mot'ak nadi ɛ, bɛ nɛ Yezu, mot Nazalet.»

⁷² Tin, wɔ gwaa, Pyɛɛd baazɛkɛla Yezu kɛla sis, nyɛ eetuwal myon nɛ mɛson nɛ din ɛ Zɛɛb nǎá: «Mɛ lɛɛ bin ɛ tsɛɛtɛ nǎá, mɛ ààgu mot'enɔk.»

⁷³ Bhii tak, bot ɛ nadi ɛ di'enek bɛ nɛ bɛ nɔɔ eezɛtiila pɛ Pyɛɛd nadi ɛ, bɛ eezɛke nɛ nɛ nǎá: «Yɛ ɛ tsɛɛtɛ! Wɔ ɛ mot'ɔɔ, ɛtɛɛ nǎá, elii ɛ lɔ ɛpɛlyaal pɛ kyee dɛl wɔ dus ɛ.»

⁷⁴ E di'enek, Pyɛɛd eezɛben gwood, kɛla. Nyɛ ɛ bookalal: «Zɛɛb Mɛkaake! Mam ààgu mot bi di eke'enɔk!» Batsa deenek, kuu ɛsok eezɛkɔk.

⁷⁵ Tin, Pyɛɛd eezɛtaala sa Yezu nalɛɛ nyɛ ɛ: «ɛsok nɛ kuu nɛ kɔk, yɛ aabɛla ɛ, wɔ eezɛswonal mɛ ɛsok elɛl». E di'enek, Pyɛɛd eezɛwyis, tɔ, nyɛ moo tin edje ɛbuɛpe.

27

Bɛ eezetɔ nɛ Yezu sok bhwoob ɛ Pilat

¹ Tɔ ghooghom mɛlem, eboo bɛghaa-Zɛɛb, nɛ bɛpaa ɛ eYuda zokazɛɛɛga. Tɔ zɛɛga tak, bɛ nagwakel ɛ nɔ́á, bɛ neegó Yezu.

² Bɛ eezɛmɛt nyɛ, kɔl nyɛ mɛmbɔ, zɛnɔɔ nyɛ, tɔ nɛ nɛ pɛ daa Pilat mot nadi kukuma dɛl ɔ.

Ɛsyee ɛ Yudas

³ Dáa Yudas, mot naka nyɛ gha nagwak nɔ́á, Yezu eemɛtaa ɛtɛp nyɛ neekɛgɔ́aa ɛ, ye nabɛ ɛ, nyɛ naadyeebadjɛ lyem mɛbɛ. Tin, nyɛ ɛ bookanɔɔ efalanga mɛkam-mɛlɛl e epata ee eboo bɛghaa-Zɛɛb, nɛ bɛpaa ɛ eYuda nadjɛ nyɛ ɛ, nyɛ eekɛbulal yɛ.

⁴ Nyɛ ɛ boozɛlɛɛ nɔɔ nɔ́á: «Mɛ eekwyɛ ndjɛ! Mɛ eemyaal nɔ́á, mɛ eeka mot baa gwyɛs nyɛ gɔ́aa!» Bot binɔk ɛ boozɛbɔɔza nɛ nɛ nɔ́á: «Yenek ààkagwyák bisɔ, ye gwyák ɛ wɔy.»

⁵ Wɔ gwaa Yudas zokanɔɔ epata binek, mwas tɔ Ndjaa-ebuwa. Bhii tak, nyɛ eezetɔ, kɛtiɲal kel ɛ tsuɲ yeeda.

⁶ Bot ɛ nadi kɔ eboo bɛghaa-Zɛɛb ɔ ɛ boozɛtek epata binek. Bɔɔ nɔ́á: «Etsi bina lɛɛ ɛ nɔ́á, mbi epata dáak ààgoka nɛ ɛbaakɛkwomaa tɔ di epata di ɛkwomaa tɔ Ndjaa-ebuwa ɛ. Etɛɛ nɔ́á, yenek moo ɛ epata e ghiya.»

⁷ Bhii bɛ nazegwakel ɛ, bɛ ɛ boozɛnɔɔ epata binek, kɛbɔm pyeeb mɛɛl mɛbhe mɛ dyak. Bɛ nabɔm yɛ ɛ ɛtɛp ye needi, di mɛvit mɛ bɛdjon.

⁸ Etɛp tak ɛ, bɛ naget pyeeb tak «pyeeb ghiya», kɛkum dɔɔ nɛ dwoo pan mos'ak.

9 Djas yenek nasael ɛ dɔ́a ngoolel-mekpa ɛ Zeɛb Zelemi nalɛɛ ɛ: «Bɛ eenɔɔ bɔɔ efalanga mɛkam-mɛlɛl epata binek, metan me bot ɛ Yisalaɛ nazetiɲal kɔ esu ɛ lɛ ɛ.

10 Tin, bɛ ɛ boozɛnɔɔ epata e tak, bɔm ye nɛ pyeeb ɛ mɛel mɛbhe mɛ dyak, dɔ́a Ghɛɲ nalɛɛ mɛ ɛ*.»

Yezu sok bhwoob ɛ Pilat

11 Yezu eezɛpɛɛaa pɛ daa kukuma. Pilat eezɛdji nyɛ náá: «Wɔ ɛ mɛkoozi mɛ eYuda?» Tin, Yezu eezɛbɔɔza náá: «Wɔy, wɔ ɛmet eelɛɛ!»

12 Bhii tak, dɔ́a eboo bɛghaa-Zɛɛb, nɛ bɛpaa eYuda nakadi esu nyɛ zukamwaa nɛ etɛp ɛ, nyɛ nabɛ ɛ ààbɔɔza nɛ nɔɔ.

13 Pilat eezɛke nɛ nɛ náá: «Wɔ ààgwak mɛpita mɛ bɛ di epit wɔ yenek ɛ?»

14 Tinaak, Yezu kadi ɛ ààbɔɔza bɛ ɛkpa wat. Kukuma naadyeebadjoka nɛ dɔ́a Yezu nadi gwyem, ààbɛɛ nuub ɛ.

Bɛ eezɛpɛɛ Yezu epɛɛ e ɛsyee

15 Esok djas yii eYuda nadi ebebɔl ɛbyon ɛ Pak ɛ, ekukuma bɔɔ nabeɛ ɛ nɛ mɛfulu mɛ ɛpel ɛ mot membok ngɔt yii ɛdhuu ɛ bot aasɛɛ ɛ, da nyɛ ɛ wyiselaa ɛ membok.

16 E di tak, tɔ membok, ye nabɛ ɛ nɛ dhiiti ngék mot membok. Din ɛ lɛ nabɛ ɛ Yezu Bhaalabas.

17 Pilat ɛ boozɛdji ɛdhuu ɛ bot ɛ nadi tin ɔ náá: «Bi kwyɛl náá, mɛ bet bin zɛ? Yezu Bhaalabas “ooho” Yezu, mot di djóaaa Klisto ɔ?»

18 Tin, Pilat nadi egu náá, Yezu namɛtaa ɛ, etɛɛ náá, bɛ nabɛ ɛ nɛ mbee lyem nɛ nɛ.

* 27:10 Zal 11.12-13; Zel 18.2-3; 19.1-2; 32.6-15.

19 Dáa Pilat nadi kɔ bóó epée bɛ ɛ, myɛl zokadhis nyɛ bhaadal náá: «Sa wɔ ààsa mot epiki yenɔk ɛbiyo, etɛɛ náá, mɛ eedyeebazuk é pum'ak mos tɔ dhyaam kɔ ɛsu ɛ lɛ.»

20 E di'enek, eboo bɛghaa-Zɛɛb, nɛ bɛpaa ɛ eYuda moo tin ebesal ɛdhuu ɛ bot, bɛ lɛɛ nɛ Pilat náá, nyɛ wyisal bɛ Bhaalabas, da bɛ é gɔ Yezu.

21 Wɔ gwaa, kukuma Pilat baazɛdji bɛ náá: «Tɔ bot ɛbá bak, bi kwyɛl náá, mɛ bet bin nwyaa?» ɛdhuu ɛ bot binɔk kabulal é náá: «Bhaalabas.»

22 Pilat é boozebaadji bɛ náá: «Mɛ sa dáa nɛ Yezu di djóoaa Klisto ɛ?» Bɛ kabɔɔza nɛ nɛ náá: «Bema nyɛ kɔ mɛlaaba!»

23 Pilat eebaadji bɛ náá: «Yaa etɛp e ɛbiyo nyɛ sa?» Wɔ gwaa, bɛ baazɛtsim ɛlyɛlɛpɛ: «Bema nyɛ kɔ mɛlaaba!»

24 Dáa Pilat nabee náá, bot nadi enenal ɛ, nyɛ é boozenɔɔ mɛdii, gwyii mɛmbɔ mɛ é mis ɛdhuu ɛ bot binɔk, nyɛ é boozeke nɛ nɔɔ náá: «Tɛp ɛsyee ɛ mot'ak àakagwyák mɛ. Ye kagwyák é biyɔ bɛ ɛmet!»

25 ɛdhuu ɛ bot ɛ nadi tin ɔ zokazɛbɔɔza náá: «Beta náá, esesɛɛ binek djas kwyɛ kɔ elo bis nɛ kɔ elo e bɔn bis!»

26 Tin, Pilat é boozeɛwɛl bɛ Bhaalabas, é di'enek nyɛ eezɛlwom bɛ, bɛ bi Yezu nɛ eghwɛs, bhii tak, nyɛ eezɛdjɛ bɛ Yezu, étɛp bɛ neekeɛbem nyɛ kɔ mɛlaaba.

Esodja ɛpeduk Yezu

27 Esodja ɛ Pilat zokatɔ nɛ Yezu tɔ ɛbɛsɛɛ pɛ daa kukuma, é di'enek, bɛ eezɛwa nyɛ kuku ɛbwak.

28 Bɛ eezɛsɔ nyɛ kaad nyɛ nabɔt ɛ, bhii tak bɛ eezɛbet nyɛ ndjookuwa na tɔɔbelaa.

29 Tin, bɛ eezɛnɔɔ lɛɛ le mɛgɔk, pyeed nyɛ kɔtɔ mɛkoozi nɛ yɛ. Wɔ gwaa, bɛ sɔm nyɛ yɛ ɛ ɛ lo, bɛ eezɛsɛk nyɛ mɔɔ le ghwaazok ɛ mbɔ eghɛɲ bɛ. Bhii tak, bɛ eezɛkwyit mɛboɲ sok bhwoob'ɛ, bɛ moo tin eduk nyɛ. Bɔɔ nɛ nɛ náá: «Bis eeswos wɔ, mɛkoozi mɛ eYuda!»

30 Bɛ moo tin esɛɛ nyɛ mɛtel ɛ nyel. Bɛ eezɛdɛk mɔɔ le ghwaazok nyɛ nadi nɛ yɛ ɛ mbɔ ɛ, bɛ eezɛmyak nyɛ nɛ yɛ ɛ lo.

31 Bhii bɛ nasilal ɛduk nyɛ ɛlyelɛpɛ ɛ, bɛ ɛ boozɛdis nyɛ ndjookuwa bɛ nazeβet nyɛ ɛ, bɛ ee-baazɛβet nyɛ ekaad ee nyɛ nadi nɛ yɛ sok ɛ. Bhii tak bɛ eezɛtɔ nɛ nɛ ɛtɛp nyɛ neekɛbɛmaa kɔ mɛlaaba.

Yezu eebɛmaa kɔ mɛlaaba

32 E ghɛɲ bɛ nadi ewyis kɔ dɛl ɛ, wɔ gwaa, bɛ zɛboma nɛ dhiiti mot dɛl Silɛn. Din ɛ mot tak nabɛ ɛ Simɔɲ. Tin, esodja ɛ boolwom nyɛ nɛ bhɛl náá: Nyɛ kwyee Yezu ɛ ɛbɛp mɛlaaba.

33 Tin, bɛ eezɛkum ɛ di bɛ nadi edjoo: Ghologhota ɛ. Din ɛ tak kwyɛl ɛlɛɛ: «Di Bhobho Lo».

34 E di'enek, bɛ ɛ boozɛdjɛ Yezu mɛnyok puuza nɛ dhiiti sonok mɛnyan na gwyee-gwyee. Bhii nyɛ nabowal ɛ, nyɛ ɛ boozɛpɛɛ ɛdɛ yɛ.

35 Bhii tak, bɛ eezɛβem nyɛ kɔ mɛlaaba. Bot ɛ nadi tin ɔ ɛ boozɛkaa ekaad bɛ, bhii bɛ nasa ɛgwyeeɛ ɛtɛp bɛ neesɛɛ mot aanɔɔ ekaad e tak ɔ.

36 Bhii tak, bɛ eezɛdisi tin ebaal Yezu.

37 Bɛ nabɛ ɛ, bɛ eekwyal kɔ lo'ɛ, kɔ ɛko ɛ mɛlaaba mɛsɔ mɛ nyɛ nagóaa ɛtɛp tak ɛ. Ye nakwyalaa ɛ náá: «NWyAK ɛ YEUZU, MɛKOOZI Mɛ EYUDA.»

38 Bɛdhiiti bot ɛ ɛzɛm nɛ etuub bɛbá naabemaa é yɔbɔ mɛlaaba dwoo tak wat, ngɔt pɛ mbɔ eghɛɲ ɛ Yezu, nwyak tak pɛ mbɔ ɛmyɛl ɛ lɛ.

39 Bot ɛ nadi edhaa tin ɔ, bɛ nadi elee nyɛ, nɛ ɛsyaal elo.

40 Bɔɔ nɛ nɛ náá: «Wɔy mot di ekwyɛl ɛwaaz kok Ndjaa-ebuwa, da bhii tak, wɔ é baawɛl yɛ bhii mɛlu mɛlɛl ɔ, tsika nyel'ɔ wɔ ɛmet. Yɛ bɛ náá, wɔ é Mɔn Zɛɛb ɔɔ, sula kɔ mɛlaaba!»

41 Dɔɔ nɛ eboo bɛghaa-Zɛɛb, nɛ bɛghan ɛ mɛkana mɛ etsi, zɛnɔɔ bɛpaa ɛ eYuda moo tin eduk nyɛ. Bɔɔ nɛ nɛ náá:

42 «Nyɛ ɛpetsik bot ɛ sis, nyɛ tok nɛ ghwyil etsik nyel'ɛ nyɛ ɛmet! Nɛ tsɛɛtɛ náá, yɛ é nyɛy é di mɛkoozi mɛ Yisalaɛl é? Nyɛ pookokasul kɔ mɛlaaba éteɖ mena needumka koɲ nɛ nɛ.

43 Nyɛ naadyeebadum koɲ'ɛ nɛ Zɛɛb, nyɛy batakɛ náá: “Mɛ é Mɔn Zɛɛb”. Tin, yɛ bɛ náá, Zɛɛb nɛ kwyɛl nyɛ ɔɔ, nyɛ katsik nyɛ é di'enek nenak!»

44 Bot ɛ ɛzɛm ɛ nadi mbema é mengwoob ɛ Yezu ɔ, moo tin ebaaleɛ nyɛ pɛ mɛkpa mɛ wat tyɛɛ bot ɛ ɛsok nadi elee nyɛ ɛ.

ɛsyɛɛ ɛ Yezu

45 Dáa yɛ nakum kuku mwos ɛ, wɔ gwaa, ɛgwyitok zɛgwyiidɛla kɔ ɛko ɛ bɔs djas, mɛghomla menɛk naabɔya mɛwala mɛlɛl.

46 Tin, é ghɛɲ yɛ nadhaa mɛwala mɛlɛl bhii kuku mwos ɛ, wɔ gwaa, Yezu zɛbo boo tsim: *Eli, Eli, lema sabatani?* Yɛ kwyɛl ɛlɛɛ é náá: «Zɛɛb Saag'am, Zɛɛb Saag'am! Eteɖ yé wɔ bet mɛ mɛ ɛmet deenɛk?»

47 Bɛdhiiti bot pak bot ɛ nadi tin ɔ, zokagwak dáa Yezu natsim ɛ. Bɛ é boozɛkɛ nɛ bɛsɔ bɔɔ náá: «Gwakeka! Nyɛ ɛpedjoo Eli!»

48 Tin, mot ngɔt pak'ɔɔ eezɛwɪs kaab, kɛnɔɔ pes kaad, zɛkɔl ɛ bilɛ ghwaazok, duu tɔ mɛnyok mɛ na bwaaz-bwaaz, nyɛ eesɛɛb Yezu yɛ ɛ, nyɛ needɛ.

49 Tin, wɔ gwaa, bɛdhiiti bot zokake nɔ́á: «Bwooda, mena pookobeeka nɛghu Eli ɛ waazyɛ, zɛdis nyɛ ɛ mɛlaaba.»

50 Bhis yenek, wɔ gwaa, Yezu baazɛbo boo tsim, bhii tak nyɛ zɛsil eswos.

51 E di'enek wat, wɔ gwaa, boo lɛmbɛ nadi tɔ Di na Dɛɛ ɛ Zɛɛb ɛ zokazɛnyɛɛ kuku tak kan pɛ ɛko kɛkum pɛ si. Bɔs dheegel, mɛkok bel,

52 mɛvit diiel. Wɔ gwaa, bot ɛbuɛpɛ nagwɪyɛ bɔɔ edum kɔŋ nɛ Zɛɛb ɔ zokagom.

53 Bɔɔ zokawɪs tɔ mɛvit, bhis ɛgom ɛ Yezu, bɔɔ zokani tɔ Yeluzalɛm dɛl ɛ na dɛɛ, yɛ nabɛ ɛ bot ɛbuɛpɛ nabɛɛ bɛ.

54 Kukuma tɔ lɔɔg esodja nɛ esodja ee nadi tin ebaal Yezu ɔ naabɛɛ dɔ́a bɔs nadheegel ɛ, dɔɔ nɛ edjema djas nasael tin ɛ. Boo bwɔo naazɛsa bɛ ɛlyɛlɛpɛ, bɛ ɛ boozeke nɔ́á: «Tɛɛtɛ, nyɛ nabɛ ɛ Mɔn Zɛɛb.»

55 Bɛtɛ nɛ boa nadi ɛ tin, bɔɔ ebee ɛtsetaɛpɛ sa nasɛɛ ɛ. Boa tak nadidi ɛ, bɛ nɛ Yezu, kana pɛ Ghalile. Mɛsa mɔɔ nabɛ ɛ ɛkwyɛɛ ɛ Yezu.

56 Pak boa ɛ tak, yɛ nabɛ ɛ: Maali, moma dɛl Makdala, Maali nyɛɛg ɛ Zak bɛ nɛ Zozɛf, zɛnɔɔ nyɛɛg bɔɔ Zɛbɛdɛ.

Muu ɛ Yezu eekɛwaaa tɔ ɛvit

57 Dɔ́a yɛ nabɛ dwɔo moo bikoko ɛ, dhiiti kuma mot dɛl Alimate zokazyɛ, din ɛ lɛ nabɛ ɛ Zozɛf. Nyɛ nabaabɛ ɛ ngɔt tɔ bɛdjekɛl ɛ Yezu.

⁵⁸ Wɔ gwaa, nyɛ zokatɔ pɛ daa kukuma Pilat, kɛwaab muu ɛ Yezu. Tin, Pilat ɛ booke nɔ́á, bɛ djɛ nyɛ muu ɛ Yezu.

⁵⁹ Tin, Zozɛf ɛ boozɛnɔɔ bes bheeza na puu, pil muu ɛ Yezu tɔ tak.

⁶⁰ Wɔ gwaa, nyɛ zokanɔɔ muu tak, kɛwa yɛ tɔ ɛvit ɛ nyɛ nakpak tɔ bat ɛkok ɛ. Nyɛ ɛ zokabinjal boo ɛkok ɛ bɛ nasa ɛtɛp bɛ neediyal ɛvit ɛ tak nɛ yɛ ɛ. Bhii tak, nyɛ eezɛnɔɔ nyɛl, sik, tɔ pɛ ndjan'ɛ.

⁶¹ Tin, kabela ɛ, Maali, moma dɛl Makdala nɛ nwyak Maali nadi ebee di bɛ nawa muu ɛ Yezu ɔ.

Esodja ee nadi ebaal ɛvit ɔ

⁶² ɛlu ɛwat bhii tak, yɛ nabɛ ɛ dwoo saba. Eboo bɛghaa-Zɛɛb nɛ ɛFalizyɛ zokazɛtɔ kɛsɛɛga pɛ daa Pilat.

⁶³ Bɔɔ nɛ nɛ nɔ́á: «Ghɛɲ, yɛ bɛ ɛ bis eetaala nɔ́á, na ghaa mɛkɔɲ menɔk, ɛ ghɛɲ nyɛ nadi, nyɛ dinaa nɛ tsik ɛ, yɛ nabɛ ɛ, nyɛ naalɛɛ nɔ́á: “E ghɛɲ mɛ aagwyɛ ɛ, mɛlu mɛlɛl bhii tak, mɛ waagom.”

⁶⁴ Yɛ goka ɛ, wɔ lwom bot nɔ́á, bɛ kɛbaal ɛvit mɛlu mɛlɛl, ɛtɛɛ nɔ́á, bɛdjekɛl bɛ ɛ nɛ ghwyil ɛzɛdjii muu, tɔ nɛ yɛ, da bɛ ɛ kake nɔ́á: “Nyɛ eegom!” Tin, mɛkɔɲ menɛk ɛ waabaagɛk dhaa-dhanjak yii nabɛ sok ɛ.»

⁶⁵ Pilat ɛ booke nɛ nɔɔ nɔ́á: “Beeka esodja ɛtɛp ɛkɛbaal ɛ. Tɔka, kɛbaal ɛvit dɔ́a bi di ɛkwyɛl ɛ.»

⁶⁶ Bhii tak, bɛ eezɛtɔ, kɛkoobal dɔ́a bɛ aakɛbaal ɛvit ɛ. Bɛ ɛ boopyɛt ɛkok ɛ ɛbɛ ɛ ɛvit ɛ tak ɛlyɛlɛpɛ. Esodja ɛ tak eezɛnɔɔ mɛnyɛl, disi tin ɛ ngwoob ɛvit.

¹ Dáa dwoo saba nadhan ɛ, kɛɲ tɔ mɛlem mɛ dwoo mɛkɛn mɛ yenga, wɔ gwaa, Maali moma dɛl Makdala, nɛ nwyak dhiiti Maali zɛtɔ, kɛbee ɛvit.

² Dáa bɛ katɔ́ ɛ, bɛ kasɛka ɛ, bɔs moo dheegel elyɛɛpɛ. Fofop ɛ Ghɛɲ ngɔt eedus pɛ tɔ gwoo, sul ɛ bɔs, nyɛ eezɛbiɲal boo ɛkok ɛ bɛ nadiyal ɛbɛ ɛ ɛvit nɛ yɛ ɛ. Bhii tak, nyɛ eezɛnɔɔ nyɛl, disi kɔ ɛkok ɛ tak.

³ Nyɛ nadi ɛ, ɛkasɛpɛ dáa ngwyes bhi, ekaad bɛ mɛpum dhaa nyɛl.

⁴ Tin, esodja ee nazɛbaal ɛvit ɔ, moo tin syeela nɛ bɛbebwol, bɛ moo tin «gbegbagba» epwak nɛ bwoo, saa dáa bɛ sa.

⁵ E di'enek, wɔ gwaa fofop zokake nɛ nɔɔ náá: «Nádika nɛ bwoo, mɛ nɛ gu náá, bi san ɛ Yezu, mot nabemaa ɛ mɛlaaba ɔ.

⁶ Nyɛ tokapɛ wak. Nyɛ eezegom dáa nyɛ nalɛɛ bin ɛ ghɛɲ nyɛ nadi, nyɛ dinaa nɛ nen ɛ di wat ɛ. Dha beeka di bɛ nakɛl muu'ɛ ɔ.

⁷ Lelka, tɔka, kɛɛɛ nɛ bɛdjekɛl bɛ náá: “Nyɛ eezegom! Nyɛ eetɔ́, kɛbwood bin pɛ Ghalile. Ye ɛ penek ɛ bi aakɛboma nɛ nɛ.” Bhaadal mɛ kwyɛl mɛ neelɛɛ bin ɛ, ye ɛ yenek.»

⁸ E di tak wat, boa binɔk eezɛwɛyis tɔ ɛvit, bɔɔ zɛsum kaab. Tɔ elyem bɔɔ, ye nabɛ ɛ nɛ bwoo nɛ mɛmyaala elyɛɛpɛ. Bɔɔ zokasik kɛgoola lɛɲ pɛ daa bɛdjekɛl ɛ Yezu.

⁹ E di tak wat, Yezu zokazɛboma nɛ boa binɔk. Nyɛy nɛ nɔɔ náá: «Mɛ eeswos bin!» Tin, boa binɔk eezɛtiila pɛ dáa Yezu, bɛ eezɛmɛt nyɛ ɛ mɛko, bɛ moo tin nɛ ɛduwal nyɛ.

¹⁰ Yezu ɛ booke nɛ nɔɔ náá: «Sa bi ààdi nɛ bwoo. Kɛɛɛka nɛ bɔn nyaag'am náá, bɛ tɔ pɛ Ghalile. Ye ɛ penek ɛ bɛ aakɛbee mɛ.»

Lɛŋ esodja ee nadi ebaal ɛvit ɔ

¹¹ Boa binɔk dinaa ɛ ze, bɛdhiiti bot tɔ esodja ee nanɛɛgaa ɛtɛp ɛbaal ɛvit ɔ eezɛkum pɛ dɛl. Bɛ moo tin elɛɛ eboo bɛghaa-Zɛɛb esesɛɛ ee nadhaa penek ɛ djas.

¹² Bot ɛ nadi kɔ elo e bɛghaa-Zɛɛb ɔ, nɛ bɛpaa eYuda zokasɛɛga ɛ kwan. Bhii bɛ nazegwakel ɛ, wɔ gwaa, bɛ djɛ esodja binɔk bɛtɛ nɛ epata.

¹³ Bɛ eezɛke nɛ nɔɔ nɔ́á: «Bi lɛɛ bot ɛ nɔ́á: “Bɛdjekel bɛ eezye ɛ pum, zɛdjii muu mot'ɔɔ, bisɔ ɛ egɔ́.”

¹⁴ Tin, kukuma yen ɛ gwak ɔɔ, ye aanɔ́kwaasa sonok, etɛɛ nɔ́á, bis ɛ waagu dɔ́a bis aasil nyɛ lyem ɛ. Bis ɛ waasa nɔ́á, bi nàbela etɛp pɛ di mɛsa men.»

¹⁵ Esodja ɛ tak ɛ boonɔɔ epata ɛ tak. Sika bɛ nakasik ɛ, bɛ ɛ bookɛsa dɔ́a bɛ nalɛɛ bɛ nɔ́á, bɛ sa ɛ. Deenek, ye nabe ɛ menduk mɛ etɛp binek naagék tɔ mɛlɔ mɛ eYuda djas, kɛkum dwoɔ pan mos'ak.

Yezu eezɛtel nyel nɛ bɛdjekel bɛ

¹⁶ Bɛdjekel bɛ kam nɛ ngɔt nalik ɔ, nadi etɔ́ pɛ ze Ghalile, pɛ kɔ ɛtsok ɛ Yezu nalyo bɛ ɛ.

¹⁷ Dɔ́a bɛ nakum ɛ, bɛ eezɛbee nyɛ. Bhii tak bɛ moo tin eduwal nyɛ. Ye kabela tin ɛ, bɛdhiiti nadi ɛ, nɛ mɛsɔ tɔ elyem bɔɔ.

¹⁸ Yezu ɛ bootiila pɛ bɛ nadi ɛ, nyɛ ɛ booke nɛ nɔɔ nɔ́á: «Ye nabe ɛ, Zɛɛb eedjɛ mɛ eghɛŋ nɛ mɛbwala mɛ djas pɛ tɔ gwɔɔ nɛ kɔ bɔs.

¹⁹ Deenek, tɔ́ka pɛ daa bot ɛ membyak djas di kɔ ɛkɔ ɛ bɔs ɛ, da bi ɛ kɛsa nɔ́á, bɔɔ djas liigel, da bɛ ɛ di bɛdjekel bam. Duuka bɛ Zɛɛb nɛ din ɛ Sɛɛg, nɛ Mɔn, nɛ Sisim na Dɛɛ.

²⁰ Lyoka bɛ, bɛ kɛlooba nɛ esesɛɛ djas mɛ nalyaal
bin ɛ. Tin, bi ɛ waabee náá, mena waadika lɔɔg wat
mɛlu djas, kɛkum dwoo bɔs'ak aabookɛsi ɛ.»

Bekwel

Bekwel: Bekwel (New Testament)

copyright © 2024 Wycliffe Bible Translators, Inc.

Language: Bekwel

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 26 Apr 2025 from source files dated 26 Apr 2025

93bbeee1-b255-555f-8c39-01878a3cad57